

Հայկական գիտահետազոտական հանգույց  
Armenian Research & Academic Repository



Սույն աշխատանքն արտոնագրված է «Մտեղծագործական համայնքներ  
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial  
3.0 Unported (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

6811

28

R-65





30 AUG 2013

6811

202

ՈՒՍԱՆՈՂԱԿԱՆ ԵՐԱԽՏԱԳԻՏՈՒԹԵԱՆ

ԱՌ

ՀԱՅՐԱՊԵՏՈՒԹԻՒՆ ՄԵԾԻ ՏԱՆՆ ԿԻԼԻԿԻՈՅ

ՇԵՐՈՒՆԱԶԱՐԴ ՎԵՋԱՓԱՌԻՆ

ՏԵԱՌՆ ՏԵԱՌՆ ՍԱՀԱԿՑ Բ. ՍՐԲԱԶՆԱԳՈՅՆ

ԿԱԹՈՂԻԿՈՍԻ

ԵՆ

ԱՓՈՌԱԿԻՑ ՎԵՋԱՓԱՌԻՆ


ՏԵԱՌՆ ՏԵԱՌՆ ԲԱԲԳԷՆԻ ՍՐԲԱԶՆԱԳՈՅՆ

ԿԱԹՈՂԻԿՈՍԻ

ՀԵՂԻՆԱԿԷՆ



18695-58



ՎԵՀ. Տ. Տ. ՍՍՀԱԿ Բ.  
Կարողիկոս Մեծի Տանն Կիլիկիոյ





աւանդութիւն՝ գրաւոր պատրաստած եւ աւանդած եմ :  
 Եւ այսօր ուրախ եմ զանոնք դասաւորելով ի լոյս  
 ընծայելու համար, եւ յիովին վարձատրուած պիտի ըլ-  
 լամ, եթէ ասով կարենամ ծառայած ըլլալ քրիստոնէու-  
 րեան կէս նպասակին — *հոգեկան վերածնութեան :*

Փորձիս դասաւորումին տուն տուողը եղած է Ամեն.  
 Տ. Փորզով Սրբազանի, Եգիպտոսի Հայոց Առաջնորդու-  
 րեան օրով Գահիրէի Ազգ. Գալստեան վարժարանին  
 համար պատրաստած կրօնագիտութեան ծրագիրը, որուն  
 Երդ. դասարանի յատուկ բաժինն է գրքոյկիս պարու-  
 նակութիւնը, ի հարկէ յաւելումներով եւ յապաւում-  
 ներով :

Ուրեմն հասկնալի է որ ամբողջական գործ մը չէ  
 ստիկա :

Պատշոյնի բերումով նկատած եմ որ շատեր *Գործ*  
*Առաջնորդի* մասին աղօս իմն գաղափարներ միայն ու-  
 նին : Մանաւանդ Երուսաղէմի առաջին եկեղեցւոյ կազ-  
 մութեան, հեքանոսաց մէջ Առաքելական գործունէու-  
 րեան մասին պատահական բարոզներ միայն լսած են,  
 որով պէտք էր որ ինչ մը լայնօրէն խօսեի անձերու եւ  
 պայմաններու մասին, որոնց մէջ հիմնուեցաւ *Քրիստո-  
 նէութիւնը :*

Առաքելական Երջանի դասերուն պատրաստութեան  
 համար, *Գործ Առաջնորդին* տարբեր աղբիւր չեմ ունեցած :

Դժբաղդաբար օտար լեզուով գրուածներ ինծի հա-  
 մար հասկնալի չեն եւ ոչ ալ իմ տրամադրութեանս տակ  
 ունեի նոյն գրադարաններ որպէսզի ընդօրինակութիւն-  
 ներ, բարգամաբար իւրացումներ կամ մեջբերումներ  
 ընեի : Սոյն անցան ծանօթութիւնս կը պարտիմ կրօն.  
 քերթերու եւ գիրքերու յարատեւ ընթերցող մը ըլլալու :

*Անգիր եւ Ոսկեդարու* երկու Երջաններուն համար  
 Ազգ. Պատմութիւններէն զատ, ինծի առաջնորդ ունեցած  
 եմ հոգեւոյնս Օրմանեան Սրբազանին ազգապատումը :

Չանագած եմ հնարաւոր միջոցներով ցոյց տալ միակ  
 նպատակը, զոր հետապնդեցին մեր երանաւունքի հայրա-  
 պետներն ու նախնիք : Թէ՛ *Հայրութիւնը շուտաւորեց իրիւ-  
 տնէական հաւատքով որպէս կրօնի երկնաւոր, եւ թէ իբրեւ  
 միակ միջոց փրկելու համար զայն օտարացուէ : Անոնք կեր-  
 տեցին Հայաստանեայց եկեղեցին որ Հայր ապրի :*

Մեր մարտիրոսագրութեան երկու Երջանները —  
 Պարսկական եւ Արաբական — բաւ համարեցի իբրեւ  
 լուսազոյն փաստ, մեր ազգին տկուրութեան եւ անսա-  
 տան հաւատքին : Չանց ըրի յունական նենգամտութեան,  
 մոնղոլական վայրագութեան, լատինական մարդասու-  
 րեան՝ ինչպէս նաեւ քրական տիրապետութեան խժողու-  
 ժութիւնները՝ որոնք մեր բնաջնջումը արժեցին :

Լիայոյս եմ որ գրքոյկիս քերթներուն՝ ձեռնհասներ  
 ներողամիտ աչքով պիտի նային, իսկ հասարակութիւնը  
 պիտի ուզէ օգտուիլ մեծամեծ հաստիներ քղբասելու հը-  
 նարաւորութիւնը չունենալուն համար : Պատ. ուսուցչաց  
 կը բողոքում գործս գնահատելու եւ ըստ այնմ դպրոցներէ  
 ներս զայն ընդունելու որոշումը :

Հոս պարտիմ ըսել թէ՛ կրօնագիտութիւնը գիտութիւն  
 մը չէ այնպէս, իսչպէս որ է օրինակի համար բուսաբա-  
 նութիւնը :

Դաւանաբանական հարցերու խոր հետազոտութիւնը՝  
 Աստուածաբանական տեսութիւններու մանուածապատ  
 խորնորութիւնները, ինչպէս նաեւ եկեղեցական արարա-  
 դութեանց եւ ձեւերուն իրարմէ ունեցած տարբերու-  
 րիւնները գիտնալ եւ սորվեցնել, եկեղեցականաց հա-  
 մար մասնագիտութիւններ են : Հաւատքի համար հակառակ  
 Փրկչի *Աւետարանին* եւ կամ *Աւետարանական կեանք* ապ-  
 բողոքներուն ծանօթանալ եւ անոնց հետեւիլն է : Եւ եթէ  
 ուսուցիչը չապրի այդ կեանքը ինչ որ ինք կը դասա-  
 խօսէ փոքր տղոց, դասը կը դառնայ ոչ միայն անհամ  
 եւ ձանձրացուցիչ, այլ նախապատարումներու լեռնա-

կոյս մը, որուն ծանրութեան սակ կը բքանան մտեր, կը բունաւորուին ու կ'սպաննուին անմեղ հոգիներ:

Լաւ է որ մեր դպրոցներէն ներս կրօնի դասը իսպառ ջնջուի, քան թէ ան վստահուի *անհաւատ եւ կեղծաւոր* ուսուցչի մը:

\* \* \*

Վերջացնելէ առաջ, առիթէն կ'օգտուիմ իմ սրտիս մէջ երեսուն երկու տարիներէ հետէ անթողուած անտեղ երախտագիտութիւնս արտայայտել Այնթապի եկեղեցասիրաց Ընկերութեան (հիմնեալ 1896-ին) եւ Սոյ ժառանգաւորացի ուսուցիչներու: Իսկ կ'ոգեկոչեմ հոգիները անոնց, որք ի Տէր ննջեցին. «Տէրը՝ ի լոյս երեսաց իւրոց հանգուացէ»:

Պատուոյ յիշատակութեամբ մը կը յաւերժացնեմ հոգւոյս Տ. Կիրակոս Արքեպիսկ. Փեմէզգնեանի խնկելի անունը, որուն Կարող. Տեղապահութեան վերջին տարիներուն (1899—1902) կը զուգադիպէր իմ աւակերտութիւնս:

Բիւր օրհնութիւն եւ նոխուրիւն Կիլիկիոյ Կարողիկոսութեան՝ իր վայրավատին դեգերումներուն մէջ:

ՄԵՍՐՈՊ ՔԶԼՅ. ՔԷՕՇԿԷՐԵԱՆ

1934 Փետր. 2

Աղեփաճղերիս



# ՔՐԻՍՏՈՆԵՈՒԹԻՒՆ ԵՒ ՄԵՆՔ

Ա. ԳԱՍ

ԿՐՈՆԱԿԱՆ ԵՒ ԵԿԵՂԵՑԱԿԱՆ

ԲԱԺԱՆՈՒՄՆԵՐ

Սիրելի տղաքս, ամէնքդ ալ կը տեսնէք մարդկային բազմութիւններ՝ ամէն սեռէ և հասակէ մարդիկ որ գունդագունդ կը դիմեն կարգ մը հաւաքավայրեր՝ որոնք ծանօթ են թատրոն, սինէմա, գաղինօ, սրճարան և ընդհանրապէս:

Զրօսանքի պէտքը, գեղարուեստի ճաշակին գոհացումը՝ նորութեան հետեւելու կիրքը, զօրաւոր պատճառներ են որ մարդիկ ժամեր զոհեն հաճոյքի համար:

Դուք կը տեսնէք նաեւ մարդկային զանգուածներ, միեւնոյն ընտանիքի պատկանող մեծեր և փոքրիկներ, ընդհանրապէս առաւօտեան և երեկոյեան պահերուն, որոնք զանգակի մը ղօղանջիւնին և կամ կոչնակի մը թիքթաքին կը պատասխանեն փութկոտ քայլերով, դիմելով դէպի այն բարձրագիր շէնքը՝ որ թէեւ հաւաքավայր մըն է, բայց ապահովաբար հաճոյքի վայր մը չէ:

Երբ դեռ փոքր էիք, կը յիշէք հարկաւ այն քաղցր երթը դէպի ժամ, բռնած ձեր մօր կամ սիրելիներու ձեռքէն: Կը մտաբերէ՞ք արդեօք այն անուշիկ ու գողտրիկ բառերն ու կարճիկ նախադասութիւնները. Փա՛ռք քեզ Ասուած, Մեղայ Ասուծոյ, Գոհանամ քեզի, Տէր ողորմեա՛, Հայր մեր, Յիսուս Քրիստոս:

ոսոս, և լին. և լին., որոնք արցունքոտ աչքերով, կուրծքերու կոծումներով, ձեռամբարձ և վերհայեաց դիրքով մը կ'ուղղուէին դէպի վերը:

Իսկ այսօր որ այլևս պատանիներ էք, ուշադիր և հետազննին ակնարկներ կ'ուղղէք՝ անոնց որ մեր ժամը չեն գար: Կը տեսնէք զանոնք ալ աղօթողի դիրքին մէջ, և պահ մը կը խորհրդածէք թէ՛ անոնք մեզմէ չեն:

Այո՛, դժբաղդաբար անոնք մեզմէ չեն. այլազգ են. լեզունին, ազգերնին և կրօննին տարբեր է: Սակայն անկրօն չեն: Անոնք ալ իրենց կրօնական պարտականութիւնները կատարելու համար մեզի չափ և թերեւս մեզմէ աւելի հոգածու են, և եռանդ ունին:

Ցեղային աւանդութիւնները՝ միջավայրը՝ մտաւոր զարգացման ազդակները՝ մարդուն մէջ կը շինեն հոգեկան և զգացողական կարողութիւններ, որով ամէն ազգ, նոյնիսկ ամէն անհատ կ'ունենայ իւրայատուկ համոզումը և կամ հաւատքը:

Ասոր համար է որ շատ մը տեսակ կրօններ կան: Ընդհանուր առմամբ, մարդկութիւնը կրօնական տեսակէտով երկու մասի կը բաժնուի:

**Միասուածեան եւ բազմասուածեան:**

Բազմասուածեանները՝ որ մէկ բառով կուսպաշտ կը կոչենք, շատ մը Աստուածներու գոյութեան հաւատացող ազգեր են, որոնք մէն մի աստուծոյ անուանով կուռք մը շինած են և զայն կը պաշտեն:

Միասուածեանները մէկ Աստուծոյ հաւատացողներ են, որոնք ձեռագործ կուռքեր չեն պաշտեր:

Միասուածեան են. Մովսիսականները, Քրիստոնեաները և Մահմետականները: Սոյն երեք կրօններու հեղինակները միեւնոյն ցեղին կը պատկանին, այսինքն Սեմական են:

Սեմական ցեղի պատկանող Հրեայ ազգէն էր Մովսէս, որ Քրիստոսէ 1700 տարի առաջ մէկ Աստուծոյ գոյութիւնը քարոզեց: Իսրայէլացիք թէև Աբրահամէն սկսեալ երկնքի և երկրի միակ Արարիչ Աստուածը կը ճանչնային, բայց կրօնական հաւատալիք և արարողութիւն չունէին: Մովսէսն էր որ կազմեց ու դասաւորեց Աստուածային առաջին կրօնը՝ որ ծանօթ է իր անունով:

Քրիստոնէութիւնը՝ Յիսուս Քրիստոսի հիմնած կրօնն է: Ինչպէս գիտէք Յիսուս ալ Հրեայ էր. այսօր 1933 տարուան հնութիւն ունեցող կրօն մըն է Քրիստոնէութիւնը, որ օրըստօրէ կ'աճի ու կը ծաւալի:

Քրիստոնեայ եկեղեցին երեք որոշ բաժանմունքներ ունի. Կաթոլիկ, Օրթոտոքս և Բողոքական:

Սոյն կրօնական բաժանումը սկսաւ Պոլսոյ Յունաց Տիեզերական Պատրիարքին և Հռովմայ Քահանայապետին իրաւասութեան վէճով: Ամէն մէկը՝ իր կարգին ինքզինքը ընդհանուր Քրիստոնէութեան մեծը՝ Գերագոյն Պետը պարտադրել ուզեց:

**ԿԱԹՈՒԼԻԿ ԿԱՄ ԱՐԵՒՄՏԵԱՆ ԵԿԵՂԵՑԻ**

Եւրոպացիք մինչեւ տասնվեցերորդ դար Կաթոլիկ էին, սակայն Պապական եկեղեցւոյ բռնապետութիւնը, համոզումի և հաւատալեաց տարբերութիւն ունեցող անձերու հանդէպ կիրարկուած հակամարդկային արարքները՝ տեղի տուին շատ շատերու բողոքին: Ասոնց գլխաւորը եղաւ Լուտեր անունով գերմանացի եկեղեցական մը: Այսպէս կազմուեցաւ Բողոքական Եկեղեցին:

Ճաւալի է ըսել որ՝ Կաթոլիկները մինչեւ այսօր ալ իրենցմէ դուրս Քրիստոնեայ չեն ճանչնար: Արսաֆոյ Հռովմեական Եկեղեցւոյ շիֆ փրկութիւնը բանաձեւ մը ունին: Սոյն Եկեղեցւոյ մեծը կը կոչուի Պապ:

Հստ իրենց՝ Պապը Պետրոս Առաքեալի փոխանորդն է, հետեւաբար երկրի վրայ Պապը Յիսուս Քրիստոսը կը ներկայացնէ :

**ԲՈՂՈՔԱԿԱՆ ԵԿԵՂԵՑԻ**

Բողոքականութիւնը արդիական եկեղեցի է . աւարտողութիւն, պաշտամունքի միօրինակութիւն չունի . նոյնպէս չունի հանգանակ հաւատոյ կոչուած հաւատալեաց վերջնական բանաձեւ մը : Բողոքական եկեղեցին ունի ձեռնադրեալ հովիւ մը և աշխարհականներէ կազմուած Եկեղեցական Ժողով մը : Այս պատճառաւ է որ՝ սոյն եկեղեցին բաժնուած է հարիւրաւոր հատուածներու, որոնցմէ գլխաւորներն են Անկլիքան կամ Եպիսկոպոսական և Աւետարանական :

**ՕՐԹՈՏՈՒՔՍ ԵՒ ԱՐԵԵԼԵԱՆ ԵԿԵՂԵՑԻ**

Օրթոտոքս կամ ուղղափառ եկեղեցին է Արեւելեանը . Պոլսոյ Յունական Կայսրութիւնը արեւելեան մասն էր Հռովմէական աշխարհածաւալ Կայսրութեան : Արեւմտեան՝ այսինքն Հռովմէական կայսրութեան կործանումով, Պապերը իրենց վրան առնել ուզեցին աշխարհական իշխանութիւնն ալ, և ահա ծագեցաւ Պոլսոյ Կայսերաց և Հռովմի Պապերուն վէճը, որ յանգեցաւ Եկեղեցական բաժանումի : Այս է պատճառը որ Պոլսոյ Յոյն Պատրիարքին՝ Տիեզերական մակդիրը տրուած է :

Յոյն եկեղեցին ունի քանի մը Պատրիարքներ՝ որոնք իրարմէ անկախաբար կը կառավարեն իրենց թեմին ենթակայ եկեղեցիները : Օրթոտոքս է Հայատանեայց եկեղեցին :

Յունադաւան են Յոյներ, Պուլկարներ, Սերպեր, և Ռուսեր : Հայկականին կը հետեւին հին եկեղեցիներ . Ղպտի, Բաղդէացի, Ասորի, և Հապէչ :

**Բ. Գ Ա Ս**

**Ե Կ Ե Ղ Ե Ց Ի**

Որքան հին է մարդկային քաղաքակրթութիւնը՝ այնքան հին է նաեւ կրօնական արարողութեանց համար կառուցուած շէնքերուն պատմութիւնը : Կըրնանք ըսել թէ նախամարդիկ որ հազիւ ինքնագիտակցութեան աստիճանին ոտք կոխած էին, իրենց առաջին գործը ըրին, իրենց կրօնական հաւատալիքը գործնականացնելու համար շինել հաւաքատեղիներ, ժողովարաններ, Մեհեան, Բագին, Կուսուց, Մզկիթ, Սինակոկ, Տաճար, ևլն. ևլն. անուններով :

Մեր մէջ Եկեղեցի բառը գործածական եղած է Քրիստոնէական շրջանին : Յունարէն էֆլիսիա բառը տառադարձելով կ'ունենանք Եկեղեցի բառը, որ կը նշանակէ ժողովարան, հաւաքավայր : Հայերէն գործածական է Ժամ, Ժամտուն :

Աստուծոյ հետ յարաբերուելու միջոցն է աղօթել եւ բարեգործել : Հաւատացեալի մը հոգւոյն համար աղօթքը այն է, ինչ որ է սնունդը մարմնոյն : Այսինքն հաւատացեալը առանց աղօթքի ինքնին կը դադրի հաւատացեալ ըլլալէ :

Յիսուսի անապատին քառասունքը, ինչպէս նաև օրուան յոգնութիւններէն վերջ իր ունեցած առանձնութիւնը՝ մշտամրմունջ աղօթքի պահեր էին : Անոնք որ չեն աղօթեր՝ ինքնին մեռած հոգիներ են : Հետեւաբար առանձնական եւ հաւաքական աղօթքները անհրաժեշտութիւն մըն են բոլոր հաւատացեալներուն համար :

Առանձնական աղօթքը ամենուրեք, և ունէ ժա-  
մուն կարելի է կատարել: Այլ մանաւանդ առտուն  
արթննալէ, լուացուելէ և հագուելէ վերջ: Երեկոյին  
պառկելէ և քնանալէ առաջ երեսնիս դէպի արեւելք  
դարձուած աղօթելը՝ քրիստոնէական պարտականու-  
թիւն է:

Ստիպուած չենք անպատճառ մեր գոց սովրած  
աղօթքները մէկ շունչով արտասանել, պարտականու-  
թիւն կատարած ըլլալու գոհունակութեամբ մենք  
զմեզ մխիթարել: Իրաւ է թէ Տէրունական աղօթքէն  
վերջ՝ Գրիգոր Նարեկացիի, Ներսէս Շնորհալիի յօրի-  
նած հոգեթով աղօթքները, հասկնալի լեզուաւ մը՝  
ինչպէս կ'ըսեն յառուկ յառուկ արտասանելը լաւ բան  
է, այսուհանդերձ հաւատացեալ մը ինք գիտէ թէ ի՛նչ  
բաներու պէտք ունի իր հոգին, թէ ի՛նչ մեղքեր  
սեւցուցեր են իր Ներքին Մարդը՝ թէ ի՛նչ թարախոտ  
վէրքեր բացուեր են իր հոգւոյն խորքը:

Որով ջերմապէս յանձնարարելի է ամէն օր ինք-  
նամփոփման ժամեր ունենալ, զգացածդ հասկցած լեզ-  
ւովդ մտաուցանելու Անոք որ քեզ կը լսէ ամէն տեղ,  
գիտէ քու խորհուրդներդ, կը թափանցէ զգացում-  
ներուդ:

Հաւաքականը և կամ հասարակացը ունի իրեն  
որոշ ժամերն ու օրերը, կարգն ու սարքը, արարու-  
ղութիւնը, հանդիսութիւնը:

**ՀԱՅԱՍՏԱՆԵԱՅՑ ԱՌԱՔԵԼԱԿԱՆ ԵԿԵՂԵՑԻՆ**

Այս է մեր եկեղեցւոյն անունը. ամէն առտու և  
երեկոյ կ'աղօթէ իր ժողովրդին և բոլոր աշխարհի  
խաղաղութեան համար: Հայ ժողովուրդը իր հայրե-  
նիքին մէջ վարժ էր ամէն առտու իր գործին չգա-

Եր  
Եր  
Եր

1865-81

ցած՝ արշալոյսին ժամ երթալ և խմբովին աղօթել ու  
երկրպագել իր Աստուծոյն:

Սուրբ Գիրքը կ'ըսէ՝ «Ձայն բազմաց ձայն Աս-  
տուծոյ»: Հաւաքական աղօթքը՝ հաւաքաբար կա-  
տարուած գործի մը նման յաջողութեան երաշխիքը  
ունի: Եւ ի՞նչ բան աւելի հոգեկան ցնծութիւն կը  
պատճառէ՝ քան Քրիստոնեայ անունին ներքեւ միա-  
ցած եղբայրներու սրտագին պաղատանքը:

Մեր Փրկիչը ըսած է. «Եթէ իմ անունովս երկու  
կամ երեք հոգի հաւաքուիք, ես ձեր մէջն եմ»:

Ոչ ոք կրնայ ուրանալ թէ՛ արուեստ և գիտու-  
թիւնք սահմանափակում մը ունին: Այսինքն մարդ-  
կային կարողութիւնը անզօր եղած է, և է ալ հաս-  
կընալու և լուծելու այն բոլոր գաղտնիքները որոնց-  
մով շրջապատուած ենք. հոն ուր կը դադրի՝ օրինակ  
բժշկական ամէն հնարք, հոն ուր ինչո՞ւններու շարքը  
կը մնայ անպատասխան, հոն ուր զօրութիւնները ան-  
բացատրելի են, ըսել է մարդկային կարողութեան  
վերջակէտն է: Հոգ է որ մարդ էակը կը տեսնէ իրմէ  
վեր ոյժի մը գոյութիւնը և կը հասկնայ միանգամայն  
իր անկարողութիւնը:

Հարկադրուեցանք ըսելու այս բաները, որպէսզի  
երախտագէտ սրտով մը փառաբանենք զայն, այն ա-  
մէն բարիքներուն համար՝ զոր գրամով կամ փոխար-  
ժէքով մը գնել չենք կարող: Օղբ զօր կը շնչենք,  
ջուրը զօր կը խմենք, լոյսն ու ջերմութիւնը զօր կը  
վայելենք, զրամական արժէքով չեն գնուիր:

Դուք գիտէք թէ՛ մարդիկ դարեր շարունակ աշ-  
խատած են գերբնական ոյժին ճշգրիտ բացատրու-  
թիւնը գտնելու և սորվելու համար:

Այդ ուղղութեամբ կուպաշտները խաւարէ խա-  
ւար, անդունդէ անդունդ գլտորուած են, առանց կա-



րենալ հասնելու, որոշ եզրակացութեան մը: Մովսէսի կրօնն ալ թերի էր: Մեր Փրկիչը եկաւ որպէսզի այդ պակասը լրացնէ: Քրիստոնեայ եկեղեցին իր բեմով կը դասախօսէ, այսինքն քարոզներով կը սովորեցնէ այն ճշմարտութիւնները՝ որոնք Ս. Աւետարանով մեզի հասած են: Եկեղեցիէն ներս Մարգարէներու և Առաքեալներու գիրքերուն՝ ինչպէս նաեւ Ս. Աւետարանի բարձրաձայն ընթերցումը անհրաժեշտութիւն մըն է: Իսկ որպէսզի աղօթքները լսելի, տպաւորիչ և միանգամայն հաճելի ըլլան, եկեղեցական շքեղ և շողջողուն հագուստներու, արծաթէ ոսկիէ շինուած խաչերով և անօթներով զանոնք բարձրաձայն արտասանելը՝ քաղցրաձայն եղանակներով երգելը և այլ ձեւեր, պաշտամունքին կուտան սրբազան վեհութիւն մը: Սեղաններու զարդարանքը, Փրկչի, Աստուածածնայ և Սրբոց պատկերները, պլպլացող կանթեղներն ու մոմերը, բուրվառին անուշահոտ արտաբուրումը, քրջոցներու, ցնձղաններու, երգէհոնի քաղցրալուր երաժշտութիւնը՝ հոգեկան կազդոյր մը, ներշնչում մը կը պարգեւեն ամէն սրտերու: Եկեղեցական սոյն կազմակերպութեան մասին հետագային:

## Փ. Պ Ա Ս

### ԵԿԵՂԵՑԱԿԱՆ ՄԻՈՒԹԻՒՆ

Առաջին դասին մէջ յիշած էինք այն գլխաւոր պատճառները որոնք տեղի տուած էին եկեղեցւոյ բաժանումներուն:

Հայ ժողովուրդը իր անցեալ պատմութեան մէջ սերտ յարաբերութիւն ունեցած է Յոյն ազգին հետ: Պոլիս մինչև տասնհինգերորդ դար այն էր Արեւելեան ազգերուն համար, ինչ որ է ներկայիս Բարիզ, Լոնտոն, Նիւ Եօրք, և ըն.: Հոն է, կեդրոնը վաճառականութեան, արուեստի, ուսման և գրականութեան, ինչպէս նաև եկեղեցական հեղինակութեան:

Քրիստոնէական ըմբռնումի և ճարտարագետութեան հրաշակերտ մըն է Ուլա Սօֆիա եկեղեցին, զոր Սուլթան Ֆաթիհ Մուհամմէտ մզկիթի վերածեց: Պոլսոյ տիրապետութեան ենթակա, շատ մը ազգեր, ինչպէս նաև մենք, Հայերս, քաղաքական կապերով կապուած էինք Պոլսոյ հետ: Յունաց բանակին մէջ կար հայազունդ մը որ շատ անգամներ փառապանծ յաղթանակներ ապահոված է կայսրութեան:

Պոլսոյ գահուն վրայ արժանաւորապէս բազմեցան շատ մը Հայ կայսրներ: Ուրեմն հասկնալի է Յոյն-Հայ յարաբերութեան աստիճանը:

Ցաւալի է ըսել թէ՛ երբ Հայեր Վարդանանց պատերազմը կը մղէին, Պոլսոյ Քաղկեդոն գիւղին մէջ կը գումարուէր ժողով մը՝ որ սկզբնապատճառը պիտի ըլլար Հայ-Յոյն յարաբերութեանց ցրտացման: Եթէ ոչ դուք Ազգ. պատմութենէն գիտէք կրօնական այն

սիրալիր յարաբերութիւնները որ գոյութիւն ունէին Ս. Գրիգոր Լուսաւորչի և իր յաջորդներուն օրով: Եւ երբ հայ ազգն ու եկեղեցին իր գոյութեան սպառնացող Մոնկոլական և Արաբական արշաւանքներու դառնութիւնները ցմրուր կը քամէր, ի հարկէ ոչ մէկ միջոց ունէր դաւանաբանական հարցերով զբաղուելու, և ոչ ալ սիրալիր յարաբերութիւններ մշակելու: Յուսական և Պապական եկեղեցիներու հետ:

Ուրբինեանց օրով էր որ նախ Յունաց և ապա Լատինաց հետ սկսուած եկեղեցական Միութեան հարցը վերահաս աղէտներով անհետեւանք մնաց: Պատմական այս հակիրճ տեղեկութիւններէ վերջ անցնինք մեր նիւթին:

Քրիստոսի եկեղեցին մի և անբաժանելի է. անոնք որ բաժանումներ կը գնեն և ըստ այնմ կը քարոզեն՝ աններելի կերպով կը մեղանչեն, որովհետեւ Քրիստոս մէկ է եւ անբաժանելի: Քրիստոսի անձին և կեանքին նկատմամբ եղած մեկնաբանութիւնները, իր այս կամ այն խօսքը հասկնալու տեսակէտներ, միջին դարու յատուկ տգէտ և կործանարար արարքներ են, որոնց վերլուծումն իսկ քաղաքակիրթ մարդկութիւնը պժգանքով կը լեցնէ:

Քրիստոնեայ առաջին եկեղեցին կազմեցին տասներկու առաքելներ, եօթանասուն երկու աշակերտներ, Յիսուսի մայրն ու ազգականները, ինչպէս նաև իրեն հետեւող կիներ:

Ասոնց ժամագրավայրն էր այն վերնատունը՝ ուր Յիսուս վերջին անգամ ընթրած էր իր աշակերտներով: Ընթրիքը կը բաղկանար իբր մէկ տարեկան գառնուկի խորովածէ և բաղարջ հացէ: Հրեաները, Մովսէսի օրինաց համեմատ, պարտաւոր էին տօնել իրենց նախահարց Եգիպտոսէ ելքը, զատուելու տօնը

կամ Զատիկը. որ կը կոչուէր նաև Բաղարջակերաց: Յիսուս վերջին անգամ իրեններով միասին կերած էր Զատիկական գառնուկը, օրհնելով հացն ու գինին, իբր իր մարմնոյն և արեան նշանակ տուած էր իր աշակերտներուն, որպէսզի ուտեն ու խմեն եւ ամէն անգամ ալ զայն գործադրեն իր յիշատակին համար: Հաղորդութեան խորհուրդն էր ասիկա՝ ինչպէս որ ըսինք տեղի ունեցած էր գեղեցիկ եւ զարդարեալ վերնատան մը մէջ, որ Մարկոս Աւետարանչի ծննդաց տունն էր: Այս տունը Յիսուսի համբարձումէն վերջ միակ հաւաքավայրը եղած էր իր աշակերտներուն, որով կոչուեցաւ աշխարհամատուռ:

Ինչպէս գիտէք, Յիսուս ծնած էր Բեթլեհեմ քաղաքին մէջ, Դաւթի եւ հետեւաբար Յուդայի ցեղին կը պատկանէր, սակայն իր մանկութիւնն ու երիտասարդութիւնը անցուց Նազարէթ քաղաքին մէջ և կոչուեցաւ Նազովրեցի: Հրէաստանէ դուրս տեղ չէր գիտեր: Իր ծնողացը հետ հազիւ թէ տարի մը Եգիպտոս մնացած էր որ ատեն 1—2 տարեկան երախայ մըն էր, որով իր գործունէութեան շրջանը՝ որ երեք տարի և երեք ամիս է գրեթէ, անցուց Հրէաստանի մէջ: Ուսեալ մէկը չէր, ինչպէս առթիւ մը գիտել տուին իր քաղաքացիները. ուսեալ չէին նաև իր աշակերտները, ընդհանրապէս Գալիլիացի տգէտ ձրկնորսներ և մաքսաւորներ էին:


Իր Աստուածային պաշտօնին չի ձեռնարկած, նախ Յորդանան գետին մէջ մկրտուեցաւ իր մօրը կողմէն՝ ազգականին՝ Յովհաննէս Մկրտչէն, որմէ յետոյ անապատին մէջ քառասուն օր և գիշեր անօթի ու ծարաւ փորձութեան շրջան մը անցուց: Ահաւասիկ ասոնք են իր պատրաստութեան ամփոփ մէկ ուրուագիծը:

Յիսուս իբր մարդ խիստ գեղեցիկ և վայելչակազմ մէկն էր. առինքնող գրտերեւոյթին միայած էր բանախօսելու և հրապուրելու արտաքոյ կարգի կարողութիւն մը, որով կը գիւթէր ու կը թովէր իր ունկընդիւրները, որոնք հազարներով կը հետեւէին իրեն:

Կարելի է ենթադրաբար ըսել թէ՛ հետեւողներէն շատերը անգործ մարդիկ էին. իսկ ուրիշներ ալ հրէական մօտայուտ պետութեան մը կազմութեան յոյսով կ'օրորուէին, բայց և այնպէս մեծ մասամբ Յիսուսի խօսքերուն ազդեցութեան ենթակայ մարդիկ էին:

Անօրինակ իրողութիւններ էին իր հրաշագործութիւնները. կաղեր, կոյրեր, անգամաբայծներ և նոյն իսկ մեռելներ մէկ բառով կը բուժուէին և կ'ողջնանային:

Իր խօսքերէն և հրաշագործութիւններէն չափազանց վեր կը մնար իր անարատ և սուրբ կեանքը. իրապէս Աստուածային կեանք մը որ երբեք ապրուած ըլլայ ու է անձէ մը: Այդ կեանքը յաւիտենական ազբիւր է սիրոյ, որմէ պիտի արբենար ու յագենար ընդհանուր մարդկութիւնը:



1. Յովհաննէս Աւետարանիչ . 2. Պետրոս Առաքեալ  
3. Պօղոս Առաքեալ . 4. Մարկոս Աւետարանիչ

## Գ. Գ Ա Ս

## ԱՌԱՔԵԱԼՆԵՐ

Յիսուսի մարդկային կեանքին վերջաւորութիւնը շարայարում մըն է՝ իրական դրուագներու, որոնց ա- կանատես առաքեալներ անկարելի էր որ սքանչացու- մով մը լոկ բաւականանային: Թէև անոր մատնութիւ- նը, չարչարանքը, դատաստանը, խաչելութիւնն ու թաղումը սարսափի և յուսահատութեան օրեր եղան, թէև երեք և աւելի տարիներու ընկերակցութիւնը իր անձին և կարողութեան հմայքը աներեւակայելի փը- լուզումով մը վերիվայր շրջած ու անշքացած էր, թէև հիասթափումի այս անել կացութեան: առջև ու- ըրիչ ընդհանր ճիշտացած իրենց, եթէ ոչ գերագոյն ճիշտ մը եւս իրենց կրօնական պարտականութիւնը կատա- րելու Տիրոջը անշունչ մարմնոյն վրայ և յետ այնու լալ և ողբալու և ի հարկէ ընդհուպ ցրուելու: Եւ սակայն Յարութեան անհաւատալի լուրը՝ այդ ուղղու- թեամբ եղած մանրակրկիտ քննութեանց արդիւնքը, նոյն օրուան մէջ Էմմաուսի ճամբորդներուն վերա- դարձը, ականատեսներու վկայութիւնը և վերջապէս միեւնոյն գիշեր Յիսուսի անձամբ ներկայութիւնը իրենց ժողովին միջեւ, ամէն կասկած ու երկիւղ վերջնակոնապէս փարատեց:

Յարութիւնէն մինչեւ Համբարձում, քառասուն օրերու ժամանակամիջոցը ինքնին գրաւական մըն է այն իրական յարաբերութեան որ տեղի ունեցաւ Առա- քելոց, աշակերտաց և Յիսուսի միջեւ: Անոնք ոչ թէ բաց աչքով տեսան զայն, այլ Թովմաս երկուորեակ

առաքեալը իր ձեռքերով շօշափեց Յիսուսի մարմնոյն վէրքերը : Անոր հետ միասին ժամեր ապրեցան , կերան , խմեցին և խօսեցան : Եւ երբ պիտի համբառնար՝ բոլորին ներկայութեան տուաւ իր Աստուածային վերջին հրահանգը , առ է սպասել Հոգւոյն Սրբոյ գալստեան , որով պիտի զօրանային : Եւ ապա ձեռքերը դէպի երկինք վերցնելով համբարձաւ :

Տղա՛քս , ձեզի համար նորութիւն մը չէ ինչ որ յիշեցինք վերօք . դուք Մանկապարտէզէն սկսեալ շատ անգամներ լսած էք Յիսուսի կեանքի պատմութեան այս վերջին մասը : Իսկ այսօր կարող էք դէպքերը դասաւորելու , տրամաբանելու և որոշ եզրակացութեան մը յանգելու : Պէտք է գիտնաք թէ՛ Աստուածային այս հրաշալիքները գիտական միջոցներով չեն բացատրուիր : Այն որ ինչո՞ւններով կ'ը բեռնաւորէ իր միտքը , մանաւանդ ձեր տարիքը տղաք անորոշութեան մէջ կ'իջնան : Միմիայն խորհեցէք թէ՛ այս բոլոր դէպքերուն ականատես վկաները փոքր մանուկներ կամ յիմարներ չէին :

Առաքեալներն ալ խորապէս հետաքրքրուեցան այն ամէն իրողութիւններով , որոնք այնքան զարմանալիօրէն տեղի կ'ունենային Յիսուսի անձին շուրջ : Եթէ ոչ , ի՞նչ պատճառ կար մեռած մարդու մը համար ի գին իրենց կեանքին յանձն առնէին այդ կարգի զրկանքներ ու զոհողութիւններ , որոնց ամենափոքրն իսկ սարսափով կը լեցնէ մարդկային ու և է արարած :

Ըսել կ'ուզեմ թէ՛ Առաքելոց վկայութիւնը թէ Յիսուս Քրիստոս մեռելներէն յարուրիւն առաւ , միակ նշանաբերիւն է :

Մենք յետագայ դասերուն մէջ առիթը պիտի ունենանք հաստատելու մեր ըսածը :

Հոգւոյն Սրբոյ գալուսը պատահեցաւ Պէնտէկոստէի յաջորդօր օրը , յիսունմէկերորդ օրը Յարութեան : Պէնտէկոստէ բառը յունարէն յիսունք կամ յինունք կը նշանակէ : Այս օրն էր որ տեղի ունեցաւ Սինայի օրինաց Աստուածային տուուելութիւնը , որ կը զուգահիւսէր Հրէից Եփրատոսէ ելքին յիսուներորդ օրուան : Հրէայք այս տօնին միացուցած էին հունձքին երախայրեաց նուիրման և ճաշակման արարողութիւնը :

Ինչպէս գիտենք , Հոգւոյն Սրբոյ գալստեան օրը Կիրակի էր որ առաքեալներն ու Յիսուսի հետեւողներ , բուն մեծ մասը ժողովուած էին մեզի ծանօթ Մարկոս Յովհաննէսեանի վերնատունը : Իրենց համար Կիրակի օրուան սրբութիւնը նուիրականացած էր , այսպէս Շաբաթ օրը Կիրակիի կը փոխակերպուէր , և Կիրակին ալ Տէրունական օրի վերածուած էր :

Առաւօտեան ժամը երեքն էր ըստ հին ժամու . այդ միջոցին վերնատան ժողովը աղօթքով զբաղած էր , և ահա ուժգին ձայնով հով մը կը լեցնէր միմիայն յիշեալ վերնատունը , հոն հաւաքուած բազմութեան ամէն մէկուն գլխուն վրան առկախելով կրակէ լեզու մը : Հովին ձայնը Երուսաղէմի ամէն կողմէն լսուած էր , որով հետաքրքիրներու անօրինակ բազմութիւն մը հաւաքուած լեցուցած էին վերնատան բակն ու բոլորտիքը : Եւ որովհետեւ Երուսաղէմ Հռոմէական կայսրութեան արեւելքի բանակին կեդրոնն էր , արեւելքի հովմէհապատակ ազգերու ներկայացուցիչներ իրենց պաշտօնին բերմամբ և կամ գործով հոն էին , որոնք իրենց կարգին փութացին իմանալու եղելութիւնը : Եւ որքա՛ն մեծ եղաւ ապշութիւնը այս մարդոց , որոնք Պարսկաստանէն , Կիլիկիայէն . Միջագետքէն և Հայաստանէն էին : Ամէն մէկը իր մայրենի

լեզուով կը լսէր ու կը հասկնար Յիսուսի Յարուժեան հրաշալի դէպքը: Իսկ փարիսեցիներ և քահանայապետներ եղածը գինովութեան կը վերագրէին, մինչև որ Պետրոս առաքեալ հրաշալի բանախօսութեամբ մը բացատրեց թէ իրենք Հոգւոյն Սրբով լեցուած են, և կենդանի վկաները Անոր որ թէև քահանայապետներն ու ազգին մեծերը սպաննեցին խաչափայտէն կախելով, սակայն Աստուած յարոյց զանիկա:

Ամէն կասկածէ վեր է թէ առանց Ս. Հոգւոյն գալստեան՝ առաքեալները ոչ մէկ միջոց ունէին շարունակելու իրենց Տիրոջ հիմնած գործը. թէև ակահատես վկաներն էին այն բոլոր անցուգարծերուն, թէև խորունկ հաւատացեալներ էին փրկագործութեան Աստուածային խորհուրդին լրումին, այլ աւա՛ղ, իրենց կը պակսէր քաջութիւնը՝ մտաւոր և լեզուական կարողութիւն, և այն ամէն հոգեկան ընդունակութիւն, որոնցմով գօտեպնդուած՝ պիտի կրնային նետուիլ աշխարհի կրկեսին մէջ: Մենք քիչ մը վերօք տեսանք թէ անոնք որպիսի կարողութեանց տիրացած էին մէկ անգամէն: Ամէն մէկը իր կարգին գործունէութեան հրաման ստացած էր: Խոնարհ դասակարգի մարդիկ, անուս ու տգէտ ձկնորսներ և մաքսաւորներ՝ որոնք Ս. Հոգւոյն հրաշալի ներգործութեամբ, աշխարհի հզօրները Քրիստոսի անուան երկրպագուներ գարծուցին:

## Ե. Գ Ա Ս

## ԱՌԱՔԵԱԼՆԵՐ

Ուրեմն առաքելոց գործունէութեան սկզբնաւորութեան թուականն է Ս. Հոգւոյն գալստեան օրը: Այն օրն էր որ հաւատացեալներու ահագին թիւ մը, երեք հազար հօգի բարդուեցաւ Նորակազմ եկեղեցւոյն վրայ: Քրիստոսի անունով զուտ Հրեաներէ համայնք մը կազմուեցաւ, ուր տեղի կ'ունենային կանոնաւոր աղօթաժողովներ, քարոզութիւններ և ամենօրեայ Հաղորդութեան Խորհուրդին մատակարարումը:

Քանիցս ըսինք թէ՝ առաքեալները ձկնորսներ և մաքսաւորներ էին: Այսպիսի գործեր հասարակ դասակարգի յատուկ արհեստներ են հիմակ ալ: Եւ որովհետև Յիսուս Նազարէթ քաղաքի բնակիչներէն էր, Տիրբերիոյ լիճը կամ այլ անուամբ Գալիլիոյ ծովակը իրենց մօտիկ էր, հետեւաբար իրեն ապագայ գործին պաշտօնատարները ընտրեց իրեն հայրենակից Գալիլացիներէն, որոնք մեծաւ մասամբ համանուն ծովակին շուրջի բնակիչներն էին:

Իսրայէլի ցեղերուն թուոյն համեմատ տալներկու հոգիէ բաղկացած այս խումբին անունները թէև չորս Աւետարանիչներն ալ գրած են, եւ սակայն Ղուկաս Աւետարանիչը որ միեւնոյն ատեն գործակիցն էր Պօղոս Առաքելին, անոր հրահանգովը գրեց իր Աւետարանն ու Գործք Առաքելոցը. անուններու միեւնոյն կարգը պահած է երկուքին մէջն ալ հետեւեալ կերպով.

1. — Սիմոն - Պետրոս - Կեփաս. ձկնորս

2. — Անդրէաս. ձկնորս. Յովնանի որդիներն էին:

- 3. — Յակոբոս՝ Գլխադիր :
- 4. — Յովհաննէս Աւետարանիչ՝ Զբեթէոսի որդիները : Բաներեգէս = Որդիք Որոտման , Յիսուսի ազգական ձկնորսներ :
- 5. Փիլիպպոս ձկնորս
- 6. — Բարթողիմէոս »
- 7. — Մատթէոս Աւետարանիչ մաքսաւոր
- 8. — Թովմաս Երկուորեակ ձկնորս ըստ աւանդութեան եղբայրը մեր Թագէոս Առաքեալին :
- 9. — Յակոբոս Աւիփէոս (Աւիփեան) ձկնորս
- 10. — Սիմոն Կանանացի , նախանձայող . ձկնորս
- 11. — Յուդա Յակոբեան ձկնորս
- 12. — Յուդա Իսկարիովտացի . մաքսաւոր . մատնիչ :

Ինչպէս կը տեսնէք , վերի ցուցակին մէջ Յովհաննի և Զբեթէոսի որդիները եղբայրներ էին : Ու մանց կարծիքով Յակոբոս Աւիփէոս և Սիմոն Կանանացին ալ եղբայրներ եղած ըլլալ կ'ենթադրուին :

Յիսուս առթիւ մը Սիմոնին անունը Պետրոսի փոխեց , զայն անուանելով Պետրոս-Կեփաս , որ վէմ , ժայռ կը թարգմանուի :

Պետրոս իր ընկերներուն մէջ ամէնէն առաջ Յիսուսի հետեւողն եղած էր . յանդուգն , համարձակախօս , պատրաստաբան մարդ մըն էր , թէև զգոյշ ալ էր , իր օձիքը ձեռք չտալու հնարամտութիւնը ունէր ի հարկին : Իբրեւ ծովի մարդ , շատ անգամներ մահուան անդունդը տեսած էր : Ամուսնացած ալ էր , ունէր զոքանջ : Զաւակներ ունէ՞ր , թերեւս այո՛ . սակայն Ս . Աւետարանի մէջ այդ մասին բան մը գրուած չէ : Ո՛րևս առաքեալներն ալ ամուսնացած մարդիկ էին , միայն ամէնէն փոքրը , Զբեթեան Յովհաննէսը — Յիսուսի սիրական աշակերտը — չէր ամուսնացած :

Ուրեմն ամէնն ալ իրենց գործերն ու ընտանիքներն թողած , ի հարկէ ոչ թէ լքած , Յիսուսի հետեւած էին :

Յիսուս իր համբարձումէն քանի մը օրեր առաջ իր աշակերտաց բոլորին ներկայութեան իր խօսքը Պետրոսին ուղղելով՝ «Սիմոն Յովհաննու , սիրե՞ս զիս առաւել քան զԴոսա» հարցումը երեք անգամ կրկնած և հաստատական պատասխան առնելէ վերջ , յանձնարարած էր որ հովուէ , արածէ իր գառնուկներն ու ոչխարները : Որով Պետրոսի վայելած գէրքը , իր անձնական արժանիքները , առաքելոց խումբին մէջ իբրեւ կեդրոնական դէմք մը՝ առաջնութեան գծին վրայ դրած էին զինքը :

Ըսենք սակայն թէ , չարաչար կը սխալին անոնք որ կը կարծեն թէ Պետրոսին հրամայուած էր Եկեղեցին կառավարելու , առաջնորդելու , Յիսուսի համբարձումէն վերջ անոր յաջորդելու պատճառով : Որովհասե թէ ատանկ բան մը եղած ըլլար , Տեառնեղբայր կոչուած եօթանասուն երկուներէն եզոյ Յակոբոս Առաքեալը՝ Երուսաղէմի Ա . Եկեղեցւոյն Ա . Հայրապետը եղած չէր ըլլար :

Այսու հանդերձ ոչ ոք կրնայ ժխտել Պետրոսին ունեցած աչքաուս զիրքը , տաճարին Գեղեցիկ կոչուած դրան մուտքին քով , ի ծնէ կաղ մուրացիկին բժշկուիլը . ամենօրեայ Սողոմոնի սրահին քարոզութիւնները , ձերբակալուիլը , գանակոծուիլը , Յակոբոսի գոխատուելէն վերջ դարձեալ բանտարկուիլը և մօտալուտ նահատակութեան հաւանականութիւնը՝ րրին կուտան որոշ անհատականութեան մը ամէն իրաւունքը : Մատաթիայի առաքեալ ընտրութիւնը , Անանիա և Սափիրա կոչուող այր ու կնոջ մահուան պարագան , եօթը Սարկաւազներու ընտրութիւնն ու ձեռնադրութիւնը . Եկեղեցւոյ կազմութեան առաջին օրե-

րուն նիւթական և հոգեկան դժուարութիւնները, և վերջապէս իբր անձնական հմայքը՝ որով իր հին ընկերներն ու նորահաւատները այնքան անձնուիրութեամբ փարեցան Աւետարանի գործին, Պետրոսի հեղինակութեան և վարչական կարողութեան արդիւնքն էին: Գործք Առաքելոցի պատմութենէն կը հետեւցընենք թէ՛ հալածանքին ինքն ալ հեռացած է Երուսաղէմէն, այցելած է Յոպպէ և Կեսարիա կոչուած մօտակայ քաղաքները, քարոզելով Աւետարանը հաստատած է եկեղեցիներ, հաւատացեալներ մկրտած, հիւանդներ բժշկած և ընդ որոնց մէջ մեռած Տիկին Այծեմնիկի ողջնալը, հարիւրապետ Կուռնելիոսի ընտանեօք դարձը քրիստոնէութեան՝ մասնաւոր նշանակութիւն ունեցող գէպքեր են:

Երուսաղէմ վերագարծին Առաքելական Ժողովին մէջ հեթանոսներու հետ ունեցած հաղորդակցութեան վրայօք իրեն գէմ յարուցուած ամբաստանութեան և բողոքին առթիւ, իր տուած պատասխանն ու վկայութիւնները, յաւէտ անջնջելի դրոշմը կը կրեն անխըտրական ոգիին, զոր պէտք էր եկեղեցին որդեգրէր, ուղղափառութեամբ հետեւած ըլլալու համար «Գնացէ՛ք, այսուհետեւ աշակերտեցէք զամենայն հեթանոսս, մկրտեցէք զնոսս» և ընդ տէրունական բացարձակ պատուիրանին:

Պետրոս առաքեալ ընդ երկար չի մնաց Երուսաղէմի մէջ: Իր անունով գրուած երկու ընդհանրական թուղթեր — նամակներ —, ընդամէնը ութը գլուխ, բաւական են ապացուցանելու որ ան ալ ցուպ ի ձեռին չըջած է Փոքր Ասիան, քարոզելով հաստատած է եկեղեցիներ մասնաւորաբար Հրեայ գաղութներու մէջ: Ըստ աւանդութեան Պետրոս իր կեանքին վերջաւորութիւնը անցուցած է Հռովմի մէջ, և երբ Փրկչի

67 թուականին Ներոն կայսրը ընդհանուր քրիստոնէութեան դէմ ամէնէն զարհուրելի հալածանքը սկըսած էր, որպէս թէ Պետրոս փորձանքէն ազատելու համար Հռովմէն կը փախչի և կը գիշերէ բացօդեայ տեղ մը, ուր երազին մէջ կը տեսնէ զՅիսուս, որ իր խաչը շաղկած դէպի Հռովմ կ'երթար: Պետրոս, սարսափահար կը հարցնէ. — Տե՛ր, յո՞ երբաս: Յիսուս կը պատասխանէ թէ իր տեղը խաչուելու համար Հռովմ կ'երթայ: Որով Պետրոս կը վերադառնայ Հռովմ և Յանիկուլան կոչուած բլուրին վրայ գլխիվայր կը խաչուի:

## Զ. Դ Ա Ս

## Ա Ռ Ա Ք Ե Ա Լ Ն Ե Ր

Առաջին անգամ Սողոս անունին կը հանդիպինք Ստեփաննոսի քարկոծման առթիւ: Ան սոյն եղեռնագործութեան մէջ իր ստացած զոյգ մը պաշտօններով, կարեւոր դեր մը կատարողի հանգամանքն ունէր արդէն: Նորակազմ եկեղեցին քանի մը ամսուան միջոցին հաւատացեալներու անօրինակ թիւ մը ունեցած էր. ամէն օր հազարաւորներ կ'աւելնային փոքրիկ հօտին վրայ: Քանի մը տասնեակ հազարներու հասնող ժողովուրդին հոգեկան և նիւթական պէտքը չափազանց յոգնութիւն պատճառեցին Առաքեալներուն, և մանաւանդ աւելի - պակաս դիտողութիւնք, դժգոհութիւնք, հոգեւոր գործին դադարման կ'սպառնային:

Անհրաժեշտ էր ուրեմն կազմակերպել գործը, աշխատութեան բաժանում հաստատել, որպէսզի իրենք, Առաքեալները, միմիայն Աւետարանի քարոզութեան հոգը ունենային: Հետեւաբար ճանչցուած և վստահելի եօթը անձեր ընտրեցին Սարկաւազութեան պաշտօնին համար և ժողովուրդեան առջև կայնեցներով զանոնք ձեռնադրեցին:

Շատ մը ժողովարաններ որ երուսաղէմի այս ու այն թաղին մէջ արդէն կազմուած էին, Սարկաւազներու վերհսկողութեան ենթարկուեցան:

Այսպէս, ուրեմն, ժողովարանի մը ներքին կարգն ու սարքը և մասնաւորաբար աղքատ դասակարգին ապրուստի հոգը, ամէն օրուայ հաղորդութեան խորհուրդին համար բաւականաչափ հացի և զինիի հայ-

թայթու՛մը և մանաւանդ ասոնց համար դրամ ճարելու մտաւուքը: Սարկաւազներուն յանձնուած գործեր եղան: Ստեփաննոս իր եօթն ընկերներուն մէջ իր ունեցած շնորհներով, լեզուական և մտաւորական կարողութիւններով ամէնուէն ուշադրութիւնը իր վրայ հրաւիրեց: Ունկնդիրներ խուռներամ կը դիմէին լսելու համար այս սկսնակ քարոզիչը որ այնքան անուն ու համբաւ շահած էր կարճ ժամանակի մը մէջ, իսկ հակառակորդները աղմկելու, վիճելու և հակաձառելու մարմաջով բռնուած, այլ մանաւանդ զայն խօսքով ծուղակը ձգելու որոյմամբ կը վիճաբանէին անոր հետ, որպէսզի պատեհ առթիւ մը խուժանին բարբարոսութեան զօհ դարձնեն զայն:

Այս պարագան գաղտնիք մը չէր Ստեփաննոսին համար, որ անպատճառ զգուշութեան խորհուրդներ լսած ըլլալու էր իր շուրջիններէն, սակայն եկեղեցւոյ առաջին մարտիրոս՝ նախաՎկայ ըլլալու յաւիտենական փառքը, իրեն համար Աստուածային նախասահմանում մըն էր: Իրեն հետ վիճաբանողներ որ Ս. Հոգւոյն պարզեւած իմաստութեան առջև քանիցս յաղթուած և լուռութեան դատապարտուած էին վերջապէս յարձակեցան իր վրայ և բռնելով բերին քահանայապետներուն ատենանը:

Ամբողջ վկայաբանութիւն մըն է Ստեփաննոսի վերջին ատենաբանութիւնը: Անիկա խտացումն է Մովսէսի և յաջորդներուն մարգարէութեանց, որոնք դարեր առաջ մանրամասնաբար խօսած էին Յիսուսի մասին: Թէ ինչպէս մարգարէները իրենց հայրերուն կողմէ ամէն տեսակ չարչարանքի ենթարկուած և սպաննուած էին, այնպէս ալ իրենք Յիսուսի մատնիչներն ու սպաննողներն եղած էին:

Իսաւաքիբեքը իրենց նպատակըն հասած էին,

Քահանայապետներն ու Սենեարիոնը նախատուած էր, այլ մանաւանդ Ստեփաննոս կը յայտարարէր թէ «Ահա կը տեսնեմ երկինքը բացուած ու Որդին Մարգոյ Ատուծոյ աջ կողմը կայնած» բաւական էր քարկոծմամբ մեռցուելու պատիժին:

Քիչ վերջը՝ երբ Ստեփաննոս քարերու տեղատարափին տակ «Տէ՛ր, մի համարեր դոցա զմեզ» ըսելով հողին կ'աւանդէր, քիչ մը անդին Սօղոս անունով երիտասարդ մը, ժպիտ ի շրթունս կամակլիցն ու հանդիսատեսը կ'ըլլար այս քստմնեցուցիչ եղեռնին, պահպանելով միեւնոյն ատեն քարկոծողներուն հանդերձները:

Այսպէս վերջացաւ կեանքը առաջին նահատակին, որ թէև շատ կարճ եղաւ իր գործունէութեան ժամանակամիջոցը, այլ յաւիտեան պիտի ապրի իր անձնագորհ կեանքին յիշատակը:

**ՍՕՂՈՍ.**— Յայտնի է որ Սօղոս Ստեփաննոսը քարկոծողներուն կամակից և գործակից ըլլալով, պարզապէս մարդասպան մը եղած էր: Սակայն այս եպերելի արարքը իրեն համար արդարացուցիչ պատճառներ ունէր: Գործուած ոճիրը՝ սրտի խաղաղութիւն և հողեկան հաճոյք մըն էր Սօղոսի և անոր պէս խորհողներուն համար. թէ ինչո՞ւ բացատրենք պատճառը:

Սօղոս ծննդեամբ Տարսոնցի էր: Հիմակուան անընչան Տարսոնը այն ատեն Կիլիկիոյ նշանաւոր նաւահանգիստն ու մայրաքաղաքն էր: Ան սերած էր Հրեայ ազնուական գերդաստանէ մը, որ ժամանակին նըշանակելի ծառայութիւններ մատուցած ըլլալով հռովմէական կայսրութեան, արժանացած էր Հռովմի քաղաքացի ըլլալու բացառիկ պատուոյն:

Ենթադրաբար կարելի է ըսել թէ՛ իր ծնողքը հա-

րուստ մայրիկ էին, որովհետև այդ կարգի տիտղոս մը ի հարկէ աղքատի չէր տրուեր: Ինք բնական փայլուն ձիւքերով օժտուած, կրցած էր իր ընտանիքն ժառանգած նիւթական և բարոյական առաւելութիւններէն կատարելապէս օգտուիլ: Այնպէս որ երբ մենք իրեն անուան հանդիպեցանք, արդէն հարիւրապետի աստիճան ունեցող զինուորական մըն էր, որ ըսել է քաջամուտ էր այն ատենի դասական լեզուին՝ Յունարէնի և Լատիներէնի, որ ընթացիկ լեզուն էր տիրող կայսրութեան. իր մայրենի լեզուին Եբրայեցերէնի, ինչպէս նաև գիտակ օրինական և կենցաղավարական ամէն նըսութեանց, որքան պէտք ունէր ու է պետական անձ մը: Փարիսեցիի որդի Փարիսեցի էր. ուղղափառ հաւատացեալ մը Մովսիսական կրօնին. իբր այդ ուսած էր Երուսաղէմի մէջ «Առ ոտս Գամաղիէի» որ կը նշանակէ թէ այն օրուան ամենէն մեծ վարդապետին աշակերտած և իր կրօնական ուսումը կատարելագործած էր: Ինչպէս կը տեսնուի բարձր դիրք մը գրաւելու կոչում և յարմարութիւն ունեցողի մը ամէն չնորհ և յատկութիւն ունէր:

Ուրեմն իր երիտասարդ և տաքարիւն տարիքը, քաղաքական և զինուորական ոյժը, կրօնական և ազգային անվերապահ զգացումները, իր ազգին մեծերէն իրեն մօտ եղած զօրաւոր ցուցմունքներն ու թելադրութիւնները, որպէս թէ Մովսիսական կրօնին և Հրէից ազգին՝ Նորադարձներու միջոցաւ փլուզումին վտանգը, անողոք ատելութիւն մը ծնցուցած էին իր մէջ հանդէպ Նորադանդաւորներու:

Եւ ահաւասիկ Սօղոս ժայթքող հրաբուխ մըն էր, ահարկու վրէժխնդիր մը այն բոլորին որ ուէ միջոցաւ իր ձեռքը կ'իյնային:

Այն բոլոր եկեղեցական կազմակերպութիւնները,

որոնք Պետրոսի և առաքեալներուն տքնաջան աշխատութեանց արդիւնքն էին, տիրող հալածանքին և մասնաւորաբար Սօղոսի ընդգրկած հետապնդումներուն հետեւանքով հիմնադրուած կործանեցան, ամէն օր հազարաւոր նորահաւատներ Երուսաղէմէն դէպի Սուրիա, Միջագետք, Եգիպտոս և մինչեւ Կիպրոս կը փախչէին անօթի ու ծարաւ, մերկ ու բոկոտն:

Այնպէս որ Սօղոս պահ մը խորհեցու թէ ալ Երուսաղէմի մէջ իրեն գործը լրացած է: Եւ սակայն իր ազգին և կրօնին ծառայելու անմար սէրն ու եռանդը գոհացում չէր գտած: Ուստի դիմեց քահանայապետներուն և առաւ յանձնարարագրեր, թերեւս աւելի ճիշդ ըլլայ ըսել պաշտօնագրեր, որոնցմով պիտի կարենար Սուրիոյ այլ և այլ քաղաքներու մէջ, մանաւանդ Գամասկոսի մէջ ձերբակալել ու շղթայել փախստական նորահաւատները և բռնութեամբ վերագարձնել զանոնք Երուսաղէմ:

Է. Գ Ա Ս

## ԱՌԱՔԵԱԼՆԵՐ – ՊՕՂՈՍ

Սօղոսի հրամանին ներքեւ զինուորներէ և սպասաւորներէ բաղկացած խումբ մը, կարաւան մը պիտի ըսէինք, քիչ յետոյ մուտք պիտի գործէր Գամասկոս: Ի հարկէ բազում անգամ խորհուած ու ծրագրուած գործեւկերպը, որուն պիտի հետեւէր Սօղոս Գամասկոսի մէջ, անգամ մը եւս իր մտքին առջեւ կը ներկայանար իր կարելիութիւններով և անպատեհութիւններով: Իրեն վստահուած պաշտօնը ի գլուխ հանելու մտասեւեռումը, փառքի և մեծութեան գազաթնակէտին չորս բոլորտիքը թեւածողի վառ երեւակայութիւնը, թերեւս հոգեկան գերագոյն հըրձուանքի ըմբոշխումով մը գինովցուցած էր զինք:

Անկարելի է բացատրել մարդկային արեան ծարաւի Սօղոսատիպ մարդոց հոգեկան տագնապը այդ կարգի ճգնաժամային վայրկեաններուն:

Անուրանալի է նոյն պահուն որ Սօղոս կատարելապէս ենթական էր անվերջ խորհուրդներու, որոնք զինք երբեմն ալեկոծ, երբեմն զգայազիրիկ կացութեան մը մէջ կը խորասուզէին: Եւ սակայն կարաւանը կը յառաջանար:

Յանկարծ Սօղոս գերբնական լոյսի մը զօրեղ հօսանքէ պաշարուած գետին ինկաւ: Անմասն չի մնացին իր շուրջիններն ալ, սակայն հարուածը շեշտակիօրէն Սօղոսին ուղղուած էր: Եւ անհա երկնային ձայն մը «Սաւո՛ւղ, Սաւո՛ւղ, զի՞ հալածես զիս» կը հարցնէր. իսկ Սօղոս իր գետնամած գիրքով երկիւղի

և շուարումի մէջ «Տէր, դու ո՞վ ես,» կը պատասխանէր:

Դէպի Դամասկոս ճամբուն վրայ օր ցերեկով տեղի ունեցող այս տեսիլքը կարաւանին զնայցըր ժամերով կասեցուց. ահաբեկած ուղեկիցներ ձայներ կը լսէին առանց կարենալ հասկնալու անոնց իմաստը:

Սողոսն էր որ պատասխաններ կուտար զև պատգամներ կ'ստանար Անկէ զոր կը հայածէր: Չարմանալիօրէն կը վերածնէր և կը հոգեփոխուէր վայրկեանական ազդեցութեամբ մը, դառնալու համար անօթ ընտրութեան: Առաքելական տուուչութիւն մըն էր զոր Տէրը տասներորդ անձով հեթանոսներու մէջ իր եկեղեցիին հիմնադիրը կը նշանակէր:

Բիշ յետոյ Սողոսին մարդիկը իրեն ձեռքէն բռնած Դամասկոս մտցուցին, և հոն Յուդա անուն մարդու մը բնակարանը հիւրասիրուեցաւ: Աչքերը չէին տեսներ, տեսիլքի ազդեցութեան տակ երեք օր ոչ կերաւ ոչ խմեց, այլ միմիայն աղօթեց որպէսզի մարմնոյ աչքերուն հետ հոգւոյ աչքերն ալ բացուին: Դամասկոսի մէջ Անանիա անուն աշակերտ մը կար, հաւանաբար եօթանասուն երկուքներէն մին. այս մարդը աղօթքի միջոցին ուղղակի հրահանգ ստացաւ Տիրոջմէն, որպէսզի երթայ Ուղիղ կոչուած փողոցը և Յուդային տանը մէջ գտնելով Սողոսը, ձեռքերը անոր վրան զնէ: Իսկ Սողոսն ալ իր կարգին աղօթած պահուն տեսած էր Անանիա անուն մէկու մը իր մօտ գալը: Անանիան գտաւ Սողոսը և ձեռքերը անոր գլխուն վրան զնելով աղօթեց, և ահա Սողոսին աչքերէն թեփերու պէս բաներ մը ինկաւ և կը տեսնէր. մաշկը՝ որով ծածկուած էր տեսողութիւնը, աչքերէն վար թափեցան, իսկ ինք անմիջապէս ելաւ և մկրտուեցաւ, ու Ս. Հոգիով լեցուեցաւ:

Լաւ է որ յետ այսու մենք ալ հետեւած ըլլալով Գործք Առաքելոցին, Սողոսը փոխենք Պողոսի: Պողոս. ինչպէս ըսինք, կատարեալպէս վերածնած էր, իր մէջ հին մարդը իր ամէն ոճրալից արարքներով խապառ մեռած և նոր կեանք մը յարութիւն առած էր: Այն նպատակը որ իրեն այնքան արկածախնդրութիւններուն գրգիչը եղած էր, հիմնիվայր շրջած էր հիմակ:

Հինը՝ մարդոց ազդեցութեամբը կազմուած և յայտնաբերուած էր. իսկ նորը՝ Յիսուս Քրիստոսի և Ս. Հոգւոյն շնորհքովը շինուած էր: Եթէ կարելի է ըսել, երկու ծայրայեղութիւններ իրարու յաջորդած էին, այնպէս որ եկեղեցւոյ պատուհասը եղող այս անձը Աստուածային կարգադրութեամբ հոգիներու փրկուածեան զարմանահրաշ գործիչը եղաւ: Հետեւինք իրեն:

Պողոս, Դամասկոսի մէջ մի քիչ կազդուրուելէ յետոյ, անմիջապէս սկսաւ քարոզել թէ՛ «Յիսուս մեռելներէն յարուիրն առած է»: Այն ատեն Հրեայ բաղմաթիւ գաղթականութիւն մը հաստատուած էր Դամասկոսի մէջ, որոնց մէկ մասը նորեկներ էին ի հարկէ և հաւանական է որ նոր կրօնն ալ կը քարոզէին:

Այս եղամ պէտք է ըլլայ պատճառը Դամասկոսի նորահաւատներուն Սողոսի ձեռամբ պատուհասուելու անհրաժեշտութիւնը: Որոշ է որ Պողոսին պաշտօնը նախապէս տեղեկագրուած էր Դամասկոսի Հրէից ձերբաւն, որոնք անմիջապէս իմացան ճամբու միջագէպին մանրամասնութիւնները: Ուրեմն հարկադրուած էին սպասելու Պողոսին ապաքինման և տեսնելու անոր բռնելիք ընթացքը: Շատ բնական է որ ճամբու միջագէպին շուրջ եղամ տարածայնութիւնը, ամենուն բերանը ըլլար: Ենթական անձամբ տեսնե-

լու հետաքրքրութիւնը, որ նմանօրինակ պարագաներու տակ փոխանցելի վիճակ մը կ'ստանայ, հոծ բազմութիւններ դէպի իրեն կը քաշէր:

Պօղոս ամէն տեղ էր. այլ մանաւանդ ժողովարաններ լիքը կ'ըլլային ունկնդիրներով: Խօսելու բնատուր ձիրքը, նիւթերու առատութիւնը մասնաւորաբար իր հին և նոր կեանքին մանրամասնութիւնները օրուան հերոսը դարձուցին զինքը: Ան քանի մը օրուան մէջ իսկապէս վտանգ մը դարձաւ Մովսիսական կրօնին համար: Յուսահատութիւնը որուն ենթակուեցան Հրէայք ազգովին, իրապէս կատղեցուցիչ բան մըն էր: Իրենց ակնկալութեան հիմնովին հակառակ արդիւնքը, բարձրադասակ քարոզութիւնք, ամենուրեք հրաշագործութիւնք, նորահաւատներու անբասիր կեանքը, հրէական կրօնին հանդէպ վճռական հարուածի մը իրական երեւոյթը առած էր: Այս անօրինակ կացութեան մէջ միակ փրկութեան ելքը, Պօղոսի անձին բարձուժովը կարելի էր, ինչ որ Հրէայք կտրուկ կերպով վճռեցին և գործադրութիւնը յանձնեցին վստահելի ձեռքերու:

Պօղոս տեղեակ էր իր անձին շուրջ եղած դաւադրութեան. զգուշացաւ իր բնակարանէն դուրս ելնելու, որովհետև իր անձին թշնամիները դուռներն ու անցքերը կ'սպասէին որպէսզի զինք սպաննեն: Իսկ աշակերտները, յարմար առթիւ մը, գիշերով զայն զամբելուղի մէջ նստեցնելով պատէն վար իջեցուցին: Այս կերպով ազատուած Պօղոս ուղղակի Երուսաղէմ գնաց:

Պօղոս կարճ ժամանակ մը միայն կրցաւ Երուսաղէմ բնակիլ: Նախ աշխատեցաւ Առաքեալներուն ներկայանալու, և որովհետև Սօղոս-Պօղոս անունը սոսկում կ'ազդէր ամենուն, իրեն հետ յարաբերուելէ

զգուշացան: Բառնաբաս, որ եօթանասուներկուներէն մին ըլլալու էր, պատմեց անոր գլխուն եկածները և կրցաւ համոզել Առաքեալները, որով Պօղոս սկսաւ ազատօրէն տեսակցիլ Առաքեալներուն հետ, իսկ համարձակ կերպով քարոզել զՅիսուս:

Նոյնիսկ Հելլէնացուց հետ կը վիճաբանէր, այնպէս որ հոս ալ իրեն դէմ դաւադրութիւն մը կազմակերպուեցաւ և եղբայրներուն աչալըջութեան շնորհիւ կրցաւ փախչիլ: Մեր Զ.րդ դասին մէջ երկարօրէն բացատրեցինք այն սկզբնական հալածանքը որ տեղի ունեցաւ Երուսաղէմի մէջ, խլելով երկու պատուական զոհեր, Ստեփանոս Սարկաւազն ու Որդուց Որոտման եղբայրներուն երէցը՝ Յակոբոս Առաքեալը և պատճառ եղաւ բիւրաւոր նորահաւատներու փախըստեան:

Ասոնցմէ կարեւոր մաս մը ապաստանած էր Անտիոք քաղաքը, որ այն ատեն նշանաւոր մայրաքաղաք մըն էր Միջագետքի և Սուրիոյ սահմանին վրայ: Հոն կը գտնուէին հաւատքով զօրաւոր և քարոզելու ընդունակ անձեր՝ որոնք իսկոյն առանձին եկեղեցի մը կազմեցին: Առաջին «Քրիստոնեայ» յորջորջումը Անտիոքի մէջ սկսաւ:

Եկեղեցւոյ կազմութեան այս ուրախառիթ լուրը երբ Առաքեալները իմացան, անմիջապէս Բառնաբասը Անտիոք զրկեցին որպէսզի պէտք եղած հսկողութիւնը կատարէ: Մեծ եղաւ ուրախութիւնը Բառնաբասին ի տես կազմակերպուած եկեղեցւոյն, հաւատացելոց ընտրելագոյն բազումութիւն մը, որ նիւթապէս ալ ի վիճակի էր օգնութեան հասնելու նոյնիսկ Երուսաղէմի եկեղեցւոյն: Ուստի Ս. Հոգւով և հաւատքով լեցուած այս բարի և ազնիւ մարդը, Պօղոսին ներկայութեանը և գործակցութեանը պէտք զգաց և Տար-

սոն երթալով գտաւ Պօղոսը և իրեն հետ բերաւ Անտիոք :

Պօղոսով զօրացած Անտիոքի եկեղեցին , քիչ ատենէն Քրիստոնէութեան կենսատու վառարան մը եղաւ : Ան հոգին դարձաւ Առաքելական մեծ ձեռնարկին , որով աշխարհ պիտի լուսաւորուէր կենաց Բանով :

## Ը. ԴԱՍ

## ԱՌԱՔԵԱԼՆԵՐ

ՊՕՂՈՍ ԵՒ ԱՌԱՔԵԼԱԿԱՆ ԳՈՐԾ . — Առնուազն հատոր մը պէտք է գրել լաւագոյնս բացատրելու համար Առաքելական այն հսկայական գործը՝ զոր Պօղոս կատարեց . մենք պիտի աշխատինք երկու դասով ամփոփ գաղափար մը միայն տալ : Բայց նախ ըսենք թէ՛ Երուսաղէմի եկեղեցւոյն դէմ Հերովդէս Անտիպաս թագաւորին հալածանքը , որ մեր անցեալ դասերէն միոյն գլխաւոր նիւթը եղած էր , Հրէից և թագաւորին միջև կարգադրուած գործ մըն էր : Ըսել կ'ուզեմ Հռովմէական կայսրութեան ընդհանուր քաղաքականութեան հետ ու է առնչութիւն չունէր :

Հերովդէս Անտիպաս կ'ուզէր ինքզինքը հաւնեցընել իր ազգակիցներուն և հաւանաբար անոնցմէ ալ կաշառուած էր : Նախապէս Յովհաննէս Մկրտիչը , վերջն ալ Ջեբեթեան Յակոբոսը գլխատել տուաւ : Մին կնոջ մը , իսկ միւսը գրամի և փառքի սիրոյն համար զործուած ամենաստորին արարքներ էին : Երկար չի տեւեց , իր կեանքն ալ կարճցաւ . հիւանդացաւ և թերեւս կաթուածահար եղաւ և որդնալից ըլլալով մեռաւ :

Ընդհանուր հալածանքի միջոցին Առաքելներն ալ հեռացան Երուսաղէմէն . Պետրոսը կը տեսնենք Յոպպէի մէջ և Կեսարիոյ կողմերը , միւսներն ալ կամ փախան և կամ ծակուծուկ մտած էին : Հին գործունէութենէն ոչինչ մնացած էր , եթէ ոչ գաղտնի հաւաքումներ միայն , գլխաւորութեամբ Տեառնեղբայր

արդար առաքեալ կոչուած Յակոբոսին : Իսկ Երուսաղէմէն հեռացած տասներկուքներ, իբր ականատես վկաններ, Կենաց Քանը քարոզեցին ի սփիւռս աշխարհի : Իրենց կատարած գործին վրայով աւանդութիւններ միայն հասած են մեզի : Տասներկուքներէն Պետրոս, Յովհաննէս և Յուդա Առաքեալներուն Ընդհանրական թուղթերէն զատ, մէկայնորէն ոչ մէկ յիշատակ ունինք : Սակայն կը հաւատանք թէ անոնք ամենուրեք շրջեցան և ամէն տեղ քարոզեցին և իրենց կեանքը կնքեցին նահատակութեամբ : Յիսուսի սիրական աշակերտը՝ Յովհաննէսն էր բացառաբար որ երկար տարիներ ապրեցաւ և մեռաւ խաղաղութեամբ : Սոյն բացատրութիւններէն վերջ անցնինք մեր դասին :

Ըսինք թէ Անտիոքի եկեղեցին հոգին զարձակ Առաքելական գործին . իրապէս Հրէաստանի սահմաններէն անդին, այս մեծափարթամ և վաճառաշահ քաղաքին մէջ հաստատուած Հրեայ գաղթականութիւնը այնքան սիրով փարեցաւ քրիստոնէական հաւատքին և առաւ այնպիսի քայլ մը . որ ամբողջ քրիստոնեայ աշխարհը իրեն երախտազարտ թողուց : Բիւր օրհնութեամբ պէտք է յիշատակենք անունները Անտիոքի եկեղեցւոյն սիւներուն, Բառնաբասի, Շմաւոնի, Ղուկիոսի (Ղուկաս), Մանայէնի, Յուդայի և Շիղայի, որոնք Պողոսի անձին մէջ տեսան աննկուն կամք, անընկճելի կորով և անխախտ հաւատք : Ասոնք էին որ ծոմապահութեամբ աղօթելէ վերջ, ձեռքերնին զրին Պողոսի և Բառնաբասի վրայ և զանոնք առաքեցին :

Ա. Երջան. — Պողոս և Բառնաբաս և իրենց սպասաւոր Յովհաննէս Մարկոս — ապագայ Մարկոս Աւետարանիչը՝ վերնատան տիրոջ զաւակը — Անտիոքէն մեկնեցան Սիւրեւիկա (Ջիլիֆիկէ) և անկից ալ Կիպրոս անցնելով բոլոր կղզին պտտեցան և քարոզեցին : Անկէ

զարձան Պամփիլիա (Փոքր Ասիա), այցելեցին Պէրգէ, Պիսիդիայի Անտիոքը և հալածուելով Իկոնիոն (Գոնիա) հասան : Իկոնիոնէն Լիւստրա փախան և հոն երկար ատեն մնալէ վերջ, Ատալիա իջնալով ծովու ճամբով Անտիոք վերադարձան :

Բ. Երջան. — Յովհաննէս Մարկոս որ Պէրգէի մէջ Առաքեալները լքած էր, Բառնաբասին միջամտութեամբ ուզեց կրկին միանալ խումբին, սակայն Պողոս մերժեց, ինչ որ պատճառ եղաւ Պողոսի և Բառնաբասի վէճին և վերջնական բաժանման որով Մարկոս ընկերացաւ Բառնաբասի և Շիղան Պողոսի, այսպէսով երկու խումբի բաժնուեցան : Առաջինը դարձեալ Կիպրոսի ճամբան բռնեց . իսկ Պողոս և Շիղան Սուրիայի և Կիլիկիոյ ճամբով հասան Լիւստրա, ուրկէ իրենց ճամբան շարունակելով Եփեսոսի վրայով անցան Հէլէսպոնտոսը (Չանագ Գալէ) և մտան Մակեդոնիա : Նախ Թեսաղոնիկէ (Սելանիկ) և ապա Բիրէա և Աթէնք հանդիպելով Յոյներուն և Հրեաներուն քարոզեցին հաւասարապէս : Պողոս Աթէնքէն Կորնթոս և անկից ալ նաև առնելով Եփեսոսի վրայով Երուսաղէմ հասաւ և տօնական օրերուն իր ուխտը կատարելէ վերջ Անտիոք վերադարձաւ :

Գ. Երջան. — Պողոս բաւական մնալէ վերջ Անտիոքի մէջ, ցամաքի ճամբով հետզհետէ կարգով այցելեց Գաղատացւոց (Էնգարէ) և Փոնդիացւոց քաղաքները (Փոքր Ասիա, Անատոլու) և իր հանդիպած տեղերը եկեղեցիներ հաստատելով հասաւ Եփեսոս և անկէ երկրորդ անգամ ըլլալով անցաւ Մակեդոնիա, այցելեց Փիլիպպէ քաղաքը, վերադարձին հանդիպեցաւ Ելլադա և Տրովադա, Մելիտինէ և Սամոս կղզիներէն վերջ հասաւ Մելիտոս, ուր բերել տալով Եփեսոսի եկեղեցւոյն երէցները, իր վերջին մնաք

բարովը խօսեցաւ, ուրկէ նաւով հասաւ Տիւրոս և քանի մը օր վերջ երուսաղէմ:

Որոշապէս չենք գիտեր թէ Պօղոսի առաքելական պտոյտը քանի՞ տարի տեւեց, և սակայն այն ճամբան որ երուսաղէմէն մինչև Մակեդոնիա կ'երկարի, ցուպ ի ձեռին, մախաղը կռնակը, հետիոտն, այսինքն ուղիղ ճամբով քալելով տարի մը կը պահանջէ: Դուք գիտէք թէ Պօղոս և ընկերները ուր որ հասան, ամիսներով ու տարիներով հոն մնալ ստիպուեցան: Նախ աշխատելով ապրուստ ապահովեցին. Պօղոս վրանագործ էր, ի հարկէ իր ընկերներն ալ աշխատանք մը, արհեստ մը ունէին, այսպէս օր ոչ օքի կարօտ էին:

Իրենց դացած տեղերուն մէջ առաջին անգամ Հրեայ ժողովարանները կ'այցելէին, և որովհետև Քրիստոսի գալուստն ակնկալութիւնը այնքան խորարմատ արձակած էր առ հասարակ ամենուն մտքին մէջ որ, ամէն ոք հետաքրքրութեամբ այդ մասին բան մը իմանալ կ'ուզէր: Այսպէսով մէկ երկու տեսակցութիւններ բաւական կ'ըլլային քանի մը նորահաւատներ ապահովելու: Եւ ահա անմիջապէս կը հաստատուէին «հօտ փոքրիկ» քանի մը հոգիէ բաղկացած եկեղեցիներ, հոգ չէ թէ ասոր անոր տունին մէջ, կը ձեռնագրուէին երէցներ, սարկաւազներ. մագաղաթներու վրայէն կ'ընդօրինակուէին Ս. Գիրքերը, մանաւանդ Ս. Աւետարանը. որ Պօղոսին փախաքիս վրայ գրած էր իրեն ընկերն ու գործակիցը Դուկաս: Կանոնաւորաբար ազօթաժողովներ և դասախօսութիւններ տեղի կ'ունենային: Եւ այսպէս Քրիստոսի հաւատքին մէջ իրենց գիտակցութեամբ և փորձառութեամբ վկայեալներ, Պօղոսի ձեռքով կը մկրտուէին ջուրով յանուն Յիսուսի Քրիստոսի, որոնք ձեռնա-

գրութեամբ ընդհուպ կ'ընդունէին Ս. Հոգին: Ահա թէ խաղաղ պայմաններու տակ որքա՞ն ժամանակի և աշխատութեան կը կարօտէր եկեղեցւոյ մը հաստատութիւնը: Որով ըստ աւանդութեան թէ՛ Պօղոսն ալ նահատակուած է Ներոնի օրով, քսան և աւելի տարիներ տեւած պէտք է ըլլայ վերոյիշեալ երեք շրջաններու ժամանակամիջոցը, իսկ 8 - 10 տարիներ ալ Հռովմի բանտարկութեան տեւողութիւնը:

Մեր անցեալ դասին մէջ քանիցս հանդիպեցանք Պօղոսի անձին շուրջ եղած դաւադրութեանց: Իր առաքելական ամբողջ շրջանին ալ նահատակութեամբ սպանման սարսուռը դամոկլեան սուրին պէս կախուած մնաց միշտ իր գլխուն վերեւ: Օրէնքին նախանձախնդիր Հրեաներ, Պօղոսի ուխտեալ թշնամիները, առիթը չէին փախցնէր ժողովուրդը գրգռելէ. քայլ առ քայլ կը հետեւէին իրեն և նոյնիսկ Լիւստրայի մէջ յաջողեցան քարկոծել տալ զայն և մեռած կարծելով ձգեցին հեռացան:

Ահաւասիկ պաշտօն մը՝ որ ամէն քայլափոխին ծեծ, գանակոծու՞մ, բանտ, անօթութիւն, փախուստ և շարունակ մահուան սպառնալիք ունի: Բ. Կորնթ. ԺԱ. Գլ. 21 - 28:

Թ. ԳԱՍ

ԱՌԱՔԵԱԼՆԵՐ

ՊՕՂՈՍ ԵՒ ԱՌԱՔԵԼԱԿԱՆ ԳՈՐԾ. — Պօղոսի վերջին անգամ Երուսաղէմ գարձը անհրաժեշտութիւն մը չէր, զինք կանչող չէր եղած, և ոչ այ եկեղեցիէն առնելիք հրահանգ մը ունէր. կին և զաւակ ալ չուներ որ անոնց սիրոյն համար գացած ըլլար: Սակայն ինք գիտէր թէ ինչո՞ւ կ'երթար Երուսաղէմ: Մելիտոսի մէջ իրեն հրաւերով ժողովուած երէցներուն և ժողովուրդին յայտարարեց թէ այլևս զինք չպիտի տեսնային: որովհետեւ Ս. Հոգիով կապուած ստիպուած էր Երուսաղէմ երթալու:

Սուրբոյ ծովեզերեայ քաղաքներէն Պտղոմէայիսի մէջ, Փիլիպպոս Աւետարանիչին տունը, Ագաբոս աւունով մարգարէի մը բացորոշ գուշակութիւնը թէ «Երուսաղէմի մէջ պիտի կապուիս և հեթանոսներու ձեռքը պիտի յանձնուիս» ամէն ինչ պարզած էր: Սակայն պէտք էր երթար, որովհետեւ ինք ոչ թէ կապուելու, այլ Տէր Յիսուսի անուանը համար մեռնելու պատրաստ էր:

Պօղոս Երուսաղէմ հանելէն քանի մը օրեր վերջ, տաճարին մէջ պտտած պահուն, խուժանին կողմէ յարձակումի ենթարկուեցաւ. հոն տեղն ի տեղօք պիտի սպաննուէր, եթէ Հռովմայեցի հաղարապետը քաղաքական դաւադրութեան մը վախէն՝ խառնակութեան առաջքը առնելու համար դէպքին վայրը փութացած չըլլար: Եւ իրօք, հաղարապետը ձերբակալած կարծեց այն եզրիպտացին, որ գեռ նոր չորս հազար հոգի ապրս-

տամբեցուցած և անապատը ապաստանած էր: Ըսել է, Հրէաստանի մէջ քաղաքական շփոթ կացութիւն մը կը տիրէր. զինուորական իշխանութիւնը իր ուշադրութիւնը լարած, ինքզինքը անակնկալ դէպքերու նախօրեակին մէջ կը տեսնէր: Եւ իսկապէս ալ ապստամբութեան խմորումը հետզհետէ կը ծաւալէր: Պօղոս հազիւ թէ ծեծէն և թոպամահ սպաննութենէն ճողոպրած, խնդրեց հազարապետէն որ թոյլ տրուի իրեն ժողովուրդին խօսելու, որով հաղարապետին թոյլտուութեամբ երբայեցերէն լեզուաւ իր ըրած ատենաբանութիւնը՝ նախ իր ո՛վ ըլլալը և ապա իր հրաշալի դարձին վկայութիւնը եղաւ. ինչ որ սաստիկ զայրացուց ամբօխը՝ որոնք մա՛հ, մեռցո՛ւր այդ մարդը կը պօռային: Հաղարապետը որ Երուսաղէմի պաշտպանութեան պատասխանատուն էր, ի պաշտօնէ ուղեց հարցաքննել Պօղոսը, և երբ զինք կը կապէին՝ գիտել տուաւ թէ ինք Հռովմայեցի է և օրէն չէ այդ կերպ վարուիլ իրեն դիրքը ունեցող անձի մը հետ:

Իսկ հետեւեալ օրը, խորագէտ դարձուած քով մը, Հրէից ժողովքին առջև պաշտպանեց փարիսեցիներուն տեսակէտները եղող «Մեռելոց յարութիւնը, վերջին դատաստանը՝ հրեշտակներու և հոգիներու գոյութիւնը և լին. և լին.», ինչ որ պատճառ եղաւ սադուկեցիներուն և փարիսեցիներուն բուն վիճաբանութեան, որով հաղարապետը՝ դարձեալ առահի, հարկադրուեցաւ զինուորական միջամտութեամբ Պօղոսը փրկելու: Իսկ Հրեայ այն քառասուններ՝ որոնք իրենց անձը երգումով անխժած էին, ուխտելով ո՛չ ուտել և ո՛չ խմել մինչեւ որ չսպաննեն Պօղոսը, ի գերեւ ելաւ շնորհիւ Պօղոսի քեռորդուն արթնամտութեան: Այնպէս որ այն զիշեր իսկ Պօղոս 500-ի մօտ զինուորներով կեսարիա (Պաղեստին) կուսակալ Փիլիքսին զըր-

կուսեցաւ : Կեսարիոյ մէջ կուսակալին առջեւ Հրէից քահանայապետներուն ամբաստանութիւնը և Պօղոսը իրենց յանձնելու պահանջը ապարդիւն փորձեր միայն եղան : Փիլիքս երկու տարի իրեն մօտ պահեց Պօղոսը , թէև բանտարկուած՝ սակայն իր ուզածին հետ յարաբերուելու արտօնութեամբ : Ան քանիցս առիթ ունեցաւ Փիլիքսին հետ մտերմաբար տեսակցելու , անոր քարոզեց Յիսուս Քրիստոսը . և եթէ ուզէր շատ դիւրութեամբ բանտէն ալ կ'արձակուէր . սակայն իր Հռովմ երթալու և կայսեր առջև վկայելու որոշումը , իր բանտարկութեանը կամաւորի ձեւ մը կուտայ :

Միւս կողմէն ալ Հրեաները օրօրելու և շահագործելու դիւանագիտական խաղ մըն էր : Այս օրերուն տեղի ունեցաւ կուսակալին փոփոխութիւնը : Երբ նոր կուսակալը , Փեստոս , առաջին առթիւ Երուսաղէմ կ'այցելէր , և Հրէից ծերերուն հետ առաջին անգամ կը տեսակցէր . անոնք առիթէն օգտուեցան երկրին քաղաքականապէս խռովեալ վիճակը վերագրելու Քրիստոնեայ կոչուած ազանդաւորներուն , որոնց զըլխաւորներէն միոյն , Պօղոսին բանտարկուած ըլլալը յիշեցնելով , որպէս միջոց խաղաղութեան վերահաստատման , պահանջեցին որ ան իրենց յանձնուէ , իրենց օրինաց համաձայն դատուելու համար :

Կ'երեւի թէ Փեստոս կէս բերան խօսք տուած էր զիրենք գահացնելու համար , միայն առ ի ձեւակերպութիւն յանձնարարեց որ Կեսարիա իջնան և հրապարակաւ ամբաստանեն զայն : Քանի մը օրեր վերջ , Հրեայք անուանի ճարտասանով մը Կեսարիա հասած էին արդէն , և անմիջապէս ատեանը բացուելով Պօղոսը ներս բերուեցաւ : Ինչպէս ակնարկեցինք վերօք , սակարկուած խաղ մըն էր եղած դատավարութիւնը : Փեստոսին համար Հրեայ մը պակաս կամ ա-

ւելի , երբէք կարեւորութիւն չունէր , բաւական էր որ ինք իր դիրքը ամրացնէր՝ ինչպէս նաև իր քսակը լեցնէր :

Պօղոս խորապէս գիտակ իր մատնուած կացութեան , համարձակ կերպով յայտարարեց թէ ինք կայսեր ատեանը կը գտնուի և իբր Հռովմայեցի չի կըրնար Հրէից շնորհուիլ : Հրեաները յուսահատ Երուսաղէմ վերադարձան : Իսկ Փեստոս զինք շնորհաւորելու եկողներէն Ագրիպպաս թագաւորին հաճոյք մը պատճառելու համար , Պօղոսը կրկին ատեան բերել տուաւ :


Այգպիսով առիթը ստեղծեց որպէս զի Պօղոս Յիսուսի անուանը համար թագաւորներուն առջևը վկայէ : Սոյն վկայաբանութիւնը այնքան խորագրեցիկ և այնքան պերճախօսութեամբ արտասանած է որ , Փեստոս իր նստած տեղէն բացազանչեց . «Կը խելագարիս , Պօղոս» , իսկ Ագրիպպաս թագաւոր վրայ բերաւ . «Պօղոս , քիչ մնաց որ զիս ալ համոզես Քրիստոնեայ ըլլալու» : Ագրիպպաս թագաւոր , Փեստոս կուսակալ և Բերենիկէ՝ յետ խորհրդակցութեան հասան այն որոշման թէ՛ եթէ Պօղոս կայսեր բողոքած չըլլար , կարելի էր զինք ազատ արձակել :

Աչնան վերջերն էր երբ հարիւրապետի մը հըսկողութեամբ նաև դրուեցան բանտարկեալներ , զինուորներ և ճամբորդներ , ընդամենը 276 հոգի , որոնցմէ մէկն էր Պօղոս : Ծովային սոյն ճամբորդութիւնը ինքնին եղերերգութիւն մըն է . ամիսներ շարունակ հակառակ հովի հոսանքին նաւել . մրկայոյց և փոթորկալից ծովուն ամեհի ալիքներուն ցուրտ գրկին մէջ խաղալիկ մը դառնալ , ամպամած և անարեւ ցորեկէն վերջ , գիշերին խոր խաւար մթութեան մէջ թաղուիլ լոյծ մակընթացութեան մը տարուբերքին , մարդկային բարոյական տարողութեան համար

աներեւակայելի բան մըն է : Եւ խորհիլ թէ այսքան մարդ անվնաս , ամբողջութեամբ Հռովմ հասնին , անհաւատալի է :

Երբ Մելիտէ (Մալթա) ցամաք կ'ելնէին , արդէն նաւը խորտակուած էր , այնպէս որ շատեր նաւուն տախտակները իբր լաստափայտ գործածելով ցամաք հասան :

Պօղոս այս անպատմելի ճամբորդութեան միջոցին նաւուն ղեկավարն էր , նաւապետ և հարիւրապետ իրեն խորհուրդներով կը շարժէին : Միակ անձն էր որ շունչ և հոգի կուտար յուսալքուած սրտերուն : Վերջապէս ձմեռէն վերջ Հռովմ հասան և հոն Պօղոս արտօնուեցաւ մասնաւոր սենեակ մը վարձել ու բնակիլ :



Վերջին դեպքեր

## Ժ. ԴԱՍ

## ԱՌԱՔԵԱԼՆԵՐ

ԵԶՐԱԿԱՑՈՒԹԻՒՆ. — Տղա՛քս մեր նպատակը եղած է Պետրոսի և Պողոսի կեանքին որոշ գիծերը ձեզի ներկայացնելով ընդհանուր գաղափար մը տալ եկեղեցւոյ սկզբնական շրջանին և Առաքելոց գործունէութեան մասին: Եւ որովհետեւ իբր միակ աղբիւր մեր ծանօթութեանց Գործք Առաքելոցը ունինք, պարտաւորուեցանք հետեւիլ անոր, և ամփոփել եկեղեցւոյ երկու նշանաւոր սիւներուն՝ Պետրոսի և Պողոսի առաքելական գործունէութեան գլխաւոր դէպքերը:

Աւելորդ չենք նկատեր Ձեր ուշադրութիւնը հրաւիրելու հետեւեալ եզրակացութեանց:

Ա. — Առաքելական գործին մէջ առաջին դերը Ս. Աւետարանի քարոզութիւնն է: Նկատեցէք որ անք մատնուած յետին ծայր աղքատութեան՝ ստիպուած էին իրենց չոր հացին համար ճակտի քրտինք թափել, մղուած ոչ ոքի բեռ ըլլալու և ոչ ոքի չնորհընկալ մնալու արժանապատուութեան զգացումէն:

Իրենց քարոզութեանց նախնական ձեւը դասախօսական էր. Հրեաները համոզելու համար Յիսուսի գալստեան մասին եղած Հին Ուխտի բոլոր մարգարէութիւնները իբր փաստ բերելէ վերջ՝ իրենց ականատեսի վկայութիւններով կը հաստատէին Ս. Աւետարանի ամբողջ պարունակութիւնը: Իսկ Յոյներուն և հեթանոսներուն՝ Հին և Նոր Ուխտիները ի միասին կը սորվեցնէին: Կը ջանային առիթը օգտագործե-

լու, այնպէս որ ժողովարաններ, հիւրանոցներ, տու-  
ներ, հրապարակներ առ հասարակ իրենց բեմերն էին:

Բ. — Քարոզութեանց հետ զուգընթաց կ'ընթա-  
նար հրաշալի բժշկութիւններ որոնք թէ ընդհանու-  
րին օգուտը և թէ միանգամայն իրենց դործին բրօ-  
քականցը կ'ապահովէր: Այո՛, հիւանդները կը բուժ-  
ուէին, նոյնիսկ մեռածները կ'ողջնային յանուն Յի-  
սուսի Քրիստոսի: Հիւանդաց վրայ աղօթելու և զա-  
նոնք իւզով օժելու սովորութիւնը թէև առաքելական  
է, սակայն Հայ եկեղեցին միայն աղօթելով կը գո-  
հանայ:

Գ. և Դ. — Հաւատացեալներու առաջին պարտա-  
կանութիւնն էր՝ յանուն Յիսուսի Քրիստոսի ջուրով  
մկրտուիլ, այսինքն լուսացուիլ և մաքրուիլ:

Երախան, այսինքն է՝ նորահաւատը, գետեզը  
տեղ մը և կամ աւազանի մը մէջ, իր ամբողջ մարմնով  
երեք անգամ ջուրին մէջ կը թաղուէր, օրինակ Փըրկ-  
չին երեք օրուան գերեզմանի մէջ թաղման:

Այս արարողութենէն վերջ Առաքեալներ մկրտեա-  
լին վրան աղօթելով ձեռքերնին կը դնէին, որպէս զի  
մկրտեալը Ս. Հոգին առնէ: Ըստ սուանդութեան՝ Ա-  
ռաքեալներ իրենց հետ ունէին Ս. Միւռոնը: Նարդ-  
եան ազնուի կոչուած: Մագթաղինացի Մարիամին  
Յիսուսի վրայ թափած անուշահոտ իւղէն մաս մը, որ  
երբ գործածուելով կը պակսէր, վրան հօտաւէտ ծա-  
ղիկներով և համեմներով խառնուած ձիթաիւղ կ'ա-  
ւելցնէին: Այս պարագան Հայաստանեայց եկեղեցւոյ  
մէջ ծանօթ է Միւռոնօրհնութիւն անունով, վերա-  
պահուած միայն կաթողիկոսներու իրաւասութեան,  
այսինքն կաթողիկոսէն զատ ոչ ոք կրնայ Միւռոնօրհ-  
նութիւն կատարել:

Մեր մէջ քահանան Ս. Միւռոնով կ'օծէ, կը կնքէ  
կամ նոյնն է իմաստը կը դրոշմէ մկրտեալ երախանե-  
րուն հինգ զգայարանները, ինչպէս նաև ճակատը,  
գլուխը, սիրտը՝ կռնակը և ոտքերը: Այս արարողու-  
թիւնը կնուճկ կը կոչուի:

Ե. — Ամէն հաւատացեալ որ մկրտուած էր, պէտք  
էր հաղորդակից ըլլար Տեառն մերոյ Յիսուսի Քրիս-  
տոսի կենարար մարմնոյ և արեան: Փրկիչը՝ ինքը իր  
վերջի վերնատան ընթրիքի միջոցին կարգադրած էր  
այս խորհուրդը և գործադրութիւնն ալ յանձարա-  
րած էր:

Հաղորդութեան նիւթը հաց և գինի է. և որով-  
հետեւ Յիսուս իր վերջին ընթրիքը ըրաւ բազարջա-  
կերաց տօնին՝ որով կերած հացը բաղարջ էր, այս-  
ինքն անլի և անխմոր էր ըստ Մովսիսական օրինաց:  
Այս է պատճառը՝ նշխարին անլի և անխմոր ըլլալուն:

Զ. — Շատ մը հաւատացեալներ մկրտուելէ, կըն-  
քուելէ և հաղորդուելէ վերջ, կրկին մեղքերու մէջ  
կ'իյնային, որով խոստովանութիւնը և ապաշխարու-  
թիւնը խորհուրդ նկատուեցաւ մեղաց թողութեան  
համար: Հին օրինի մէջ, մեղաց թողութեան համար  
քաւութեան նոխարներ կը մատուցուէր, իսկ Քրիս-  
տոնէութեան մէջ աղօթքով և ծոմապահութեամբ,  
համադամներէ, ըմպելիներէ զգուշանալով, ողորմու-  
թիւն տալով, բարեգործութիւններով, եկեղեցիներ,  
սպասներ շինելով և շն. և շն. կերպերով կ'ապաշխա-  
րէին: Եւ երբ ապաշխարանքը բաւական նկատուէր  
դարձեալ կ'ընդունուէին եկեղեցւոյ մէջ:

Այս անգամ ի հարկէ կրկին չէին մկրտուէր: Հին  
ատեն մեր մէջ սովորութիւն էր «ողջոյն»ի ատեն ա-  
պաշխարողներու ժամէն դուրս ելնելը:

Է. — Առաքեալներ երբ քաղաքէ մը այլուր կը

փոխադրուէին, իրենց կողմէ նշանակուած անձի մը կը յանձնէին եկեղեցիին հովուութեան հոգը: Ընդհանրապէս այս անձին ընտրութիւնը կը կատարուէր ժողովրդեան վկայութեամբ, որովհետեւ ենթակային ուսում և գիտութենէն զատ՝ անոր վարքն ու բարքը, նոյնիսկ ծնունդը՝ խնդրոյ առարկայ էր: Այնպէս որ ամէն տեսակէտով արժանաւոր անձի մը կրնար վըստահուիլ եկեղեցին հովուելու պաշտօնը: Ահա այդպիսի մէկը յատենի եկեղեցւոյ կը ձեռնադրուէր քահանայ, երէց, եպիսկոպոս և կը յաջորդէր Առաքեալներուն:

Սոյն ձեռնադրութիւնը կարգ քահանայութեան խորհուրդն է:

Ը. — Ապականած բարքը, մանաւանդ հեթանոսներուն մէջ ընտանեկան անկարգ ու անբարոյ կենցաղը քրիստոնէական հիմնական սկզբունքներուն բուրովին հակառակ էր: Բազմակնութիւնը, այսինքն մէկէ աւելի կիներ պահելու սովորութիւնը, մօտաւոր ազգականներու հետ ամուսնանալը ամենահասարակ բաներ էին: Եւ որպէսզի ընտանիքն ու ժողովուրդը անարատ ըլլան, ինչպէս էր եկեղեցին, պէտք էր սրբազործուէր և խորհուրդի կարգ անցնէր Պսակը:

Առաքելոց օրով իսկ կը տեսնենք մարդիկ և աղջիկներ՝ որոնք կուսութիւն ուխտած, նուիրուած են եկեղեցւոյ և Աւետարանի ծառայութեան: Շատ ամուսներ, Քրիստոնէութիւնը ընդունելէ վերջ սիրայօժար բաժնուած են իրարմէ, անձնատուր ըլլալով Աստուծոյ ծառայութեան:

Ահա ասոնք են եկեղեցւոյ եօթն խորհուրդները, Առաքեալներէ լրիւ գործադրուած և գործադրութիւնն ալ հարկադրաբար յանձնարարուած, որուն ամբողջութիւնը կը կազմէ Քրիստոնէական եկեղեցւոյ հաւատալիքը:

## Ժ Ա. Գ Ա Ս

### ՀԱՅԱՍՏԱՆԵԱՅՑ ԵԿԵՂԵՑԻ

ՀեթԱՆՈՍԱԿԱՆ ՇՐՋԱՆ. — Նախ քան զՔրիստոս՝ Հրեայ ազգէն զատ ամբողջ մարդկութիւնը կուսապաշտ էր: Միայն թէ կրօնական ըմբռնումներն ու հաւատալիքները իրարմէ կը տարբերէին իւրաքանչիւրին քաղաքակրթութեան աստիճանով, որով ոչ քաղաքակիրթ կամ վայրենի ժողովուրդներ ստորին տեսակէ կուսապաշտ էին, իսկ զոր օր. Յոյներ՝ բարձրագոյն ըմբռնումներու տիրացած էին:

Մարդկութիւնը իր առաջին քայլափոխին պաշտած էր այն ամէն բան որմէ կը վախնար և կամ կ'օգտուէր. այսպէս բնութիւնը, երկնային մարմիններ, կենդանիներ, կրակը, հսկայ և քաջ մարդիկ, ծնողք, անպայման ժամանակ իրենց երկրպագունները ունեցան: Իսկ չար ու բարի ոգիներու, դեւերու, հրեշտակներու, ոյժի, գեղեցկութեան, անբժութեան, կուսութեան, մայրութեան և լին. և լին. գաղափարները՝ հետզհետէ քաղաքակրթուած ազգերու մէջ պաշտամունքի կարգ անցան: Սակայն և այնպէս ամէն գաղափար կը մարմնաւորուէր նկարի մը և կամ արձանի մը վրայ, որուն մէջ կ'ըստենք կուռք:

Մեր նախնիք ալ կուսապաշտ էին: Իրենց մայր արմատէն՝ Արիական ցեղէն ճիւղաւորուած, իրենց օրրանէն՝ Սիր տարիա և Ամու տարիայի Միջագետքէն՝ ըստ ոմանց Սեւ Մովու հիւսիսը քերելով, Թրակիայի ճամբով Արեւմուտքէն Արեւելք անցած են, և կամ

Պարսկաստանի վրայով Հայաստան մտած մեր նախնիք, իրենց կարգին կռապաշտական ամէն տեսակ հաւատալիքներ և պաշտամունք իւրացուցած և դարերու ընթացքին ստորինէն դէպի բարձրագոյնին դիմած են: Սօսեաց անտառը, Առլէզները, Արեւի և Կրակի պաշտամունքը, Աստղագուշակութիւնը՝ Անահրտի, Աստղիկի, Վահագնի, Տիրի, Բարչամինայի, Արամազդի, Նանէի, Միհրի անուններով Հայաստանի մէջ կառուցուած փառայեղ տաճարներ, Նաւասարգեան տօներու հանդիսութիւնները ևլն. մեր նախնեաց կրօնական կեանքին վկայարաններն են:

Քրմութիւնը Վահագնի սերունդին սեփականութիւնն էր, ասոնք ծանօթ էին Վահեվաճեան անունով: Հայոց թագաւորներէն Տրգրան Բ. իր դէպի փոքր Ասիա և Յունական երկիրներ յաղթական արշաւանքէն վերադարձին՝ իր հետ բերած ըլլայ Յունական կուռքեր և զանանք զետեղած իր դաստակերտին, Տրգրանակերտի մէջ:

Աւելորդ չըլլար ըսել թէ՛ մեր մէջն ալ Քրմութիւնը ամենաբարձր դասակարգի պատկանող պաշտօն մըն էր: Հին Հայոց հոգեւորական դասը ունէր իր հասոյթի հաստատուն աղբիւրները: Գիւղեր, ագարակներ, ջրաղացներ, կթան կենդանիներու հօտեր, նուիրուած թագաւորներէն և իշխաններէն՝ զիրենք առատութեան մէջ կը յղփացնէին:

Գուշակութիւններ, կախարգութիւններ, հմայելուներ, առասպելներ, նախապաշարումներ, երագներ, լուսնի և արեւու խաւարումներ, գիտաւորներու երեւումը, երկնային մարմիններու անկումը, անսովոր օդային փոփոխութիւններ, յաւիտենական կրակին բոցավառուիլը ևլն. ևլն. ունէին նշանակութիւններ և իբր այդ անցած էին հաւատալեաց ցանկին մէջ:

Հայերը ունէին տարուան չորս եղանակներու մուտքի տօները: Այս տօներու միջոցին աշխարհախումբ բազմութիւններ կը հաւաքուէին Տարոնայ աշխարհը՝ Մուշ կամ Եկեղեաց գաւառը, ուր շինուած էին մեծամեծ մեհեաններ, որոնց մէջ կանգնած՝ ագամանդներով և թանկագին քարերով զարդարուած ոսկեծոյլ կուռքեր՝ երկրպագութեան եւ պաշտամունքի առարկայ կը դառնային:

Քրմապետը հագած համակ ճերմակ քթանէ հանդերձանքներ, ամենայն երկիւղածութեամբ՝ կուռքին պատուանդանին վրայ դրուած ոսկիէ խնկամանին մէջ կը դնէր խուսկեր և անուշահոտութիւններ, և ահա տաճարը կը լեցուէր անուշահոտ բուրբոմով մը. անդին, երգեցիկ քուրմեր և քրմուհիներ, նուագարաններով և ցնծղաներով կ'երգէին օրուան արարողութիւնը: Աղօթքի այս պահուն կը կատարուէր զոհաբերութիւնը կենդանեաց, մարդկանց և երախաներու, ինչպէս նաև ամենախենեշ սրբապղծութիւններ, որոնց մասին քաղաքակրթուած մարդիկ գաղափար անգամ չունին: Կրօնական այս արարողութիւններէն վերջ, կ'սկսէին տօնական հանդիսութիւններու. հարսանիքներ, կերուխում, ձիարշաւ, մրցումներ, գօտեմարտ, որոնց միջոցին յաւիտենական թմբուկն ու սրինգը իրենց գոռ ու մեղանայ ձայներով երիտասարդներն ու ցուլերը դէպի կրկէս կը հրաւիրէին: Այս հանդիսութեանց կր նախագահէր թագաւորը և կամ մեծ իշխաններէն մին: Պէտք է ըսենք թէ՛ ութ կամ տասնհինգ օր տեւող այս հանգէսները՝ լաւագոյն առիթը կուտային ժողովուրդին զիրար տեսնելու, իսկ ամէն կարգի վաճառականներ և արհեստաւորներ կ'օգտուէին առուծախով:

Տղաք, կարելի չէ երեւակայել այն խոր տգիտու-

Թիւնը որ կը տիրէր առ հասարակ կռապաշտ ազգերու մէջ: Մեր նախնիք ալ անմասն չէին կրնար մնալ: Իրաւ է թէ գրեւ կարգաւ սովորելու ու է գիւրութիւն չկար ոչ մի տեղ, սակայն ժողովուրդը տգէտ պահելու ջանքը՝ որ ամենայն խստութեամբ լրիւ կը գործադրուէր իշխանաւորներու և քուրմերու կողմէն, պարզապէս ժողովուրդը շահագործելու յետին նպատակաւ էր: Այս էր պատճառը որ թագաւոր մը յաչս տգէտ ժողովուրդին կ'աստուածանար և՛ կամ քրմապետի մը բանգագուշանքը որպէս Աստուածային պատգամ կ'ընդունուէր:

Որքա՞ն փառք տալ պարտինք Աստուծոյ, որ լուստոյ դարուն մէջ ծնած ենք: Այսօր կրօններ և քաղաքակրթութիւն ձեռք ձեռքի տուած, մարդկութիւնը դէպի ինքնագիտակցութիւն և դէպի բարօրութիւն կ'առաջնորդեն:

Պէտք է խորապէս համոզուած ընդունինք թէ՛ մարդկութիւնը իր ներկայ անկաշկանդ կեանքը, մտքի և գաղափարի ազատութիւնը և այ՛ն բոլոր արժէքները որոնք զինքը իբրեւ մարդ ապրելու գիրքին մէջ դրած է, աշխարհի Փրկչին՝ Յիսուս Քրիստոսի կը պարտի:

## ԺԲ. Դ Ա Ս

## ՀԱՅԱՍՏԱՆԵԱՅՑ ԵԿԵՂԵՑԻ

Քրիստոսի Համբարձումէն վերջ, նորակազմ եկեղեցւոյ դէմ եղած սաստիկ հալածանքին հետեւանօք, գրեթէ բոլոր առաքեալներ Երուսաղէմէն հեռացան: Այս հեռացումը լոկ առ ահի չէր. անոնք ալ իրենց կարգին կրնային ասդին անդին պահուըտիլ, արդէն կեանքը իրենց համար Քրիստոսի գործին ծառայելու տեսակէտով միայն կարեւորութիւն ունէր, եթէ ո՛չ աշխարհի վրայ ապրելը անարժէք բան մըն էր:

Առաքեալները, ինչպէ՛ս ըսինք, թողուցին Երուսաղէմն ալ, Հրէաստանն ալ և տարածուեցան ի սփիւռս աշխարհի, ուղղակի կատարելու համար իրենց առաքելական պաշտօնը, այսինքն Յիսուսի Աւետարանին քարոզութիւնը:

Թագէոս առաքեալ՝ որ ըստ աւանդութեան թովմաս Երկուորեակ կոչուած առաքեալին գոյգն էր, եղած է Հայոց Ա. լուսաւորիչը: Ըստ ոմանց, տասներկուքներէն Նաթանայէլը, Սիմոն Նախանձայոյց կոչուած առաքեալը՝ որ Թագէոս ալ կ'անուանուէր, եղած ըլլայ Հայաստանի առաքեալը: Թէ այս երկուքներէն ո՞րն է իրականը, այդ չենք գիտեր, որովհետեւ ի հընուսն գիր և գրականութեան չգոյութիւնը, այս կարգի կարեւոր դէպքերն իսկ մթութեան մէջ կը թողու, որով ստիպուած ենք աւանդական պատմութեան դիմել:

Նախ քան թագէոսի քարոզութիւնը՝ ազգային ա-

ւանդութիւն մը ունինք Հայոց Աբգար քաղաւորին անունով :

Վերջին պատմական փաստեր ապացուցին թէ՛ Աբգար Հայոց թագաւոր չէր : Եդեսիան Հայաստանի մասը չէր կազմեր : Թերեւս Աբգարի օրով Եդեսիան մեծ թուով Հայերով բնակուած ըլլար : Թերեւս Աբգարի արքունիքին մէջ նշանաւոր Հայ նախարարներ գտնուած ըլլային , սակայն ասոնք պատճառներ չեն Ասորի իշխան մը , որպիսին է Աբգարը՝ Հայ և Հայաստանի թագաւոր կարծել :

Եւ որովհետեւ իր մասին պատմահայրն Սորենացին խօսած է և այդ զրոյցը քննադատութեան ալ բովէն անցած է , լաւ է որ մենք ալ անդրադառնանք :

Ինչպէս ըսինք , Աբգար Եդեսիոյ (Ուրֆա) թագաւորն էր , նման այն բոլոր մանր մունր հարկատու իշխաններուն , որոնք Հռովմէական աշխարհակալ կայսրութեան բաղկացուցիչ մասերուն իշխանապետներն էին :

Քաղաքական կարեւոր դէպքի մը կարգադրութիւնը՝ որպէս արդարադատ և անկաշառ մարդ՝ Աբգարի ձեռնհասութեան յանձնուեցաւ , որով Աբգար Պարսկաստան ուղեւորեցաւ և իր պաշտօնը յաջողութեամբ ի գլուխ հանելէ վերջ , վերադարձաւ իր թուր :

Սակայն այս ճամբորդութիւնը իրեն համար աղետալի հետեւանքներ ունեցաւ : Նախ Աբգար բորտութեամբ հիւանդացաւ , իսկ Հռովմ իր մասին կառկածներ ունեցաւ , որով ան հարկադրուեցաւ ինքզինքը արդարացնելու և իր ճամբորդութեան մասին բացատրութիւններ տալու համար պատգամաւորներ զրկել Հրէաստանի Կեսարիա քաղաքը՝ ուր էր Հռովմի ներկայացուցիչը :

Պատգամաւորներու Հրէաստան այցելութիւնը կը զուգադիպէր Հրէից Ջատկին , որով պաշտօնին լրացնելէ յետոյ Երուսաղէմ ալ հանդիպեցան , ուր ականատես եղան Յիսուսի հրաշագործութեանց և քարոզութեանց : Հետաքրքրուելով իմացան Հրէից մեծերուն Յիսուսի մասին սնուցած յետին նպատակը : Եւ երբ վերադարձան՝ ի մէջ այլոց Յիսուսի պարագան ալ պատմեցին իրենց տիրոջ :

Աբգար երկարօրէն հետաքրքրուեցաւ Յիսուսով , և որովհետեւ հիւանդ էր և բարի մարդ , ուզեց Յիսուսի ներկայութիւնը վայելել , նախ չիր առողջուներն իմանալու համար : Առ այդ պատգամաւորները նոյն հետայն վերադարձան Երուսաղէմ և իրենց խնդրանքը մատուցին առաքելոց միջոցաւ Յիսուսի :

Ընդունելութեան միջոցին նկարիչ մը կը ջանար Յիսուսը նկարել , և սակայն ամէն անգամ ալ ըրածը անյաջող փորձ մը կը դառնար , ուստի Յիսուս յայտնելէ վերջ թէ՛ ինք չէր կրնար Հրէաստանէ հեռանալ , հապա իր համբարձումէն վերջ իր աշակերտներէն մին կուգայ և կը գոհացնէ իրենց թագաւորին փափաքը , նկարիչին պատառը առնելով իր երեսին կը քսէ և իսկական պատկերը կը նկարուի կտաւին վրայ :

Այս է ահա Ս . Դաստառակի պատմութիւնը : Սոյն նկարը կը պահուի Հռովմի մէջ :

Իսկ Աբգար Քրիստոսի համբարձումէն վերջ կ'ընդունի Թագէոս առաքեալին այցելութիւնը և աղօթքով կը բժշկուի , կը մկրտուի և կ'ընդունի Քրիստոնէութիւնը : Իրեն հետ միասին կը մկրտուին իր նախարարներն ու արքունիքը , ինչպէս նաև ժողովուրդէն շատերը , որոնց հոգեւոր վերակացութիւնը կը յանձնէ Ադգէ անուն խոյրարարին՝ զայն եպիսկոպոս ձեռնադրելէ վերջ :

Այսպէս Թագէտս Եդեսիոյ մէջ իր առաքելական պաշտօնը լրացնելէ վերջ, գէպի հիւսիս քալելով կը մտնէ Հայաստան և կը քարոզէ զՅիսուս Քրիստոս :

Պէտք է ըսել թէ՛ այն ատեն Հայաստանի մէջ ալ մեծ թիւով Հրեաներ կը բնակէին : Ըստ մեր Ազգ. պատմութեան, Տիգրան աշխարհակալ թագաւորը գէպի իր Սուրիա և Պաղեստին ըրած յաղթական արշաւանքէն վերադարձին իր հետ Հրեայ գերիներ բերած ըլլայ, որոնց պետն էր Շամբատ անուն մէկը : Բագրատունիք որ այնքան կարեւոր դեր մը ունեցան հետագային և Հայաստանի ճակատագիրը իրենց ձեռքը ունէին, նախկին Հրեաներ էին :

Այս կարճ տեղեկութիւնը տուինք ակնարկած ըլլալու համար թէ՛ առաքեալները իրենց խօսքը տարին նախ իրենց ազգակիցներուն :

Թագէտս առաքեալէն վերջ Հայաստան այցելեց Բարթողիմէոս առաքեալը, Յիսուսի տասներկու առաքեալներէն մին : Ըստ աւանդութեան Բարթողիմէոս նախ քարոզեց Պարսկաստանի մէջ և ապա անցաւ Հայաստան :

Երկու առաքեալներ որ զիրար ի հարկէ կը ճանչնային, գիշեր մըն ալ իրարու մօտ անցուցին : Երկուքն ալ նահատակուեցան Հայոց թագաւորին՝ Սանատրուկի հրամանով և թաղուեցան Հայաստանի հողին վրայ :

Իրենց գերեզմանները մինչեւ այսօր ալ կը պատուուին Աղբակի և Արտազու մէջ : Սոյն աւանդութիւնը մեզի համար այնքան արժէքաւոր է՝ որքան գրաւոր վկայութիւն մը : Մենք քիչ յետոյ պիտի տեսնենք թէ՛ Ս. Լուսաւորիչէն առաջ արդէն Հայաստանի մէջ Քրիստոնէութիւնը տարածուած կրօն մըն էր և մեծ թիւով իրեն հետեւորդները ունէր : Ունէր

նաև իր եկեղեցւոյ պետերը : Հիմնուելով այս անհերքելի փաստերուն, պարծանօք կը յայտարարենք թէ՛ Հայոց քրիստոնէական հաւատքը Առաքելոց քարոզութեանց արդիւնքն է, և հետեւաբար Հայաստանեայց եկեղեցին Առաքելական է :


## ԺԳ. ԳԱՍ

## ՀԱՅԱՍՏԱՆԵԱՅՑ ԵԿԵՂԵՑԻ

Թագէտի և Բարթողիմէոսի քարոզութիւնները՝ առատապէս արգասաւորուած էին Հայաստանի հողին վրայ: Նոյնիսկ արքայազուններ և մեծամեծներ ընդունած էին Քրիստոնէութիւնը և իրենց արեամբ վկայած էին զայն: Սակայն հալածանքը որ ներոնով սկսաւ Քորիստոսի 64 թուին և ընդհուպ տարածուեցաւ Հռովմէական կայսրութեան բոլոր երկիրներուն մէջ, իբր բոլոր խորութեամբ կիրարկուեցաւ Հայաստանի մէջն ալ: Այնպէս որ ամենափոքր կասկածն իսկ բաւական էր կառավինատը տանիլ ո եւ է հաւատացեալ մը: Այս պայմաններուն տակ որքա՞ն գժուար էր Հայաստանի պէս յետամնաց երկրի մը մէջ եկեղեցւոյ կազմակերպութիւնը. երբ մանաւանդ խորհինք թէ առաքեալներ և իրենց յաջորդները առ ի չգոյ՛է գիր և գրականութեան, պարտաւոր էին միմիայն խօսքով քարոզելու և սորվեցնելու Քրիստոնէութիւնը: Այս պայմաններու տակ յառաջացաւ Աստուծոյ խօսքը: Աւետարանը Եբրայեցերէնէ թարգմանուեցաւ Ասորերէնի որ իբրև եկեղեցական լեզու գործածական դարձաւ:

Նոր կրօնի հետեւողներ՝ ստիպուեցան գաղտնի աղօթափոյժներ ընելու լերանց խողովներուն, անձաններուն, գետնայարկ և մութ այրերուն մէջ:

Գրեթէ երկու հարիւր տարի տեւող այս ժամանակաշրջանը բաւական եղաւ իբրև թթխմոր՝ խմորել ամբողջ Հայութիւնը, որովհետև նորագարձ Քրիստոնեաներ՝ որպէս անտրտունջ համակերպող և համբե-



Ս. Էջմիածին

րող ծեծի, նախատինքի և ամէն կերպ հակամարդկային արարքներու, ինչպէս նաև իրենց կենցաղի մաքրութեամբ՝ հեռու կեդծիքէ և սուտէ, անչառախնդիր այլ նաև առատածեռն և անձնուէր. մէկ խօսքով իրենց անձին օրինակով պարզապէս հիացում կը պատճառէին իրենց շուրջիներուն. Եւ եթէ երբէք իրենց վիճակէր բազմը նահատակութեան մը, այնքան սիրով կ'ընդառաջէին որ, դահիճներն անգամ այս անձնագոհութեան առջև ինքնաբերաբար Քրիստոնէութեան կը դառնային: Քրիստոնէութեան տարածման զաղտնիքը հոս պէտք է փնտռել: Անձնական օրինակ մը շատ մը քարոզներէ և խրատներէ աւելի կ'արժէ:

Ըստ աւանդական պատմութեան, Թաղէոս և Բարթողիմէոսէ վերջ՝ մինչև Ս. Գրիգոր Լուսաւորիչ, ութ հայրապետներ գահակալած ըլլան Հայաստանեայց եկեղեցւոյ հայրապետական աթոռին վրայ: Մեր եկեղեցական պատմիչք յականէ յանուանէ կը յիշեն զանոնք: Մանաւանդ անոնցմէ վերջինը՝ Ս. Մեհրուժան հայրապետ. ըստ Եւսեբիոս պատմիչի, Ալեքսանդրիոյ Դիոնիսիոս հայրապետէն նամակ ստացած ըլլայ՝ վասն ապաւստանութիւն առ այնոսիկ որ էին Հայաստան:

Այս կերպ խոորուած Հայաստանը պատրաստ էր բռնկելու, և ահա չուչացաւ կայծը: Տէրը իր Գրիգոր ծառային միջոցաւ ներմուծեց զայն և Հայաստան աշխարհը բոցավառեցաւ և լուսաւորուեցաւ:

Ո՞վ էր Ս. Գրիգոր Լուսաւորիչ:

Երբորդ գարու առաջին կիսուն՝ Պարսկաստանը քաղաքական հանգրուանի մը վրան կը գտնուէր: Սասանեան հարստութեան հիմնադիրը Արտաշիր, յետ երկար ներքին պատերազմներու, յաջողած էր Պարթեւ Արշակունիներուն յաղթել և տիրել Պարսկական գահուն: Այդ միջոցին՝ Հայաստանի թագաւորն ալ Պար-

Թեև Արշակունիներու հարստութեան տան պատկանող Խոսրովն էր, որ իր կարգին օգնած էր իր ազգականներուն՝ ընդդէմ Արտաշիւրի: Երբ այս վերջինը գահ բարձրացաւ՝ ամրապնդելու համար իր և իր սերունդին միահեծան տիրապետութիւնը՝ ինչպէս նաև առաւելապէս մղուած վրէժխնդրական ոգիէն, փորձեց զէնքի ուժով գոհացնել իր բռնատիրական ցանկութիւնները:

Սակայն Հայեր շատ լաւ դաս մը տուին ջարդ ու փշուր ընելով Պարսկական բանակը: Սոյն անփառունակ պարտութիւնը յաւիտենական թշնամութեան մը սկզբնապատճառը եղաւ:

Արտաշիւր զէնքով ստացած ամօթապարտութիւնը ուզեց քաւել դաւաճանութեամբ և Անակ անունով Պարթևե իշխան մը կաշառելով համոզեց որպէս զի սպաննէ Հայոց թագաւորը: Անակ իրեն տխուր դերը իրագործեց, որսորդութեան մը միջոցին սպաննելով իրեն ազգականը, իսկ իր կարգին ինքն ալ ճաշակեց մահերուն դառնագոյնը. բնաջնջուեցաւ իր ընտանիքը. որմէ փոքրիկն Գրիգոր միայն փրկուեցաւ: Արտաշիւրի համար Հայաստանի տիրապետութիւնը կատարուած իրողութիւն մըն էր այլևս:

Շատ ժամանակ չէր անցած, Խոսրովի ընտանիքն այ սրախողխող կ'ըլլար՝ որպէսզի իսպառ անհետանար Պարթևներու սերունդը: Այլ սակայն պատուական անձնաւորութիւն մը կըրցաւ փրկել Տրդատն ու Խոսրովի գուլթա թագաւորազունները:

Տրդատ և Գրիգոր մեծցան Յունահռովմէական կրթութեամբ: Առաջինը վարժուեցաւ պատերազմական արուեստին մէջ և ստացաւ քաջութեան համբաւ, իսկ վերջինը կրթուեցաւ քրիստոնէական ուսումներով և եղաւ վարժ գիււանագէտ:

Յունահռովմ-Պարսկական կռիւները՝ որ անվերջանալի էին, վերսկսան ի խնդիր Տրդատի հօրենական իրաւունքին: Հայ նախարարներ իրենց երիտասարդ արքայազունի մէջ տեսան կորովի միապետի մը բոլոր յատկութիւնները՝ ինչպէս նաև իրենց փրկութիւնը: Որով թեև ու թիկունք եղան Տրդատին և Հռովմէական լէգէոններու գործակցութեամբ յաղթանակը իրագործուեցաւ և Սասանեաններ ստիպուեցան հեռանալ Հայաստանէն:

Այս պատերազմներու միջոցին Գրիգոր Տրդատի դիւանական պաշտօնակալներէն մին էր և աչքաուղ դիրք մը ունէր: Յաղթութեան վաղորդայնին սկսաւ զոհաբերութիւններ՝ իբր սկզբնաւորութիւն ընդհանուր խրախճանութեանց: Ամէն մարդ իր կարելին կ'ընէր պատիւ մը, դիրք մը ստանալու համար յաղթական թագաւորէն: Լուռ և անտարբեր էր միայն Գրիգորը: Առաջարկութիւններ և խնդրանքներ անլըսելի մնացին: Ան յամառեցաւ իր տեսակէտին մէջ, կուռքերուն չի զոհեց և ոչ ալ ծաղկեպսակներով զարդարեց զանոնք:

Տրդատ իր բարկութեան թիրախը դարձուց զայն և անլուր չարչարանքներով պատժեց, մանաւանդ երբ լսեց թէ՛ տիրասպան Անակի որդին է. կարծեց տեսնել Գրիգորի մէջ վերընծիւղած դաւադիր մը իր անձին ու իր նորակազմ պետութեան: Ո՛րով հրամայեց նետել զայն Խոր Վիրապի բանտը:

Գրիգոր իր երկարամեայ բանտարկութեան միջոցին գրեթէ մոռցուած էր: Թէ՛ ի՞նչպէս ապրեցաւ այդ միջին ու խոնաւ նկուղին մէջ անսուաղ, գրեթէ առասպելական է: Իր բանտարկութեան վերջին օրերուն կը հանդիպէր Հռիփսիմեանց նահատակութիւնը՝ ինչ որ պատճառ եղաւ Տրդատի հոգեկան խռովքին և խելակորոյս վիճակին:

Տրդատի քոյր Խոսրովի դուստր՝ որպէս արթուն և հեռատես մի կին, սրտի մորմոքումով հետեւած էր Քրիստոնէից դէմ եղած հալածանքին. մանաւանդ Հռիփսիմեանց նահատակութեան հետեւանքով իր եղբոր ենթարկուած հիւանդութիւնն ու նորահաստատ պետութեան մօտալուտ անկումն ու կործանումը՝ գըրեթէ անխուսափելի իրողութեան մը պէս կը պատկերանար իր աչքին: Իր կանացի հոգւոյն մէջ հետըհետէ տեղ բռնել սկսաւ քրիստոնէական սկզբունքներ, որոնք բացայայտ ճշմարտութիւններ էին, և որոնց համար զոհուած էին իր սեռին ամենաընտիր ներկայացուցիչները: Այս կարգի խորհուրդներ զինք Աստուծոյ մօտեցուցին, և ահա չուշացաւ տեսիլք. ան հնգիցս կրկնուեցաւ և որոշապէս ծանոյց Տրդատի և պետութեան փրկութեան միակ միջոցը: Ս. Գրիգոր իր տասնհինգամեայ արգելարանէն դուրս հանուեցաւ և իրեն աղօթքին զօրութեամբ բժշկուեցաւ Տրդատ: Տրդատ և իր պետական կազմը՝ նոյնհետայն ընդունեցին Քրիստոնէութիւնը՝ 301 թուին Քրիստոսի և ընդհանուրին հաւանութեամբ մեծ շքախումբով մը շրջեցին Ս. Գրիգորը կեսարիա՝ Ս. Ղեւոնդիոս հայրապետէն ընդունելու քահանայութեան օժուումն ու հայրապետական իշխանութիւնը:

Մեր հայրեր ստիպուած էին գրմել Յոյն Օրթոտոքս եկեղեցւոյ ներկայացուցչին՝ որովհետև Մեհրուժան հայրապետը վաղուց վախճանած էր, և տիրող հալածանքին հետեւանք չէին կրցած ընտրութիւն ընել, որով հայրապետական աթոռը թափուր էր:

Պէտք է գիտնաք թէ մինչև Ե. դարու կիսուն՝ եկեղեցական միութիւնը խաթարուած չէր. ընդհանուր Քրիստոնէութիւնը մի հօտ և մի հովիւ էր. որով Հայոց համար Յոյն եկեղեցիէն ձեռնադրութիւն

ստանալը ոչ անպատեհութիւն էր և ոչ ալ անսովոր. և ոչ ալ նուիրապետութեան ճանաչում: Ս. Գրիգոր Լուսավորիչ կեսարիայէ վերադարձին իր հետ բերաւ Ս. Յովհաննու-Մկրտչի և Ս. Աթանազիոսի նշխարներէն մաս մը, և երբ Տարոնայ աստուածներուն մեհեանները իր հրամանաւ կործանեցան և քրիստոնէական տաճարը բարձրացաւ նոյն տեղին վրան, Յովհաննու նշխարները զետեղեց նորաչէն տաճարին մէջ, կոչելով զայն Ս. Կարապետ:

Նորընտիր հայրապետին Հայաստան մուտքը եղաւ խիստ փառայեղ: Տրդատ իր ամբողջ զինուորական և քաղաքական կազմով, հայ նախարարներ իրենց շողշողուն շքախումբերով եւ անհամար ժողովուրդ, մինչեւ սահմանազուխ ընդառաջելով, փառօք եւ պատուով ընդունեցին զայն եւ երբ Արածանիի եզերքն էին, մօտաւորապէս կէս միլիոն հոգիներ Ս. Մկրտութիւնը ընդունեցին:

Ս. Գրիգոր իրեն հետ բերած էր վարժ ու եփուն եկեղեցականներ. իր ցոյց տուած գիւրութեան հետեւանքով քուրմերու մեծամասնութիւնը սիրով փարեցան նոր կրօնին եւ անմիջապէս վարժուեցան Ս. Գրքոց, եկեղեցական կարգաց. կանոնաց եւ արարողութեանց: Ասոնց գլխաւորն էր Աղբիանոս Մանազկերտցին, որուն սերունդէն հետագայ դարերուն մէջ Հայաստանի հայրապետական աթոռին վրան արժանապէս բազմողներ պիտի ըլլային:

Ս. Լուսավորիչը իր տեսիլքին մէջ տեսած էր էջմիածնի Մայր տաճարին շինութեան վայրը: Որով իր առաջին գործը եղաւ Մայր տաճարին կառուցումը՝ օժանդակութեամբ Տրդատին եւ Տիկնանց Տիկին Աշխէնին:

Նոյնպէս շինուեցան Հռիփսիմեանց եւ Գայիան-

եանց վկայարանները՝ որոնց մէջ Ս. Հայրը իր ձեռքով ամփոփեց սրբուհեաց նշխարները :

Շատ ալ դիւրին չէր եղած Հայութեան ամբողջական դարձը Քրիստոնէութիւն : Քուրմերու ահագին բազմութիւն մը, զինեալ ժողովրդեան հետ ապրատամբեան դրօշ պարզած, դիմադրութիւն փորձեցին Երէզ աւանին մէջ, ուր էր ոսկիածին Անահիտը, սակայն զինուորական զօրութեան առջև ոչքն չացան : Այսպէս, թագաւորն ու հայրապետը, ձեռք ձեռքի տուած, ջանք ի գործ դրին և լուսաւորեցին Հայաստան աշխարհը՝ Քրիստոսի անչէջ լոյսով :

Ս. Հայրն հաւատոյ, հոգւոց լուսաւորիչը, մօտաւորապէս 90 տարիքին մէջ վախճանեցաւ, ձգնելով Սեպուհ լեռան Մանեայ այրին մէջ :

## ԺԴ. Դ Ա Ս

### ՀԱՅԱՍՏԱՆԵԱՅՑ ԵԿԵՂԵՑԻ

#### Ա Ն Գ Ի Բ Ե Ր Ջ Ա Ն

Հայաստանի մէջ Քրիստոնէութեան պետական կրօն դառնալէն մինչեւ Գրոց Գիւտը, 103 տարուան ժամանակամիջոցը, վերագրեցինք անգիր քրջան : Թէև այդ մասին մեր նախորդ դասին մէջ կարգ մը ծանօթութիւններ տուած էինք, սակայն օգտակար նկատեցինք անգամ մը եւս և քիչ մը աւելի ընդարձակ տեսութեամբ ձեր ուշադրութիւնը հրաւիրել :

Հայաստան որպէս հարկատու երկիր բաժնուած էր Պարսկաստանի և Յունահռոմէական կայսրութեանց միջեւ : Միեւնոյն բաղդին ենթարկուած էր մեզի հարաւէն սահմանակից Ասորեստանն ալ. սակայն այս վերջինը ունէր իր պատմութիւնն ու քաղաքակրթութիւնը որ պարսկականէն շատ հին էր եւ իր հնութեամբ կը հաւասարէր եգիպտական քաղաքակրթութեան :

Որոշ էր որ Ասորիները ունէին կատարելագործուած լեզու և գրականութիւն. այդ միջոցաւ թափանցած իրենց դրացի ազգերուն, եւ խորապէս ազդած էին անոնց կրօնական ըմբռնումին : Այս է պատճառը որ Հայոց մէջ իբր (մեհենական) կրօնական լեզու գործածական դարձած էր ասորերէնը :

Իբրեւ վաճառականական լեզու Հայեր կը գործածէին պարսկերէնն ու լատիներէնը : Յունարէնը դասական լեզու էր : Խօսակցութեան լեզուն էր հայե-

րէնը բնականաբար իր գաւարաբարբառի խայտաբղէտ ձեւերուն տակ :

Լեզուի եւ գրականութեան այս անկեալ շրջանը տեւած է Հայոց Հայաստան մուտքէն մինչեւ Գրոց Գիւտը , մօտաւորապէս 1200 տարի :

Հայոց լուսաւորութեան շրջանին Ս . Գրիգորով սկսուած Աւետարանական գործը յուսահատեցուցիչ դժուարութեանց կը բաղխէր լեզուի եւ անգրականութեան պատճառաւ :

Եկեղեցական քարոզիչի մը համար անհրաժեշտ էր քանի մը լեզուներու տիրանալ , հասկնալ եւ հասկընելու համար այն ամէն ճշմարտութիւնները , որուն ինք՝ պաշտօնեայ կարգուած էր : Տիրող հեթանոսական սովորութիւնները բառնալու միակ միջոցը ուսուցանելն էր , որ պէտք էր կատարուէր դպրոցով եւ քարոզութիւններով :

Հետեւաբար կազմուեցան ընթերցող , վերծանող եւ թարգմանիչ կոչուած դպրոցական դասեր , ծառայելու համար լոկ քրիստոնէական ուսուցումի գործին :

Անոնք ընդունելէ յետոյ եկեղեցական աստիճաններ՝ յատենի Ս . եկեղեցոյն կը կարգային ասորերէն եւ կամ յունարէն գրուած Ս . Գիրքերը եւ կը թարգմանէին հայերէնի : Մայրենի լեզուով գոց կը սորվէին շարականներ , մեղեդիներ , մասնաւորաբար սաղմոսներ եւ պաշտամունքի միջոցին փոխն ի փոխ կ'արտասանէին զանոնք :

Երգեցողութեանց կը մասնակցէին մանկուճկ եկեղեցւոյ կոչուած դպիրներ , որոնք միեւնոյն ժամանակ ընդօրինակիչներն էին Ս . Գրոց եւ սրբազան մատեններու :

Այս շրջանին ժամերգութիւնք տեղի կ'ունենային շատ պարզ ձեւով մը : Սաղմոսերգութիւնը ժամերգու-

թեան գլխաւոր մասը կը կազմէր : Իսկ Ս . Պատարագը կը կատարուէր բազաձայն եւ առանց շողշողուն զգեստներու : Այսքան պարզ էր նախնական եկեղեցին :

Ս . Գրիգոր Լուսաւորչի մահէն վերջ իրեն յաջորդեցին իր երկու զաւակները՝ Թոուն ու Թոուն Թոուր , եւ անոր զաւակը :

Պէտք է գիտնաք որ քրիստոնէական եկեղեցւոյ առաքեալներն ու նախկին հայրապետներ մեծաւ մասամբ ամուսնացած՝ տուն տեղ կազմած ընտանեաց տէր մարդիկ էին : Ուրեմն յայտ է թէ՛ ամուսնութիւնը սեւէ կերպով չի մլասեր քրիստոնէական ոգւոյն :

Ս . Արիստակէս , եղբայրը՝ Ս . Վրթանէս եւ իր զաւակը Ս . Յուսիկ՝ արժանաւոր յաջորդներ եղան իրենց հօր եւ հաւուն : Սոյն հայրապետներու օրով՝ Քրիստոնէութիւնը բառին բովանդակ առումով չէր արմատացած Հայաստանի մէջ : Հայ նախարարներէն շատեր որոշ կերպով չէին հաշտուած նորագոյն սկըզբունքներու հետ : Թէեւ Քրիստոնէութիւնը պետական կրօն դարձած էր , թէեւ Տրդատ թագաւոր քանի ողջ էր , զինու զօրութեամբ խելքի կը բերէր ըմբոստ նախարարները՝ սակայն անոր ալ մահէն վերջ լայն ասպարէզ գտան քուրմերն ու իրենց հետեւողները եւ սկսան խլրտիլ : Նոյնիսկ ասոնց թելադրութեամբ՝ Հայոց թագուհին , երկու հազարէ աւելի լեռնաբնակ Սասունցիներէ եւ քուրմերէ բազկացած ասպատակ մը զրկեց Մշոյ Ս . Կարապետ եկեղեցւոյն (Իննանկեան վանք) վրայ , սպաննելու համար Ս . Վրթանէս հայրապետը որ օրուան պատարագիչն էր : Յարձակող լեռնցիներ ըմբռնուած աներեւոյթ զօրութենէ մը՝ չի կրցան իրենց վատ խորհուրդը գործադրել եւ մեզայի գալով թողութիւն խնդրեցին Ս . հայրապետէն

և անոր աղօթքով բժշկուեցան, և ապա մկրտուելով ընդունեցին Քրիստոնէութիւնը:

Ս. Յուսիկ եղեբական վախճան մը յենեցաւ, բրածեծ ըլլալով նահատակուեցաւ իր աներհօր և կամ աներորդւոյն՝ Հայոց թագաւոր Տիրանի ձեռքով, ուրովհետեւ հակառակած էր Յուլիանոս ուրացողի պատկերը կախել տալու եկեղեցիէն ներս:

Ս. Լուսաւորչի որդւոց և թոռանց առաքինի կենցաղը, որ հաւասար է մարտիրոսութեան, անջընջելի կերպով քանդակուած է Հայ բարեպաշտ ժողովրդեան սրտին մէջ: Հայաստանեայց եկեղեցին զասած է զանոնք սրբոց շարքին և անոնց անուաները կը յիշատակէ Ս. Պատարագին, առաքելոց և եկեղեցւոյ սուրբերու հետ միասին:

ԺԵ. ԴԱՍ

ՀԱՅԱՍՏԱՆԵԱՅՑ ԵԿԵՂԵՑԻ

ԳՐՈՑ ԳՐԻՏԸ

Մեր անցեալ դասին մէջ ամփոփ կերպով տուինք անգիր յըզանի տարապարհակ աշխատանքը, զոր տարին առաջին և երկրորդ Լուսաւորիչներու յաջորդները՝ ի խնդիր Հայոց Քրիստոնէութեան դարձին:

Անձնուէր հովիւներ, անձնուիրութեան գերագոյն թափով մը հագիւ թէ կարողացած էին Քրիստոնէութեան սերմեր ցանել արգասաբեր հողերու վրայ, որոնք թէեւ առատացած էին՝ սակայն առաջադրուած նպատակը — ճշմարիտ հաւատքին իւրացուցը ամենուստ — տակաւին շատ հեռու էր իրականութիւն մը ըլլալէ:

Վերահաս ընդհանուր հալածանք մը շուտով արմատախիլ պիտի ընէր նոր հաւատքը, որ տակաւին թարձ ու ազագուն՝ ամէն հովէ կը տարուբերէր:

Այս խախտու կացութեան վերջնական հիմնաւորումն ու ամրացումը, մտքի զարգացումով միայն կարելի կը դառնար: Առանց գիտակցութեան առնուած ամէն մի քայլ՝ առանց լոյսի անձանօթ վայրերու մէջ մոլորածի մը խարխափումին կը նմանի, միշտ ենթակայ վտանգի և անկումի:

Այս իրողութիւնը թէեւ ամէնուն ծանօթ, սակայն ոչ ոքէ այնքան խորապէս ըմբռնուած, և բացի Մեսրոպէ՝ ոչ ոք կրցած էր տեսնել այն լուսաւոր ապագան, որը վերապահուած էր Քրիստոնէութեան՝

Հայաստան աշխարհի մէջ, եթէ միայն Հայը ունենար իրեն սեփական գիրն ու գրականութիւնը:

Այն խորունկ վիհը՝ որ նախկին քաղաքական պաշտօնեայի մը խորաթափանց մտքին առջեւ կը պարզուէր իր ամէն կողմերով, այնքան անարկու ու դժոխմբեր, որուն առջեւ տատամայլն ու երկմտիլը, հաւասար պիտի ըլլար աններելի արարքի մը: Պէտք էր լիբել Հայ ժողովուրդը՝ երբ անոր քաղաքական կեանքը իր մայրամուտին կը մօտենար: Անոր ազգային միութիւնը պէտք էր կապել քրիստոնէական հաւատքին իր Ազգային Եկեղեցիին միջոցաւ, որպէսզի ան չնչէր ու վերանար նոր կեանքին անապակ ոլորտներուն մէջ: Պահպանել ցեղին գոյութիւնը քրիստոնէական հաւատքին արմատացումով: Ահա ասոնք էին այն խորհուրդները որոնք ծագեցան և մարմին առին Տարոնայ Հացեկաց գիւղացի Մեսրոպ Մաշթոցի մտքին մէջ՝ այնքան լուսաւոր և իրական, որ ոչ մէկ կասկած կը թողուր իր վերջնական յաջողութեան համար:

Ինչպէս ակնարկեցինք վերեւ՝ Մեսրոպ քաղաքական պաշտօնեայ մըն էր իր աշխարհականութեան միջոցին:

Ծնած էր Տարոնայ (Մուշ) Հացիկ գիւղին մէջ. գաւակն էր Վարդան անունով մէկու մը: Որոշապէս կարելի է հետեւցնել թէ Մեսրոպ կը պատկանէր Մամիկոնեան ցեղին, և իր հայրը աննշան մէկը չէր ի հարկէ որ կրցաւ իր տղուն տալ այդքան բարձր զարգացում և դաստիարակութիւն սրտի և հոգւոյ որ, Մեսրոպ Մաշթոց իր ունեցած ձիրքերով բարձրացաւ արքունի քարտուղարի պաշտօնին և արժանացաւ Վռամշապուհ թագաւորին անվերապահ գնահատման: Արդարեւ երբ սա իր պաշտօնէն հրաժարած՝ եկեղեցականութիւնը ընդունեց, Վռամշապուհ դժուարացաւ

գտնելու այնպիսի մէկը որ կարողանար իր հմտութեամբ և ձեռնհասութեամբ լեցնել Մեսրոպի թողած պարապը:

Մեսրոպ՝ վարդապետ ձեռնադրուելէ վերջ իրեն գործունէութեան վայր ընտրեց Սիւնեաց աշխարհի Գողթն գաւառը: Հոգ էր որ մօտէն շփում ունեցաւ ժողովուրդի լայն խաւերուն հետ և ճաշակեց իր ամուշ աշխատանքին դառն պտուղը: Յետ երկար տարիներու ճգնաճան աշխատութեան, ոչինչ կրցած էր արտադրել: Ինք քաջ լեզուագէտ էր. իր ասորագիտութիւնը, իբր ընթերցող թարգմանող և վերծանող կարողութիւնները, իր հիւրեղ ու գրաւիչ պերճախօսութիւնը, իսպառ անբաւական եզան իր սրբազան պաշտօնին լիակատար գոհացում տալու: Հետեւաբար թողուց իր գործը. իր աշխատութեան դժուարութիւններն ու գործին յաջողութեան պայմանները բացատրելու համար գիմեց Լուսաւորչայ սերունդին վերջին ներկայացուցչին՝ Ս. Սահակ Պարթեւ հայրապետին, որ իր ազնուական ծագումով, մտքի ընդարձակ ծանօթութեամբ, քաղաքական կեանքի փորձառու ճկունութեամբ, և մանաւանդ աննման հելլենագիտութեամբ պատկառազգու անձնաւորութիւն մըն էր և տիրապետող դիրք մը կը վայելէր:

Եկեղեցւոյ և ազգին սիրովը վառուած այս ամուլը՝ սրտակցի և գործակցի այնպիսի անքակտելի կապով մը իրարու միացան՝ որ առանց այս գործակցութեան անկարելի էր ի գլուխ հանել Գրոց Գիւտի նման ազգային վերածնութիւնը բազմորոշող պատմական թըւական մը:

Իրենց նպատակին իրագործման համար գիմեցին Վռամշապուհին և նոյնհետայն ապահովեցին անոր պաշտպանութիւնն ու գործակցութիւնը: Թագաւորին

հրամանով Վահրիճ անունով ականաւոր մտաւորական իշխան մը Միջագետք՝ Դանիէլ Ասորի եպիսկոպոսին մօտ զրկուեցաւ, իմացուած ըլլալով որ յիշեալին մօտ կը գտնուին հին նշանագրեր: Այլ աւա՛ղ, սոյն տառերը անբաւական էին Հայ լեզուի առողանութեան համար, որով քանի մը ամիսներ ի զուր և ապառազիւն փորձերէ վերջ լքեցին:

Մեծն Մեսրոպ, որուն անունը ամէն Հայ օրհնութեամբ պէտք է արտասանէ, ինք անձամբ ճահբայ ինկաւ դէպի Միջագետք և մի առ մի գիմեց Եգիպտոյ Պղատոն ճարտասանին և Բաբելաս եպիսկոպոսին: Անկէ անցաւ Ամիգ (Տիարպէքիբ) Ակակիոս եպիսկոպոսին, Սամուսատ՝ Հռուփանոս գիտնականին և ամէնուն հետ գաղափարի փոխանակութիւններ ունեցաւ. ամիսներ շարունակ տառեր գծեց ու բազդատեց, չափեց ու ձեւեց, բարձրաձայն առողանութեամբ հեզեց ու արտասանեց, և սակայն բոլոր փորձերն ալ ապարդիւն մնացին:

Այս անվհատ մարդը՝ որ երբէք չէր դադրած ազօթելէ՝ առաւել եւս անձնատուր եղաւ ազօթքի, որ ինքնամոռացութեան աստիճանին հասցուց: Եւ ո՞վ անիմանալի և անըմբռնելի զօրութիւն, Մեսրոպի մտքին առջեւ պայծառօրէն պատկերացան երեսունըվեց հատ տառեր՝ այնպիսի վիճակի մը մէջ որ Երանելին ոչ ի բուն երազ եր եւ ոչ յարքնութեան տեսիլք կը տեսնէր:

Մեսրոպ անմիջապէս նկարեց իր մտքին պատկերացումը և զանոնք ներկայացուց Հռուփանոսին որ անոնց նուրբ ձեւեր տուաւ: Եւ նախ Ասորերէնի վրայէն իբր փորձ թարգմանեց Առակայ Գիրքը և անձամբ համոզուելէ յետոյ թէ գիւտը անթերի է, Հաստան վերագարծաւ:

ԺԶ. Գ Ա Ս

ՀԱՅԱՍՏԱՆԵԱՅՑ ԵԿԵՂԵՑԻ

ՏԻԵԶԵՐԱԿԱՆ ԺՈՂՈՎՆԵՐ

Որոշ է թէ ամէն վարդապետութիւն, կրօնական, գիտական և կամ քաղաքական, կ'ունենայ իրեն թեր ու դէմ խօսողները: Սորհելու կարողութիւնը՝ մանաւանդ մշակուած մտքի տէր անձերու մօտ ի յայտ կուգայ տրամաբանելու այնպիսի ձեւով մը որ ունկընդիրը՝ երբ մանաւանդ միջակ դաստիարակութեան կամ անուս դասակարգի պատկանի, իսկոյն զինաթափ կ'ըլլայ իր տեսակէտներէն և իրաւունքը կուտայ անոր որ այնքան պերճախօսութեամբ պաշտպանած էր իր թեզը:

Կարծիքի տարբերութիւնը ամէն մարդու իրաւունքն է. երբ զայն պաշտպանելու համար բիրտ ուժը, կամ նենգ դաւը միջոց չէ ընտրուած, ինչպէս նաև հեզնանքն ու նախատինքը ենթակային անձին, ընտանեկան բարոյականին չեն ուղղուած, անխոստովանելի արարքներով գիմացինը ստրկացնելու և բարօրապէս մահացնելու ստորնաքարչ և եպերելի միջոցներ չեն որդեգրուած, այս սահմաններէն դուրս, ամէն անձ պատշաճութեան սահմանին մէջ կրնայ իր տեսակէտը պաշտպանել խօսքով և գիրով, այսինքն թերթերով և բեմով:

Իսկապէս զարգացած մարդը՝ իր լսած և կարգացածներուն վրայ կը խորհրդածէ և միտք կը յոգնեցընէ, իրերը՝ դէպքերն ու դէմքերը իրարմէ զանա-

զանեյէ վերջ, որոշման մը կը յանգի: Մեր այս խօսքերը ի հարկէ չեն պատկանիր դպրոցական տղոց, որոնց խորհրդածելու և տրամաբանելու կարողութիւնը ինքնին դեռահաս է՝ եթէ ոչ խակ:

Ամենքէն ընդունուած վարդապետութեան կամ վարկածի մը դէմ հակաճառելը՝ դժբաղդաբար շատ անգամ եսամոլութեան հետեւանք է, ինչ որ մտային անհաւասարակչիւ վիճակի մը գոյութեան ապացոյցը կը կազմէ:

Չմարտուած կամ չընդունուած ճշմարտութեան մը հակափաստելու համար՝ յամառութիւնը յանձնարարելի ձեւ մը չէ երբէ՛ք:

Այս պարզ տեսութենէ վերջ կուզանք մեր դասին:

Մենք մեր դասերէն միոյն մէջ ըսինք թէ՛ քրիստոնէական կրօնը գիտական միջոցներով չի բացատրուիր: Ամէն մարդ ազատ է իր հաւատքը սահմանաւորելու մէջ, և սակայն ոչ ոք ազատ է Աստուածային անիմանալի խորհուրդները պարզաբանել ճգնելու, պիտակաւոր բացատրութիւններ կազմելու և ըստ այնմ հրապարակը աղմկելու:

Տխուր դերակատարներ են անոնք և արգահատելի մտքեր, որոնք իրենք իրենց բանգէտի հովեր տալով իմաստակներու անելին մէջ կ'ընկրուզին ու կը կորսուին:

Ասիկա դաստիարակութեան և քաղաքավարութեան պակասն է որ շատ անգամ կը տեսնուի ընտանեկան կամ ընկերական հաւաքոյթներու մէջ, այնքան անճահ ու անզէպ, որ ունկնդիրները մտազարի մը գիմացը գտնուած ըլլալու զարշանքը կ'ունենան:

Երբ Քրիստոսի եկեղեցին մի և ընդհանրական էր, գտնուեցան ականաւոր մարդիկ որ ուզեցին Քրիստոսի ծնունդին, Անոր Ասուածային եւ մարդկային

բնութեան, Ս. Հոգւոյն Ասուածութեան, մէկ խօսքով Ս. Երոզուրեան վրայ այդ կարգի բացատրութիւններ տալ և ըստ այնմ ալ սորվեցնել ու գրել, որ բուրովին հակոտնեայ էին Ս. Աւետարանի վարդապետութեան, և որոնց տարածումը Քրիստոնեայ մարդկութիւնը մինչեւ անկրօնութեան կրնար տանիլ:

Մեր նպատակէն բուրովին դուրս է հոս կրկնել անոնց վարդապետական բացատրութիւնները և դաւանաբանական տեսութիւններով խճողել մեր դասը:

Եկեղեցական բառով ներեքիկոս (հերձուածող) են անոնք, որ նոր վարդապետութիւն մը կը սորվեցնեն Քրիստոսի վրայով: Անոնց մուրթութիւնը ազանգ և հետեւողները ազանգաւոր կը կոչուին:

Քրիստոնէական եկեղեցւոյ միութեան թուականը մինչեւ 451-ին հասած է: Մինչեւ այդ թուականը պաշտօնական համոզումն ու հաւատքը միեւնոյն սահմանը ունեցած էին: Հաւատքի սահմանաւորումը՝ այսինքն՝ Քրիստոսի մարդեղութեան խորհուրդին բանաձեւումը երեք Տիեզերական Ժողովներով որոշուած և հրատարակուած էր: Այս ժողովներուն առիթ տուող հարցերը մեր վերոգրեալ մատնանշումները եղան:

Որով, ընդհանուր Քրիստոնեայ եկեղեցւոյ հայրապետներ՝ 318 հոգի, նախ Նիկիոյ մէջ 325-ին հաւաքուեցան և նզովեցին Արիոսը: 381-ին Կոստանդնուպոլսոյ մէջ 200 հայրապետներ երկրորդ անգամ ըլլալով ժողով գումարեցին և նզովեցին Մազեդոնը: 431-ին 150 հայրապետներ Եփեսոս հաւաքուեցան և նզովեցին Նեստորը:

Այս երեք անձերն ալ կը պատկանէին Յոյն Օրթոտոքս եկեղեցւոյ և իրենց ունեցած հմտութեամբ և անձնական արժանիքներով բարձրացած էին Պոչոյ Պատրիարքութեան որ ամենաբարձր եկեղեցական աս-

տիճան է Յոյն կղերին համար: Սակայն իրենց աստուածաբանական տեսութիւններն և առ այդ ունեցած յամառութիւններն՝ և մանաւանդ զայն ուսուցանելու մէջ ցոյց տուած փութկոտութիւններն և արտակարգ ջանքերնին՝ առիթ ընծայեցին ամենուստ բողոքներու և դառն գանգատներու, որով եկեղեցական հարք զօրացած Պոլսոյ կայսերաց քաղաքական ուժով, գումարեցին վերոյիշեալ Տիեզերական Ժողովները, նշովեցին Արիոս, Մակեդոն և Նեստորը, զրկելով զանոնք հայրապետական իշխանութենէն, եկեղեցական կարգէն և բանտարկեցին:

Այս ժողովներէն առաջինին՝ այսինքն Նիկիոյ ժողովին ժամանակեցեալ Ս. Գրիգոր Լուսաւորչի կրտսեր որդին Ս. Արիստակէս. իբրեւ փոխանորդ իր հօր, որ տկարութեան և ծերութեան պատճառաւ չէր կրցած երթալ: Ժողովը կազմեց — հանգանակ հաւատոյ — քրիստոնէական հաւատարիքներու հաւաքածոն՝ պատշաճ բացատրութեամբ բանաձեւուած, և յանձնեց հոգ գտնուող բոլոր հայրերուն իբրեւ վերջնական եզր հաւատարեաց, որպէս զի ոչ ոք կարենայ անկէ դուրս ելնել:

Այս է մեր ամենօրեայ եկեղեցւոյ մէջ կարգացած Հաւատամքը, որուն վրայ Ս. Գրիգոր Լուսաւորիչ աւելցուց « Իսկ մեք փառաւորեսցուք » մաղթանքը:

Պոլսոյ և Եփեսոսի ժողովները առաջինին կրկնութիւնները եղան:

Թէեւ Հայեր այս ժողովներուն չի կրցան ներկայ ըլլալ, սակայն առանց առարկութեան ընդունեցին տրուած վճիռները: Հետեւաբար Հայաստանեայց եկեղեցին ընդունած եղաւ միայն Երեք Տիեզերական Ժողովներ:

Ընդհանուր եկեղեցւոց պառակտման պատճառը

եղաւ Քաղկեդոնի (Գատըքէօյ) ժողովը: Անտիօք. Պոլիս և Աղեքսանդրիոյ պատրիարքութիւնները իրար ինկած էին մեծութեան՝ առաջնութեան պատիւը իրենց սեփականացնելու համար:

Աղեքսանդրիոյ նշանաւոր հայրապետներէն Աթանաս և Կիւրեղ նախորդ ժողովներուն մէջ յազթանակներ տարած և իրենց անձին հմայքովը փայլեցուցած էին իրենց աթոռը: Այս բանը դիւր չէր եկած միւս աթոռներուն և ահա սկսաւ խուլ պայքարը:

Փլաբիանոս Պոլսոյ պատրիարքը ժողովով մը նշովեց ու գատապարտեց Եւտիքէս անուն անուանի եօթանասնամեայ վանահայրը՝ որովհետեւ այս մարդը Քրիստոսի մարմնոյն երկնային ծագում կուտար, որով Քրիստոսի մէջ մարդկային բնութիւնը կը ջնջուէր:

Ասոր հակառակ ըլլալով, Աղեքսանդրիոյ Իրոսկոբոս հայրապետը իր կարգին Եփեսոսի մէջ ժողով մը գումարելով կրկին նշովեց Նեստորն ու Փլաբիանոսը:

Հռովմայ հայրապետը Լեւոն առաջին, իր կարգին համոզեց Պոլսոյ Մարկիանոս կայսրը և վերջապէս ժողովը գումարուեցաւ Քաղկեդոնի մէջ 451 - ին, ուր Տումար Լեւոնի անուն գրութեան պարունակութիւնը թէեւ բռնութեամբ ընդունուեցաւ, սակայն Պոլսոյ Պատրիարքութեան ալ՝ մէկալ աթոռներուն վրայ գերադաս աստիճան մը չնորհուեցաւ: Լեւոն պապ՝ բողոքելով մերժեց եղած կարգադրութիւնը և տրուած վճիռը չճանչցաւ:

Այս միջոցին Հայեր կենաց և մահու կռիւը կը մղէին: Վարդանանց պատերազմը արեւելքի մէջ Քրիստոնէութեան բաղդը որոշելու բնոյթն ունէր: Հայեր բոլորովին անտեղեակ Պոլսոյ անցուղարձերէն՝ ամէն գնով դիմադրել փորձեցին Պարսկական և Վասակեան միացեալ զօրութեան՝ և որուն հետեւանօք թէեւ Քրիստ-

տոնէութեան գաղափարը յաղթանակեց, այլ սակայն Հայաստան գարծաւ աւեր աւերակ:

Ժողով գումարողներ իրարու միջև պառակտած սկսան զիրար նզովել, որմէ առաջ եկաւ եկեղեցւոյ երկու գլխաւոր բաժանումները, Կաթողիկոսիւն և Օրթոսոքսուրիւն:

Հետագայ դարերուն, ինչպէս խօսած էինք, Հայեր նախ Յունական և ապա Լատինական եկեղեցիներէն եկեղեցական միութեան առաջարկներ ընդունեցին, սակայն մեր հայրեր նախապատիւ համարեցին իրենց անկախութիւնը պահել, յենլով նախկին երեք տիեզերական ժողովներու որոշման: Սոյն մերժումը թէեւ մեզի համար շատ սուղի նստաւ, սակայն Պոլսոյ կայսրութիւնն ալ կորսնցուց ասիական բարբարոս ազգերու թումբը եղող Հայաստանը: Ինչ որ իր վերջնական կործանումը իր իսկ ձեռքովը պատրաստած եղաւ:

## ԺԷ. Գ Ա Ս

## ՀԱՅԱՍՏԱՆԵԱՅՑ ԵԿԵՂԵՑԻ

## ՀԱՅ ՄԱՐՏԻՐՈՍԱԳՐՈՒԹԻՒՆ

Ամէն ժողովուրդ իր մէջ կը սնուցանէ արմատացած կրօնական հաւատալիքներ, որոնք ընտանեկան սովորութեանց՝ բարքերու և նախապաշարումներու հետ սերտօրէն լծորդուած են:

Անոնք որ՝ նոր ճշմարտութիւն մը կը քարոզեն և կամ նոր լոյս մը կ'ուզեն սփռել գարերու խաւարին մէջ՝ խորասուզուած անհեթեթութեանց վրայ, պարտին չափել ու կշռել իրենց առնելիք քայլին հետեւանքը՝ խուսափելու համար խուժանին կատաղութենէն՝ որ նման պարագաներու մէջ հրաբուզի նման կը բորբոքի, և իր գիւրավառ ու մոլեղնած լաւաններով կարող է վայրկենաբար անսահման աւերներ գործելու: Կրօնի գաղափարը և պաշտամունքի կազմակերպութիւնը որուն վրայ խօսած էինք Բ. դասին մէջ եւ ըսած՝ այնքան հին է որքան մարդկային քաղաքակրթութեան պատմութիւնը: Ուրեմն գիտակից մարդիկ միայն կրնան չափել մեծութիւնը այն հիթ-րային՝ որ կը պառկի բարբարոս եւ թերակիրթ ժողովրդոց մտայնութեան մէջ:

Հրեաներ իբր Աստուածապաշտ՝ իսկ հին Հռովմայեցիներ և Յոյներ որպէս զարգացած ժողովուրդներ՝ անմարսելի գտան Յիսուսի Աւետարանին պարունակութիւնը:

Յիսուսի Աստուածութեան խոբուրդը, սիրոյ եւ եղբայրութեան՝ արանց եւ կանանց հաւասարութեան,

մեղաց թողութեան եւ երկնից արխայութեան պատգամները, մանաւանդ հնոյն փնացումը, մարդկային կեանքադիւն եւ հոգեկան կեանքին վերիվայր ԵՐՂՈՒՄԻ Եւ անոնց կառչուած արողներու, դիրքերու եւ հարսուրթեանց կործանումը՝ սարսափելի հեռապատկեր մը ցցեցին այնքան որոշ գիծերով, որուն դէմ անտարբեր մնալ, չզինուիլ ու չպայքարիլ պարզապէս ապշութիւն մը պիտի ըլլար:

Ուրեմն պայքարը ընդմէջ Քրիստոնէութեան և Մովսիսականութեան՝ ինչպէս նաեւ Քրիստոնէութեան և Կռապաշտութեան՝ խօսքէն անմիջապէս փոխադրուեցաւ գործի և տկարը ենթարկուեցաւ անօրինակ յարձակման:

Ստոյգ է որ նախավկայ Ստեփաննոսէ սկսեալ Քրիստոսի համար բոլոր նահատակուածներ, իրենց համար վիճակուած մարտիրոսական կեանքին վրայ խորապէս գիտակ էին: Եւ հոս է որ անոնց թափած արիւնը իրապէս կ'արժէքաւորի և իրենք կը սրբանան ապրող Քրիստոնէութեան համար:

Անոնք որ իրենց մարտիրոսական կեանքով վկաներն եղան յաւիտենական ճշմարտութեան և սիրոյ — ու Աստուածորդւոյն մարդեղութեամբ եւ յարութեամբ յայննագործուեցաւ — իրենց մաքրամաքուր արիւնով ուղեցին Քրիստոսի եկեղեցին որ հրաշալիօրէն աճեցաւ և ուճացաւ:

Ամէն ճշմարտութիւն փաստով և վկայով կը հաստատուի. Քրիստոսի եկեղեցւոյն, մասնաւորաբար մէր ազգային եկեղեցական պատմութեան այն զարհուրելի էջերը, որոնք ճակատագրական շարայարուժով մը կարծես զիրար լրացնող օղակներ են, հիւսուած և ընդերուզուած եղեռնագրուագներով՝ մին քան զմիւսը քստմեցուցիչ, վկայութիւններն են ճշմարտութեան:

Առանց այս վկայութեանց, ըսել կ'ուզեմ մարտիրոսութեանց Քրիստոնէութիւնը՝ իր սաղմին մէջ արդէն իսկ խեղդուած և ոչնչացած պիտի ըլլար: Այսքան բացատրութիւն մը բաւ համարելով աշխատինք յիշելու Հայ Մարտիրոսագրութեան ամենէն աղեխարշ և նշանաւոր եղելութիւններէն մի քանին:

Մեր աւանդական պատմութեան համաձայն Հայաստանի Ա. Լուսաւորիչ Թագէոս Առաքեալ, Սանդուխտ Կոյս, — Սանատրուկ թագաւորին աղջիկը — և բազմաթիւ հաւատացեալներ՝ 4000-է աւելի, մարտիրոսացան Հայաստանի մէջ՝ Հայոց թագաւորին հրամանով:

Մարտիրոսաց երկրորդ խումբին գլխաւորն է՝ Բարթողիմէոս Առաքեալ որ ժամանակակից է Թագէոսի քարոզութեան: Ս. Առաքեալին հետ նահատակուեցան Սանատրուկի քոյրը՝ իշխանուհի Ոգուհին, Ազգէ Եւ պիսկոպոս և ուրիշներ:

Երրորդ խումբ, Ոսկի քահանայ իր չորս ընկերներով և Սուքիասեանք: Առաջինները Յունահռովմէական դեսպաններ՝ իսկ վերջինները ազգով Ալանք, Սաթենիկ թագուհիին ազգական՝ պալատականներ էին, որոնք Ս. Բարթողիմէոսի քարոզութեամբ քրիստոնէացան Ծաղկէոյ և Սուկաւէտ լեռներուն մէջ երկար տարիներ ճգնելէ վերջ մարտիրոսութեամբ կնքեցին իրենց կեանքը:

Ասոնց ժամանակակից է Արարատեան վկաներ կոչուած 10,000ներ, որոնք Յունահռովմէական բանակ մըն էին: Ասոնք Քրիստոնէութիւնը ընդունելէ վերջ զինաթափ եղան, զիրենք կարգի բերելու համար զրկուած զինուորականներէն հազար հոգի եւս քրիստոնէութիւնը ընդունեցին, որով ամէնը մէկանց նահատակուեցան:

Նահատակութեանց այս շարքը կը փակուի Հռիփսիմեանց կոյսերով: Ասոնք բազմաթիւ կոյսեր էին հալածական, ապաստանած Հայաստանի անմատոյց լեռներուն մէջ: Իրենց ազգութիւնը ճշգրտու համար տրուած բացատրութիւնները հակասական են: Ըստ ոմանց Հռովմէն փախած, ուրիշներ Պոլսոյ կողմերէն և կամ Կեսարիոյ վանքերէն խոյս տուած կը նշանակեն: Ամէն պալազայի տակ Հայեր չէին, և կը կարծուի թէ մէջերնին արքայազուն իշխանուհիներ եւս գտնուած ըլլան:

Գեղանին Հռիփսիմէի համբաւը շուտով տարածուեցաւ ամէնուրեք և հասաւ Հայոց թագաւորին ահանջը:

Տրդատ թագաւորը՝ թէեւ յիսուն տարեկանի մօտ մարդ մը՝ ցանկացաւ Հռիփսիմէին և կնուծեան առաջարկ ըրաւ:

Հոս է որ կ'սկսի պայքարը անասնական տռիփի և սրբամաքուր կուսութեան: Ոչ մէկ միջոց կրցաւ յաղթանակել Հռիփսիմէի կուսութեան ուխտին: Անիկա յայտարարեց թէ ինք Քրիստոսի հարսնացած է, և ուրիշ փեսայ չի ձանձնար:

Գայիանէն որ ղեկավարն էր կուսանաց խումբին, փորձառու և տարիքոտ աղջիկ մը, պահապան հրեշտակի մը պէս չգողրեցաւ Հռիփսիմէն քաջալերելէ:

Տրդատ իր ողորդական խօսքերուն և շացուցիչ խոստմունքներուն ապարդիւն ըլլալը տեսնելէ վերջ, ուզեց բռնութեան դիմել և ահա տկարակազմ Հռիփսիմէն զօրացած Ս. Հոգիով արգիլեց այն պիղծ ձեռքերը որ համարձակած էին իրեն մօտենալ, և բուռն սաստկութեամբ մը ինքզինքը դուրս նետեց պալատէն:

Նոյնհետայն դահիճները պաշարեցին կոյսերուն

ապաստանարանը որ վաղարշապատի այգիներուն մէջ հնձան մըն էր:

Երեսունը երեք կոյսեր իրարու ետեւէ նահատակուեցան, որ մը վերջ Գայիանէն եւս երեք ընկերներով արժանացաւ մարտիրոսական փառքին, որով նահատակաց թիւը երեսունը եօթի բարձրացաւ. մնացեալները փախան:

## ԺԸ. ԳԱՍ

## ՀԱՅԱՍՏԱՆԵԱՅՑ ԵԿԵՂԵՑԻ

## ՀԱՅ ՄԱՐՏԻՐՈՍԱԳՐՈՒԹԻՒՆ

Տղաքս, դուք շատ անգամ լսած էք Վարդանանց Պատերազմի մասին, և նոյնիսկ իբր տրամ ներկայացուցած զայն՝ ձեր դպրոցական հանգէսներուն մէջ:

Դուք շատ լաւ գիտէք թէ՛ Հայ ժողովուրդէն վաթսուն վեց հազար մարզիկներ հաւաքուեցան Աւարայր կոչուած գիւղին դաշտը, Տղմուտ գետին եզերքը:

Սոյն համախմբումը թագաւորական հրամանով մը չէր եղած, այլ հայ եկեղեցական դասուն հրաւերովը՝ որուն գլուխը կը կենար Ղեւոնդ Երեց անունով Հայ Քահանայ մը:

Կամաւորներու այս բանակը, գիշերը մինչեւ լոյս առաւօտ հսկելէ և ապաշխարելէ վերջ, արշալոյսին հաղորդուեցան Քրիստոսի կենարար մարմնոյն և արեան:

Պատերազմը որ տեղի պիտի ունենար Պարսիկ և Հայ գունդերու միջեւ, իբր ոյժ անհամեմատական էր: Նախ Պարսիկները թուով Հայոց կրկնապատիկն էին, երկրորդ անոնք լաւ զինուած, մարզուած և հրամանի ենթակայ կարգապահ զինուորներ էին: Ունէին այրուածի, աշտարակուած փիղեր, որոնք անխոցելի էին: Այսպէս սպառազինուած հսկայ բանակին զիմաց կը գտնուէր կամաւորներու բազմութիւն մը, ձերեր, պատանիներ և նոյնիսկ կիներ ալ:



Աւարայրի նահատակութիւնը

Առտուն կանուխ Հայեր անցան գետը և յարձակեցան Պարսից վրայ: Չմոռնանք ըսելու որ պարսկական բանակին մէջն էր Հայաստանի մարզպան Սիւնեաց տէր Վասակ իշխանը՝ լաւագոյն հայկական զունդով մը: Վարդանի ուխտապահ ընկերներէն մաս մը շատ չանցած անցան թշնամեաց կողմը, հակառակ ագոր պատերազմը շարունակուեցաւ ամենայն կատաղութեամբ:

Հայոց սպարապետը իր ձերմակ նժոյգով փայլակի մը ուժգնութեամբ կը հասնէր հոն ուր տկարացում մը կը նշմարէր: Այլ աւա՛ղ, նենգ թշնամին օգտուեցաւ իր թուական առաւելութենէն, իր նախօրօք կեչրունացուցած ընտրելագոյն աղեղնածիզները նետահար ըրին Հայոց անզուգական սպարապետը: Եւ երբ օրը կը տարածամէր՝ Վարդանն ալ իր հոգին կ'աւանդէր:

Այն օրը՝ Վարդանին հետ միասին ինկան ինը իշխաններ իրենց զինուորներով. ընդամէնը 285 հոգի. իսկ հետեւեալ քանի մը օրերուն մէջ 751 եւս. որով նահատակներու թիւը բարձրացաւ 1036ի: Իսկ պարսկական կորուստը 4000էն աւելի էր:

Հետեւեալ օրն իսկ Պարսիկ զինուորական իշխանութիւնք ձեռնարկեցին զսպողական միջոցներու. ուրով աստ ու անդ ապաստանած հայկական: ոյժեր բռնութեամբ կամ խաբէութեամբ ձերբակալուեցան և ամբողջովին խողխողուեցան: Մի միայն ողջ թողուեցան Ս. Ղեւոնդեանք, և շղթայակապ Տիզբոն տարուեցան: Ասոնց ընկերացաւ Յլ Հայ նախարարներու խումբ մը՝ նոյնպէս շղթայուած: Հոն Յազկերտին հրամանաւ կազմուեցաւ դատաստանական ատեան մը նախագահութեամբ Դենպետ (ամենամեծ կրօնապետ) Միհրնեսրէհի և յետ երկար և մանրակրկիտ հարցաքննութեան յայտնուեցաւ որ՝

Ա. Վասակ մէկ կողմէ Հայ նախարարներուն հետ ուխտած է հաւատարիմ մնալ Քրիստոնէական կրօնին՝ իսկ միւս կողմէ խօսքած է Պարսից թագաւորը՝ ըսելով և գրելով թէ՛ Հայերը պատրաստ են ընդունելու իրենց դեմը :

Բ. Թէ՛ իր այս երկդիմի և խաբէական արարքը պատճառ եղած է պատերազմի և մարդկային անթիւ կորուստներու նոյնիսկ արիւններու բանակէն :

Գ. Թէ՛ Պարսկաստանի լաւագոյն գաւառներէն մին՝ Հայաստանը, աւեր աւերակ դարձած է, որով և անկարող է վճարելու թագաւորական տուրքը :

Այս և այս կարգի յայտնութիւններ բաւական եղան վճռելու Վասակին յանցապարտութիւնը, և ահա անմիջապէս դահիճ տիրացաւ անոր անձին : Սակայն և այնպէս Հայ նախարարներն ու եկեղեցականներն ալ բանտ նետուեցան :

Այս գէպքերէն երկու տարի վերջ՝ պարսկական բանակը ծանր պարտութիւն մը կը կրէր Քուշանաց դէմ եղած պատերազմի միջոցին : Յազկերտ իր երկրին աւերումը և արեաց բանակին պարտութիւնը վերադրեց Աստուածներու հանդէպ եղած յարգանքի թերութեան, ինչ որ սոյն վերագրումը Միհրներսէհի կողմէն բացատրուեցաւ Արքայից Արքային բանտերուն մէջ անաստուածներ պահուած ըլլալուն՝ որոնք մոգերը ջարդած և ատուշանները մարած էին :

Այս ակնարկութիւնը բաւական եղաւ որ Յազկերտ հրամանագրէ բանտ արկեալ եկեղեցականաց մահալճիւ ուր : Հրամանը ընդփոյթ գործադրուեցաւ : Տ. Ս. Սամուէլ քահանայ Ս. Աբրահամ օտրկաւագ և Տ. Ս. Թադիկ եպիսկոպոս իրենց գտնուած բանտերուն մէջ առանձինն առանձինն նահատակուեցան :

Իսկ Նիւշապուհի մէջ բանտարկուած

- Տ. Ս. Ղեւոնդ Երէց (Քահանայ)
- Տ. Տ. Ս. Յովսէփ (Կաթողիկոս)
- Տ. Ս. Սահակ (Եպոս. Ռչտունեաց)
- Ս. Քաջալ (Սարկաւագ)
- Տ. Ս. Մուշեղ (Քահանայ)
- Տ. Ս. Արշէն Երէց (Քահանայ)

Որ է մէկ Կաթողիկոս, մէկ Եպիսկոպոս, երեք Քահանայ և մէկ Սարկաւագ յանձնուեցան դահճապետ Դենշապուհի քահանայքին :

Դահճապետը նախապէս ամէն զգուշութիւն ձեռք առնելէ վերջ հրամայեց կոտորել սուրբերուն ոտքերուն և ձեռքերուն շղթաները՝ որոնք խիստ ծանր էին և ժանգոտած : Երկու ժամ տեւող սոյն գործողութիւնը՝ իրական տանջանք մըն էր :

Վերջապէս հասաւ բաժանման ժամը : Երանելիներ հրաժեշտ առին բանտարկեալ նախարարներէն և սըրտապնդիչ խօսքերով և հրեշտակաձայն օրհնութեամբ օրհնեցին զիրենք, վստահեցնելով թէ ողջամբ պիտի վերադառնան իրենց հայրենիքը եւլն. եւլն. :

Մթնշաղին ճամբայ ելաւ գէպի Ռեւան : Ըստ հրամանի ճամբաները անմարդացած էին, միայն Սուս ժաստանցի մը՝ ճարպիկ և գործի մարդ, փոքրիկ կաբաւանով մը կը ճամբորդէր : Դենշապուհ խօսքի բռնուելով Սուսիկին հետ՝ համոզուեցաւ թէ ան կատարելապէս անգիտակ է՝ անց ու դարձէն : Ճամբու ընթացքին անոնք կը խօսէին մասնաւորաբար կրօնական խնդիրներու շուրջ (Քրիստոնէական և Մազդեզական) : Այդ առթիւ Սուսիկին յայտնած գաղափարները ի նըպաստ Պարսից դեմին՝ արժանի էին զովեստի :

Ուստի դահճապետը առաջարկեց չի բաժնուիլ և իրենց հետ երթալ տեսնելու և վայելելու համար այն

անօրինակ մահացումը որ հետեւեալ օրը պիտի կատարուէր :

Գիշերով Ռեւան հասան . հազիւ քանի մը ժամ հանգիստէ վերջ կրկին շարժեցան , այնպէս որ արեւուն առաջին ճառագայթներուն արդէն հասած էին այնպիսի քարքարուտ վայր մը՝ ուր ոչ արտ կար մշակելի և ոչ արօտ ճարակի , և ոչ ալ ճամբայ անցքի : Իսպառ ամայացած , անմարդաբնակ վայր մըն էր այն տեղը՝ ուր կարաւանք կանգ առաւ :

Իսկոյն դահճապետն ու դահիճներ մերկացնելով իրենց սուրբերը՝ վերջին դատաստան մը եւս կազմեցին :

Նախ առաջարկուեցաւ երանելիներուն ուրանալ Քրիստոնէութիւնը : Ս . Ղեւոնդ Երէց որ ամենքէն առաջ ատեան բերուած էր , պատասխանելով ըսաւ թէ՛ ինք հասարակ քահանայ մըն է , թէեւ տարիքով մեծ է , սակայն Ազգին և Եկեղեցւոյն ընտրեալն ու օծեալը Յովսէփ Կաթողիկոսն է . անկէ վերջ կուգայ Սահակ Եպիսկոպոսը , անոնցմէ վերջն է որ կարգը իրենն է :

Ու սկսաւ երկարօրէն բացատրել թէ՛ իրենց Աստուածները կրակ , մոխիր մարդոց միջոցաւ կը պատրաստուին , թէ անոնք ո եւ է ոյժ չունին : Սահակ Եպիսկոպոս որ քաջ պարսկազէտ մըն էր , մի առ մի թարգմանեց Ս . Ղեւոնդի աստուածաբանական տեսութիւնները : Դատը վերջացաւ . սուրբեր անյողդող մնացին իրենց հաւատքին մէջ , իսկ դահիճներ սկսան գործադրել իրենց տրուած հրամանը :

Նախ սրբոց ձեռքերն ու ոտքերը կապելէ վերջ՝ սկսան սուրի անխնայ հարուածներով կտրել ու անջատել թեւերն ու ոտքերը : Ապա քարքարուտին վրայ քաշլուտեցին անդամահատուածները : Այսպէս իրենց արիւնի ծարաւին յագուրդ տալէ վերջ , ողջ մնացողները գլխատեցին :

Դենչապուհ իր աւարտած չարաշուք գործին պահպանութիւնը յանձնեց իր հետ եղող զինուորներուն՝ հրահանգելով որ չի հեռանան մինչեւ մարմիններուն փտտիլն ու տարրալուծուիլը , որպէս զի Քրիստոնեաներէն ոչ ոք կարենար զանոնք օգտագործել :

Խուժիկը որ մինչեւ վերջ հանդիսատեսը եղած էր այս արիւնոտ եղեռնին , դահճապետին խնդրանքով պահապան զինուորներուն մօտը մնաց :

Գիշերն ու յաջորդ օրը սարսափի և զարհուրանքի օրեր եղան դահիճներուն համար : Կայծակներ , որոտումներ իրարու կը յաջորդէին : Այնքան սաստիկ եւ անօրինակ էր բնութեան արհաւիրքը՝ և այնքան խորունկ էր անոր ազդեցութիւնը դահիճներուն վրայ որ միակ ելքը կը մնար փախուստ տալ անկից :

Խուժիկը արտայայտուելէ վերջ թէ՛ բնութիւնը վրիժառու է , և ինք կը սոսկայ , լքեց զանոնք և հեռացաւ : Քիչ վերջ իրենց կարգին դահիճ զինուորներն ալ շտապով հեռացան այն դժոխային վայրէն : Դենչապուհ կատարուած իրողութեան մը առջեւ գտնուեցաւ , և խստիւ պատուիրեց ոչ ոքի բան մը չզրուցել :

Խուժիկը՝ այսինքն է Խուժաստանցին , որուն անունը անծանօթ է դժբաղդաբար , ջերմեռանդ հաւատացեալ Քրիստոնեայ մըն էր :

Մարտիրոսաց նշխարներուն տիրանալու միակ փափաքով այնքան լաւ ծպտուած , միացաւ դահիճներուն և սառն անտարբերութեամբ մը դիտեց մարտիրոսացման ամբողջ տրամը : Իր բաժանումէն շատ չանցած վերադարձաւ նոյն տեղը՝ իրեն հետ միասին բերելով տասը քրիստոնեաներ :

Եւ անմիջապէս գործի սկսելով , սրբոց մարմինները փոխադրեցին աւելի ապահով վայր մը և հոն միսերը ոսկորներէն զատելով , միսերը պատուով թաղեցին , իսկ ոսկորներն ալ չօրցնելով զետեղեցին ա-

ուանձին տոպրակներու մէջ և վերագարձան Նիւշապուհ :  
 Ղեւոնդեանց նահատակութեան այս միակ վկան՝  
 Խուժիկն է որ կրցաւ մօտենալ բանտարկուած նախա-  
 րարներուն և պատմել երանելիներուն մարտիրոսու-  
 թիւնը իր ամբողջ մանրամասնութեամբ . և նոյն իսկ  
 իբր յիշատակ սրբոց մասունքներէն մէյ մէկ հատ  
 նուիրեց անոնց :

Վարդանանց պատերազմին առթիւ կը տարուինք  
 խորհրդածելու և եզրակացնելու հետեւեալները .

Ա. Հայոց պաշտօնական Քրիստոնէութեան դար-  
 ձին 150 տարի միայն եղած էր :

Բ. Գրեթէ գիւտին 47 տարի :

Գ. Հայաստան կը կառավարուէր Պարսից կողմէ  
 կարգուած մարզպաններով : Այսքան կարճ ժամանա-  
 կամիջոցի մը մէջ, քաղաքական աննպաստ պայման-  
 ներու տակ, Ս. Գրիգոր Լուսաւորիչէն մինչեւ Մեծն  
 Ներսէս և Ս. Սահակ Պարթեւ, Ս. Մեսրոպ Մաշթօցէն  
 մինչեւ Ս. Ղեւոնդեանք. Հայ եկեղեցականութիւնը իր  
 Առաքելաշաւիղ հայրապետներով և Երանաչնորհ վար-  
 դապետներով այնքան անսպառ կորով և ջանք թա-  
 փած Հայոց ժողովրդի հոգւոյն, սրտին ու մտքին, և  
 այնքան մեծ յարգանք և անվիճելի հեղինակութիւն  
 շահած էին որ, Եկեղեցւոյն հրաւէրը բաւական եղաւ  
 Աւարայրի դաշտը համախմբելու Հայ հաւատաւոր զիւ-  
 ցազներու պատկառազու բանակ մը՝ ի խնդիր մար-  
 տիրոսական փառաց պսակին :

Ուրեմն Վարդանանց Պատերազմը ամենափառաւոր  
 վկայութիւնն է թէ՛ Քրիստոնէական հաւատքը իր  
 սկզբնական շրջաններուն իսկ Հայոց ժողովուրդին հա-  
 մար՝ յաւէտ ապրող և զօրեղապէս ներշնչող ոյժ մըն էր :

Այն օրէն ասդին՝ տասն հինգ դարեր շարունակ  
 Հայուն վիճակեցաւ մարտիրոսացում . և ով գիտէ թէ  
 ապագան մեզի ինչեր վերապահած է տակաւին :

ԺԹ. Գ Ա Ս

ՀԱՅԱՍՏԱՆԵԱՅՑ ԵԿԵՂԵՑԻ

ՀԱՅ ՄԱՐՏԻՐՈՍԱԳՐՈՒԹԻՒՆ

Է. զարու սկիզբները՝ Արաբիոյ մէջ Քօրէյշեան  
 Ընտանիքէն Մուհամմէտ . նոր կրօնի մը հիմնադիրը  
 կ'ըլլար : Իսլամ (ուղղափառ) անունով ճանչցուած կրօ-  
 նին հիմնադիրը իր առաջին ընկրկումէն վերջ, հզօր  
 թափով մը խոյացաւ իր ցեղակիցներուն վրայ : Արաբ  
 Պետեւի ցեղեր հեռզհեռէ նուաճուեցան Ալլահին զօ-  
 րութեամբ և կազմակերպուեցան դէպի Սուրբ Պատե-  
 րազմ (Ճիհադ) :

Շատ չանցած հարիւր հազարներու հասնող ընտիր  
 հեծելազօրք մը, ռազմագէտ և մօլիւռանդ հրամանա-  
 տարներու առաջնորդութեամբ՝ երեք ճիւղերով յար-  
 ձակեցան կայծակի արագութեամբ, մահ և աւեր սփռե-  
 լով ամենուրեք ուր նոր կրօնի ընդդիմադիրներ կամ  
 անհաւատներ (քեաֆիր) ինքնապաշտպանութիւն կը  
 փորձէին :

Իսլամական հոսանքէն Ա. մաս մը տիրեց Ափրի-  
 կէի հիւսիս՝ Միջերկրականին եզերքը : Հեռզհեռէ գրա-  
 ւելով Եգիպտոս, Տրիպօլի, Ալճէրի, Մարօք, Թունուզ  
 և Ճիպրալթարէն անցնելով արշաւեց Սպանիան և տի-  
 րեց անոր մեծ մասին :

Երկրորդ զօրախաս մը քալեց Պաղեստինի վրայով  
 դէպի Սուրիա և գրաւելով Դամասկոս քաղաքը՝ մար-  
 գարէի փոխանորդին՝ խալիֆայութեան կեդրոն հռչա-  
 կեց զայն :

Երբորդ զօրամաս մըն ալ ուղղուեցաւ Պաղատաւ և Պասարայի վրայով Հնդկաստան և Պարսկաստան :

Կարելի է ըսել թէ՛ սրարչաւ վազք մը եղաւ սոյն յարձակողականը : Բազմաթիւ երկիրներ և բազմատեսակ ազգեր ու խառնիճաղանճ բազմութիւններ մոգական գաւազանի մը հպումով ենթարկուեցան իսլամական լուծին և լուծուեցան անոք մէջ :

Անչքացաւ Պարսկաստանն ալ : Սասանեան անարկու զօրութիւնը ի պարտադրութիւն իւր գեներն՝ որ երկու դար շարունակ Հայու արիւն էր հոսեցուցած, փետրաթափ հաւու մը նման անձնատուր եղաւ Ալլահին և հիմնայտակ կործանեցաւ Տիգրան մայրաքաղաքը :

Հայաստան նորակազմ Արաբական Ամիրապետութեան գաւառներէն մին դարձաւ : Կառավարիչ Ոստիկանը՝ թէ արաբական զօրաց հրամանատարն էր, և թէ պետական տուրքին գանձողը :

Այս միջոցին Հայաստան կը պահէր ներքին ինքնավարութիւն մը աւատական դրութեամբ : Հայ նախարարներ իրարու հանդէպ ատելութեամբ լեցուած կը դիւրացնէին օտարին գերիշխանութիւնը : Իսկ երկրին անդորրութիւնը կախուած էր Ոստիկանի անձին բարութենէն :

Ոստիկաններու մոլեռանդութիւնը՝ տուրքերու գանձման միջոցին անոնց կողմէ որոյ տրուած ընչաքաղցութիւնը Հայուն ընտանեկան սրբութեան դէմ գործուած անարդանքները, հաւատուրացներու վայելած անսահման ազատութիւնը՝ պատեհութիւններ էին իշխող տարրին, որ իր գաղանային կիրքերուն գոհացում կուտար աւերելով, առեւանգելով ու գերեզմանելով :

Այս էր կացութիւնը՝ երբ միջադէպ մը պատճառ

եղաւ Գողթան գաւառի աւերման, ժողովուրդի սրածման, իսկ մատաղատի տղոց, աղջկանց և գեղանի կանանց դէպի Դամասկոս՝ գերեզմարման : Գերիներու խումբին մէջն էր չորս տարեկան տղեկ մը՝ Վահան, որ իր իշխանական ծագումին, արթնամտութեան եւ առնական վայելչութեան համար Ամիրապետին ուշադրութիւնը գրաւեց եւ ի վերջոյ արժանացաւ անոր շնորհներուն :

Վահան իշխանիկը՝ մէկալ տղոց նման թլիփտեցին և անունը փոխելով կոչեցին Վահապ : Ան վարժուեցաւ արաբական գրականութեան եւ գեռ պատանի արդէն արքունիքին մէջ կարեւոր դիրք մը գրաւած էր : Սակայն հայրենիքին սէրն ու կարօտը որ կը հիւծէր ու կը մաշեցնէր զինքը, վերջապէս խթանեցին զինք խնդրելու Ամիրապետէն՝ ըսելով «երթամ տեսանեմ զօրչափութիւն աւերածոյ երկրին իմոյ հայրենեաց» :

Օմար արտօնեց զինքը : Վահան երբ իր բնաշխարհին մէջ իմացաւ Օմարին մահը, եւ որովհետեւ իր մէջ իսպառ չէր մարած Հայ Քրիստոնէի զգացումը, նախընտրեց Հայաստան մնալ, վերադարձաւ իր նախնեաց հաւատքին և ապա ամուսնանալով վերաշինեց իր հայրենի տունը :

Եւ սակայն Վահանի արարքը աննշմար չանցաւ : Հէշամ Ամիրապետին հրամանով փնտառուքներ սկսան : Յունաց սահմանը անցնելու իր փորձը՝ իր կնոջ ազգականներուն կողմէ արգելքի հանդիպեցաւ : Ամէն կողմ դիմեց որպէսզի պահուի, անյայտանայ, և սակայն ոչ ոք կարողացաւ իրեն գիւրութիւն ընծայել :

Վահան հինգ տարիներ վանքէ վանք, անապատէ անապատ դեգերելէ վերջ համոզուեցաւ թէ փախուստը անկարելի է, և իր մարտիրոսութիւնը ճակատագրաւ

կան, ուստի ծառայի մը ուղեկցութեամբ Դամասկոս հասաւ :

Ոչ ոք պիտի ճանչնար զինք, եթէ իր նախկին ընկերակիցներուն չյայտնէր ինքզինքը . իսկ հակառակ անոնց իրեն տուած խորհուրդներուն՝ խնդրեց որ իմացնեն իր գալը Ամիրապետին :

Ահա գեղանին Վահան՝ Հայ լեռնցիի պատառատուն տարազով, մուրացկանի մը նման խեղճ ու կրակ երեւոյթով, յոգնած ու յուսալքուած, տգեղցած ու կմախքացած՝ Հէշամին ներկայացաւ, խնդրելու որ արտօնէ զինք իր հայրենի հաւատքը պաշտելու : Ի տես Վահանի տխրած վիճակին՝ Ամիրապետն ու իր խորհրդակալները ի գուժ շարժեցան, և սակայն իսլամական օրէնքը չէր թոյլատրեր իսլամի մը Քրիստոնէութեան դարձը : Ուստի սկսան ողոքել Վահանը : Անոր խոստացան իր կորսնցուցած զիրքէն ու պատիւներէն աւելին չնորհել, և սակայն ամէն տեսակ խորհուրդ և թելադրութիւն, խոստում և սպառնալիք անօգուտ մնացին : Եւ երբ սպառեցաւ ամէն միջոց՝ գլխատումը վճռուեցաւ :

Վահանի կատարման թուականն է 737 մարտ 18 Աւագ Երկուշաբթի : Ան նահատակուեցաւ 34 տարեկան առողջ հասակին մէջ որպէս գիտակից քրիստոնեայ և ջերմեռանդ հաւատացեալ : Դամասկոսի Հայեր պատուով թաղեցին անոր մարմինը . իսկ Հայաստանեայց եկեղեցին դասեց զայն իր ազգային սուրբերուն շարքին, սահմանելով անոր յիշատակին տօնակատարութիւն և յատուկ շարական «Ջարմանալի է ինձ», Տէր Վահան, Գողթնեացն իշխեցող՝ մակդիրներով :

\* \* \*

Քաղաքական դաւադրութիւն մը վերջ տուած էր Դամասկոսի իւմեանց հարստութեան՝ իսկ նոր ամիրա-

պետութիւնը հաստատուած էր Պաղատտի մէջ : Սոյն քաղաքը իր նոր տէրերուն օրով հասաւ փառքի եւ մեծութեան գագաթնակէտին : Եղաւ ուսման և գիտութեան կեդրոնը :

Փարթամ մայրաքաղաքը արաբական աշխարհածաւալ տիրապետութեան : Քաղաք մը առասպելական որ աշուղներու սազից եւ հեքեաքից նիւթն է դարձած մինչեւ այսօր :

Սոյն բարգաւաճ վիճակը սակայն Հայոց ճակատագրին փոփոխութիւն մը չբերաւ . Հայեր իրենց տէրերը փոխեցին միայն :

Ամիրապետ Միւթէվէքքը Պիլլահ, Ապուսէյֆ անուն մէկը ոստիկան կարգեց Հայաստանի վրայ : Այս խորամանկ և ընչաքաղց մարդը բուռն փափաքը ունէր արժանաւոր յաջորդը ըլլալու իր նախորդներուն : Այնպէս որ Հայաստան ոտք դրած օրէն իսկ սկսաւ աւերումի և սրածուծեանց : Եւ երբ Տարոնայ իշխանը իրեններով միասին խաբեբայութեամբ բռնեց և ամիրապետին զրկեց, Սասունցի Հայեր, տաքարիւն որոշումով մը՝ գիշերանց յարձակեցան ոստիկանի բնակարանին վրայ . պահակագործը ջարդեցին իսկ ոստիկանը որ եկեղեցիին գմբէթին մէջ պահուրտած էր, աշտէով մը տեղն ու տեղը սպաննեցին :

Սասունցիներու այս արարքը նկատուեցաւ իբր ընդհանուր ապստամբութեան նշան, որով ամիրապետին հրամանով Բաղլա մականուանեալ ծագումով թուրք մը՝ ոստիկան անուանուեցաւ և անթիւ զօրաց գլուխը անցած Հայաստան արշաւեց :

Հայ ողբերգութեան ամենէն սեւ ու արիւնոտ թուականը կազմող այս հինգ տարիներու խժոժութիւնները նկարագրել, անկարելի նկատուած է մեր պատմաբաններէն :

Կրնանք ըսել թէ՛ այս միջոցին Հայաստան դատարկուեցաւ իր ազատագունդ նախարարներէն, անձնեայ և վայելչագէժ երիտասարդներէն, գեղանի աղջիկներէն և տիկիներէն:

Երկիրը աւեր աւերակ դարձաւ, Հայ ժողովուրդին մնացորդը իր բնավայրին մէջ անտուն անտիրական՝ թափառաշրջիկ եղաւ:

Երբ Բուզան՝ իրեն վստահուած պաշտօնը կատարեց բնատուր ձիրքի մը աներեւակայելի յաջողութեամբ, իբրեւ փառապսակը իւր հանձարին՝ ուղեց մաքրել հաշիւը այն ընտրեալ 150 երիտասարդներուն՝ որոնք բանտարկուած էին Դուինի մէջ:

Յատկապէս պատրաստուած էր տանջալայր մը, խաչափայտերով, կախաղաններով, գելարաններով, ցիցերով ու կոճղերով: Ամէն օր բանտէն դուրս կը բերուէին որոշ թուով երիտասարդներ սոյն տանջալայրը՝ ուր փառաւորապէս պատրաստուած գահոյից վրայ բազմած կ'ըլլար Բուզան: Հարցաքննութիւններէն վերջ կ'սկսէին տանջանքները, և իբրեւ փրկութեան միակ պայման կ'առաջարկուէր Իսլամութիւնը:

Վերջին արարուածին եօթը երիտասարդներ միայն մնացած էին. ամենէն գեղանիները և ամենէն քաջերը ընտրեալ 150-նոց խուճբէն:

Իսլամութեան առաջարկին մերժումէն վերջ՝ Աստուծոյ Անձեւացին պրկուած իւր գելարանին վրայէն ձայն կուտար և կ'ըսէր, նոխագներ և գառնուկներ ուխտած էի Ս. Գէորգայ տօնին, իսկ այժմ անոնց տեղ ես կը զոհուիմ:

Նոյն միջոցին գահիճ մը սուր կը ճօճէր Գէորգ Բողկացիի աչքին առջեւ, և կը գծգծէր անոր պարանոցը: Գէորգ մէկէն իմէկ ոտքի ելնելով առաւ սուրը գահիճին ձեռքէն և լաւ մը քննելէ վերջ զայն, զմայ-

լնցաւ անոր գեղեցկութեան վրայ, և յանդիմանելէ վերջ գահիճին վատութիւնը որ չէր կրցած այնքան գեղեցիկ սուրով մը գլխատել զինք, մէկ հարուածով մը թացուց անոր գլուխը, և իր կարգին երկարեց իր գլուխը որ երկրորդ մըն ալ զինք գլխատէ:

Իրենց կոտորման թուականն է 853 Նոյ. 17: Նահատակութեանց թուոյն մէջ յիշատակութեան արժանի է Պաղտատի բանտերուն մէջ գտնուող գերիններէն Սմբատ Սպարապետը Հայոց, որ Սմբատ Խոսովանոյ անունով ճանչցուած է մեր պատմիչներու կողմէն: Ինչպէս նաև Տ. Յովհաննէս Արծրունեաց Եպիսկոպոս, Գրիգոր Արծրունի Քահանան, Տէր Գրիգոր պատուանունով ծանօթ:

Թէեւ եղան տկարացողներ և Իսլամութեան յարողներ՝ սակայն շատ շատեր բանտերու խոնաւ նըկուղներուն մէջ, անտանելի չարչարանքներով, իսկ ուրիշներ հրապարակային խոտովանութեամբ կնքեցին իրենց կեանքը:

Ասոնց կարգին գտնուեցան Հայ մեծատուն տիւկիներն ու բամբիշներ որոնք սիրայօժար ընդունեցին մարտիրոսական պսակը:

Սոյն զէպքերը վերջինը չեղան մեր մարտիրոս կեանքին. անոնք շարունակուեցան Արաբացիներէն վերջ Մոնղոլներու ձեռամբ, և յանուն քրիստոնէական գաղափարի տարբերութեան՝ Յոյներու և Լատիններու ձեռամբ ալ:

Ըսենք միայն թէ՛ Հայ ժողովուրդը իր Քրիստոնէական կրօնին ընդունելութենէն ի վեր յաւիտենական զոհ մը եղաւ իր սուրբ հաւատքին համար: Հայը արհամարհեց այն բոլորը որ իր հաւատքին կ'սպառնային և ըստ Պօղոսի իբր կենդանի օրինակ կրցաւ

ըսել աշխարհին, «ուրեմն ո՞վ պիտի զատէ մեզ Քրիստոսի սէրէն՝ տառապանքը, կամ նեղութիւնը, կամ հալածանքը, կամ սո՞վը, կամ մերկութիւնը, կամ վտանգը, կամ սո՞ւրը, (ինչպէս որ գրուած է) ամէն օր քեզի համար կը սպաննուինք, մորթուելու ոչխարի պէս կը սեպուելինք: Հռովմ. Ը. Գլ. 35 Համար:

## Ի. Գ Ա Ս

## ՀԱՅԱՍՏԱՆԵԱՅՑ ԵԿԵՂԵՑԻ

## ՆՈՒԻՐԱՊԵՏՈՒԹԻՒՆ ԵՒ ԱՆԿԱՆՈՒԹԻՒՆ

Մեր դասերէն միոյն մէջ անյողակի խօսած էինք մեր եկեղեցւոյ անկախութեան մասին: Աւելորդ չենք նկատեր անգամ մը եւս կրկնել թէ՛ երբ Հայը իր քաղաքական անկախութիւնը կորսնցուց, սակայն կրօնական անկախութիւնը պահեց ու պաշտպանեց ի գին մեծամեծ զոհողութիւններու՝ նոյնիսկ մեր ազգովին բնաջնջումով: Որոշ է թէ՛ Հայը, հեռու իր ծննդավայրէն անհնար է որ լեցնէ 1914-19 կոտորածի և տարագրութեանց միլիոն մը կորուստը իր գաղթավայրերուն մէջ: Արտասահմանի Հայութեան համար ծուլումը ուշ կամ կանուխ ճակատագրական է: Եթէ մանաւանդ շարունակուի ներկայի միջկուսակցական ազգակործան ընթացքը: Այսուհանդերձ չի յուսահատինք և դառնանք մեր դասին:

Երբ ըսենք թէ՛ անկախ է մեր եկեղեցին, ըսել կ'ուզենք թէ՛ մեր եկեղեցիէն ներս՝ մեր պաշտամունքին, մեր կրօնական կազմակերպութեան՝ մեր ազգաւանդական սովորութեանց, ոչ մէկ օտարական կրնայ խառնուիլ: Ոչ ոք կրնայ ըսել թէ՛ Հայը նախապէս այսինչ կամ այնինչ եկեղեցւոյ թեւարկութեան ենթարկուած և ապա ապստամբած և բաժնուած է անկէ:

Ուրեմն Հայաստանեայց եկեղեցին կը կառավարուի ինքն իրմով: Եկեղեցականներ և վարչական խորհուրդներ, (Թեմական, Քաղաքական, Թաղական և ըն. .)

կ'ընտրուին ժողովուրդէն և որոշ պայմաններով կը կառավարեն իրենց վստահուած ազգային գործերը : Սահմանազրական ազգ ենք : Սահմանազրութիւն աւնունով 1863-ին պատրաստուած և Օսմանեան կառավարութենէն վաւերացուած օրինագիրք մը ունինք , որմէ կ'առաջնորդուին մեր ժողովները :

Եկեղեցիէն ներս Հայ եկեղեցականը ունի Տօնացոյց , Մաշտոց , Ծիսարան , Շարական , Ժամագիրք եւլ . եւլն . եկեղեցական գիրքեր որոնց պատրաստութեան մասին պիտի խօսինք մեր յաջորդ դասերուն մէջ :

Այս անկախ կազմակերպութեան (նուիրապետութեան և կամ կրօնական իշխանութեան) պետն է Ամենայն Հայոց Հայրապետը՝ որ ընդհանուր ազգին ընտրեալն ու օծեալն է , և Գահակալը Մայր Աթոռոյ Սրբոյ Էջմիածնի : Կաթողիկոսական իշխանութիւնը կրօնա-բարոյական է : Քաղաքական ոչ մէկ ոյժ կը ներկայացնէ , ինչպէս է Հռովմի թագաւոր Պապը : Ան հոգեւոր հայրն է իր բանաւոր հօտին , Հայոց ժողովուրդին : Իրեն հրամանին ենթակայ թեմակալ առաջնորդներով և կամ անոնց փոխանորդներով կը հսկէ՝ եկեղեցւոյ — ժողով կենդանի հաւատացելոց — ուղղափառ հաւատքին , ժամերգութեանց , կրօնական ծէս և արարողութեանց անթերի կատարումին՝ ըստ օրինի Հայաստանեայց եկեղեցւոյն : Կը խրատէ՝ կը յանդիմանէ ու կը պատժէ օրէնքին անսաստող եկեղեցականները : Կը պատուէ ու կը վարձատրէ աչքառու գործունէութիւն ցոյց տուող և ժողովականաց վկայութեամբ արժանաւորութիւննին հաստատող եկեղեցականները : Օրհնութեան գիր , լանջախաչ , աւագութիւն , արքունութիւն և կամ մասնաւոր արօժուածութիւններ կը շնորհէ անոնց : Կը գործէ եպիսկոպոսներէ

բաղկացեալ Գերագոյն Խորհուրդ (Սիւնհոդ) անուն ժողովով մը : Ունի իրեն գրասենեակը՝ զոր կը վարէ Դրան Եպիսկոպոսը :

Կաթողիկոսը միայն կրնայ ձեռնադրել և օծել Եպիսկոպոսը և օրհնել Ս . Միւռօնը : Էր երբեքն Կաթողիկոսները կ'օրհնէին ու կ'օծէին Հայոց թագաւորները :

Կաթողիկոսի պաշտօնը թէեւ ցկեանս է՝ սակայն իշխանութիւնը անսահման չէ : Հայ ժողովուրդն ու կղերը՝ երբ կը տեսնեն իրենց հայրապետին հակուղղափառ ընթացքը՝ միահամուռ ժողովով մը կը գահազրկեն զայն : Թէեւ այս կարգի գէպքեր հազիւ թէ կը յիշուին :

Մեր ազգային պատմութիւնը միեւնոյն թուականներուն մէկէ աւելի կաթողիկոսներ արձանագրած է : Հակաթու կաթողիկոսներ են ասոնք , որոնք ապաւինած այս կամ այն իշխանին՝ անսաստած են ընդհանուր հայրապետին :

Այս կարգի կաթողիկոսներուն իշխանութիւնը համազգային չէ եղած , ասոնք սահմանափակուած են իրենց թեմին կամ վիճակին գործերով :

Ասոնց կարգին բացառութիւն կը կազմէ Կիլիկիոյ Հայրապետութիւնը : Երբ ազգը՝ 300է աւելի ժողովականներով թափառական կաթողիկոսութեան մը վերջ տայ ուղեց 1441-ին , հրաւէր ուղղեց իր ընդհանուր հայրապետին՝ Ստոյ Տ . Գրիգոր Մուսաբէգեան Կաթողիկոսին՝ որ իր ծերութեան և այլ պատճառներով չուղեց լքել իր աթոռը :

Ընտրութիւնը կայացաւ Տ . Կիրակոս Վիրապեցիին վրայ , սակայն ազգը համօրէն համակերպեցաւ Աղթամարայ և Ստոյ Կաթողիկոսութեանց եւս շարունակուելուն :

1921-ին երբ Ֆրանսացիք Կիլիկիան պարպեցին, Սոսյ Աթոռն ալ Կիլիկեցի ժողովրդեան հետ Սուրիա ապաստանեցաւ: Եւ 1929-ին էր որ աթոռը վերջնականապէս հաստատուեցաւ Պէյրութի արուարձաններէն Անթիլիաս կոչուած գիւղը:

Ընդհանրական հայրապետութենէն վերջ նուիրապետական կարգով առաջին տեղը կը գրաւէ Երուսաղէմի Պատրիարքութիւնը: Երուսաղէմի Պատրիարքը պեան է Ս. Յակոբեանց Միաբանութեան՝ հարիւրէ աւելի եկեղեցական հայրերու և աշխարհական ուխտեալ միաբան եղբայրներու:

Ան պահապանն է ազգապատկան Ս. Տեղեաց, որոնք դարերէ ի վեր մեր ազգին սեփականութիւնն են և պահուած Երուսաղէմի Միաբանութեան աշաղուրջ հսկողութեամբ և անգին զսնողութեամբ:

Երուսաղէմի Հայ Պատրիարքութիւնը բարոյական բարձր հեղինակութիւն ունեցող հաստատութիւն մըն է ընդհանուր քրիստոնեայ ազգերու պատրիարքութեանց շարքին մէջ:

Դարերէ ի վեր ժողովուրդին հոգեւոր ներշնչման աղբիւրը հանդիսացող այս պանծալի հաստատութիւնը, մասնաւորաբար իր ճոխ թանգարանով լուռ վկան է մեր ցեղին ջերմեռանդութեան՝ կամքի տոկունութեան, մեր անցեալ փառքերուն՝ մտքի և գեղարուեստի ընդունակութեան: Մէկ խօսքով մեր ազգային արժէքներու համացուցադրութիւնն է:

Երուսաղէմի առաջին Հայ Պատրիարքը եղած է Տ. Աբրահամ, 628-ին:

Պոլսոյ Պատրիարքութիւնը՝ որ 1914-էն առաջ Հայ ժողովրդեան ստուար մեծամասնութեան վարչական՝ և Պոլսոյ ու շրջակայից հոգեւոր և վարչական գործերուն կեդրոնն էր, Թրքահայութեան բնաջնջմամբ և մնա-

ցորդին ալ արտասահման վտարումով ներկայիս դժբաղդաբար անչքացած վիճակ մը ունի:

Քլմալական կառավարութիւնը՝ իր աշխարհիկ օրէնքով, Պատրիարքը իբր Աւագ-Քահանայ կամ Պոլսոյ Հայ եկեղեցականութեան մեծը կը ճանչնայ:

Պոլսոյ Պատրիարքութիւնը հաստատուած է Փաթիհ Սուլթան Բ.ի կողմէ 1461-ին: Առաջին պատրիարքն է եղած Պրուսացի Տ. Յովակիմ Եպիսկոպոսը, որ նախապէս ծանօթ էր Փաթիհին՝ որպէս իր նախորդ մայրաքաղաքին Պրուսայի Հայոց առաջնորդը:

Հայ ժողովուրդը ամենուրեք ունի իր առաջնորդները՝ որոնք ընտրուած են Թեմական կամ Գաւառական ժողովներու կողմէն, և վաւերացուած կամ ճանչցուած տեղական իշխանութիւններէն:

Առաջնորդը ներկայացուցիչն է Հայոց Հայրապետին. պետն ու վարիչն է իր թեմի եկեղեցիներուն՝ կրթական և բարեգործական հաստատութիւններուն՝ որոնք կը կառավարուին իր նախագահութեան տակ կազմուած ժողովներով:

Առաջնորդ կրնան ընտրուիլ բոլոր Եպիսկոպոսները՝ ինչպէս նաև ծայրագոյն վարդապետները:

Հայ եկեղեցականութիւնը երկուքի կը բաժնուի. ամուսնացեալ և ամուրի:

Ամուսնացեալ են քահանայ հայրերը. կ'ընտրուին ժողովուրդէն, կը ձեռնադրուին ու կ'օծուին Թեմին Առաջնորդէն, կը բնակին և կը գործեն ժողովուրդին մէջ:

Կ'պարուին ընդհանրապէս ժողովրդեան կամաւոր նուէրներով,

Իրենց պարտականութիւնն է եկեղեցիէն ներս խորհուրդներ և ծէսեր կատարել: Տուներ այցելել, մխիթարել սգաւորները, աղօթել հիւանդաց վրայ,

խոստովանցնել և հայրական յորդորներով ուղղութեան բերել իրարմէ խոսովածները :

Քահանայ հայրեր՝ ի պահանջել հարկին կը վարեն Առաջն. Տեղապահի և Փոխանորդի պաշտօններ :

Կարողութիւն և արժանիք ունեցողներ կը կոչուին Աւագ-Քահանայութեան : Ի բացակայութեան Առաջնորդին և կամ անոր արտօնութեամբ կը քարոզեն եկեղեցւոյ մէջ :

Ամուրի կամ կուսակրօն եկեղեցականներ կը պատարաստուին դպրեվանքերու մէջ . կ'ուխտեն մինչև իրենց կեանքին վերջը մնալ ամուրի և կոյս . և հետըհետէ կ'ստանան եկեղեցական բոլոր աստիճանները : Կը վարեն ազգային վարչական գործերը : Հեռու ընտանեկան հոգերէ լաւագոյն պատենութիւնը ունին պատրաստուելու վարչական, քարոզչական և ստաւորական ասպարէզներու : Շուտով կրնան տեղափոխուիլ տեղէ տեղ և անպաշտօն վիճակի մէջ կը քաշուին վանքերէն ներս, և կը նուիրուին ուսման ու գրականութեան :

Կուսակրօնութիւնը մեր մէջ մուտ գտած է կաթոլիկ եկեղեցւոյ ազդեցութեամբ, ինչ որ անհամապատասխան է ներկայ պայմաններու, և փափաքելի է որ ընդհանուր եկեղեցական համագումարը վերջ տար այս գրութեան՝ մի անգամ ընդմիջտ ջնջելով գասակարգի խտրութիւնը, վերադառնար հին Լուսաւորիչեան շրջանին :

Ի Ա. Գ Ա Ս

Հ Ա Յ Ա Ս Տ Ա Ն Ե Ա Յ Ց Ե Կ Ե Ղ Ե Ց Ի

Վ Ա Մ Ա Կ Ա Ր Գ Ո Ւ Թ Ի Ւ Կ Ե Բ Ե Լ Ե Կ Ե Ղ Ե Ց Ա Կ Ա Ն  
Ն Շ Ա Ն Ա Ւ Ո Ր Գ Է Մ Բ Ե Ր

Հայ ժողովուրդը իր եկեղեցական կազմակերպութեան առաջին օրէն ունեցած է ազօթքի երկու որոշ ժամեր առաւօտեան եւ երեկոյեան, և միօրինակութիւն : Մեծ Պահօց օրերուն յատուկ յաւելեալ ժամերգութիւններ ալ կարգադրուած են :

Ամէն մէկ ժամերգութիւն կ'սկսի Տէրունական աղօթքով, այսինքն է՝ Հայր Մերով :

- Առաւօտեան ժամերն են
- Ա. Գիշերային կարգ կամ հսկումն
- Բ. Առաւօտեան
- Գ. Արեւագալ
- Դ. Ճաշու

Կիրակի և տօնական օրերուն Ս. Պատարագ կը մատուցուի Ճաշու ժամէն վերջ : Ս. Պատարագի սկզբը նաւորութեան միջոցին կարգացուած Գիրքն ու Աւետարանը Ճաշու ժամերգութեան մասը կը կազմեն :

- Երեկոյեան ժամերն են
- Ա. Երեկոյեան
- Բ. Խաղաղական
- Գ. Հանգստեան

Միօրինակութիւն. — Մեր եկեղեցականութիւնը ուր որ ալ ըլլայ պարտաւոր է հետեւելու Տօնացոյցի ցուցմունքներուն՝ կարգալու և երգելու համար օրուան

յատուկ աղօթքներն ու շարականները : Ոչ մէկ եկեղեցական՝ ինչ ալ ըլլայ իր աստիճանն ու գիրքը, իրաւասու չէ աւելի կամ պակաս բաներ ընելու և կամ փոփոխելու ընթացումներն ու ասացումները :

Ըստ Տօնացոյցի՝ տարուան բոլոր օրերը կը բաժնուին երեք կարգի :

Ա. Տէրունի

Բ. Սրբոց

Գ. Պահոց

Ա. — Տէրունի օրեր են՝ Տիրոջը, Յիսուս Քրիստոսի անձին և պարագաներուն, (Մարգեղութեան և Փրկագործութեան) հետ կապ կամ առնչութիւն ունեցող օրեր :

Որով Տէրունի են

1. — Ծնունդ և Աստուածայայտնութիւն
2. — Անուանակոչութիւն
3. — Քառասնօրեայ Գալուստ
4. — Ծաղկազարդ
5. — Վերջին Ընթրիք և կամ Հաղորդ. Խորհուրդ
6. — Մատնութիւն
7. — Խաչելութիւն
8. — Թաղում
9. — Յարութիւն
10. — Համբարձում
11. — Հոգեգալուստ
12. — Պայծառակերպութիւն
13. — Երեւման Խաչ
14. — Խաչվերաց
15. — Վարագայ Խաչ
16. — Գիւտ Խաչ
17. — Եկեղեցւոյ՝ և
18. — Աստուածածնայ Տօներ :

Բոլոր կիրակիները Յարութեան օրեր են :

Բ. — Սրբոց օրեր են

1. — Յովհաննու Մկրտչի
2. — Յովակիմայ և Աննայի (Աստուածամօր ծնոց.)
3. — Մարգարէից
4. — Առաքելոց
5. — Հայրապետաց
6. — Թարգմանիչ Վարդապետաց
7. — Ճգնաւոր միանձանց, կուսանաց
8. — Մարտիրոսաց. նահատակաց յիշատակներուն

նուիրուած օրեր :

Գ. — Պահոց օրեր են

1. — Շաբաթամիջի չորեքշաբթի և ուրբաթ օրերը, առաջինը նուիրուած Ս. Աստուածածնայ յիշատակին իսկ երկրորդը Ս. Խաչին :
2. — Շաբաթապահքեր :
3. — Մեծ Պահք :

Օրերու սոյն բաժանումները մէկ անգամով չէ եղած : Դարերու ընթացքին կամ ժողովներով և կամ հետեւողութեամբ Յունաց և Լատինաց սահմանուած են :

Ս. ԳՐԻԳՈՐ ԼՈՒՍԱՒՈՐԻՉ

Մեր եկեղեցական կազմակերպութեան առաջին գրոշմը տուողը եղած է Ս. Գրիգոր Լուսաւորիչ :

Ինքն է որ ձեռնադրած է 400-է աւելի եպիսկոպոսներ և բազմութիւն քահանայից, որոնք առաջնորդական և հովուական պաշտօններով երկու հարիւր թեմերու հոգեւոր գործին նուիրուեցան :

Էջմիածնի Մայր Տաճարը հայ ճարտարապետութեան հիմը կը նկատուի :

Սրբոց յիշատակին պանծացումը, Հռիփսիմեանց կուսանաց և այլ սրբոց նշխարներու իբրև նուիրական մասունք պահուիլը՝ Պահոց օրերուն մէկ մասին դա-

սաւորումը, եկեղեցականաց ապրուստին հոգածութիւնը, եկեղեցական կարգ ու սարք եւլն., Ս. Գրիգորի անվիճելի հեղինակութեան արգասիքն են: Ան իր այսքան ձեռնարկներու և կարգադրութեանց մէջ կոյր հետեւող մը չէ եղած Յունականին, այլ ամէն ինչ ըստ կարելոյն հայացուցած է:

ՄԵԾՆ ՆԵՐՍԷՍ

Մեծն Ներսէս Ս. Գրիգորի թոռան թոռն է: Ծնաւ 329-ին: Իր ուսումը ստացաւ Կեսարիոյ մէջ իր կնոջ հետ միասին: Դասընկեր ունենալով Բարսեղ Կեսարացիի պէս ականաւոր դէմքեր:

Նախ զինուորական ասպարէզը ընդգրկեց, սակայն ազգին միահամուռ փափաքին և որոշումին առջեւ ընկրկեցաւ և ընդունեց եկեղեցականութիւնը:

Օծման համար մեծաշուք հանդիսաւորութեամբ Կեսարիա տարուեցաւ: Վերադարձին ժողով գումարեց Աշտիշատի մէջ և զբաղեցաւ բարեկարգական հարցերով:

Շինեց ուրկանոցներ, հիւանդանոցներ, վանքեր, դպրոցներ և ամէնն ալ ապահովեց հաստատուն եկամուտներով: Սոյն մեծագործութեանց համար իրաւամբ կոչուեցաւ Մեծն Ներսէս:

Մասնաւոր կանոններով արգիլեց մօտաւոր ամուսնութիւնները: Վերջ տուաւ մեռելներու թաղման առթիւ հեթանոսական եպիբելի սովորութեանց, լալահառաչ կոծումներու, եւլն.:

Կանոններ և օրէնքներ սահմանեց կրօնաբարոյական հիմնարկութեանց համար:

Բարեգործական այս հսկայ ձեռնարկները՝ որոնք ուղղակի կապ ունեցան սրտերու հետ, իրեն տուին Լուսաւորիչ Սրից մակդիրը:

ԻՔ. ԳՍՍ

ՀԱՅԱՍՏԱՆԵԱՅՑ ԵԿԵՂԵՑԻ

ՈՍԿԵԳԱՐ

ՃԱՄԱԿԱՐԳՈՒԹԻՒՆՔ ԵՒ ԵԿԵՂԵՑԱԿԱՆ ՆՇԱՆԱՒՈՐ ԳԷՄԲԵՐ

Ս. ՍԱՀԱԿ

Մեծն Ներսէսի որդին էր Ս. Սահակը. և վերջին արու շառաւիղը Պարթեւազն Ս. Գրիգոր Լուսաւորչի սերունդին: Ս. Սահակ ծնաւ 348 սեպտ. 29-ին Կեսարիա, երբ տակաւին իր ծնողքը ուսանող էին հոն: Իր ուսումը ստացաւ իր ծննդավայրին և Պոլսոյ մէջ: Իբրեւ յունագէտ իր ժամանակակիցներուն մէջ նշանաւոր էր. այնպէս որ իրեն նման հազիւ կը գտնուէր Յունաց մէջ:

Բնականէն ուշիմ և աշխատասէր այս պատանին յաջողապէս սորվեցաւ Ասորերէնն ու Պարսկերէնն ալ:

Իր հօր նման՝ կանուխէն այրիացաւ. իր մէկ հատիկ աղջիկ զաւակը Մամիկոնեան Համազասպին հարսնացնելէ վերջ՝ ընդգրկեց կրօնական ասպարէզը, եւ վաթսուն հոգիէ բաղկացեալ աշակերտութիւն մը հաւաքելով սկսաւ Քրիստոնէական ուսուցման:

Ազգին միահամուռ փափաքին վրայ կաթողիկոս ընտրուեցաւ 387-ին: Նկատելի է որ Ս. Սահակ Հայրապետ իր նախորդներուն պէս Կեսարիա չգնաց ձեռնադրութեան համար: Մեռաւ խոր ձերութեան մէջ 51 տարի կաթողիկոսութիւն ընելէ յետոյ:

Իր կեանքին մեծ մասը կապուած է Ս. Մեսրոպին՝ որուն հետ եղաւ հաւատոյ ամուլ:

Ս. Գրիգոր՝ լուսաւորիչ հոգւոց, Մեծն Ներսէս՝ լուսաւորիչ սրտից, և ինքը Ս. Սահակ Պարթեւն ալ իր նախնեաց կարգին եղաւ լուսաւորիչ մտաց:

Ս. ՄԵՍՐՈՊ

Ս. Մեսրոպ (Մաշտոց կամ Մաշթոց) ծնաւ Տարոնայ Հացիկ գիւղին մէջ 353-ին. հայրը Վարդան՝ Մամիկոնեան տոհմէն պատուական մարզ մը որ քաջալերեց իր զաւկին բնածին ընդունակութիւնը դէպի բարձրագոյն ուսումներ: Մեսրոպ աշակերտեցաւ Մեծն Ներսէսի: Յաջողապէս տիրացաւ Պարսկերէնի, մանաւանդ Ասորերէնի և եղաւ Արքունի դպիր: Ծառայեց Խոսրով և Վռամշապուհ թագաւորներու: Իր գործին մէջ իբրեւ վարժ և եփուն պաշտօնեայ, երկու թագաւորներու ալ համակրութիւնը վայելեց և իրապէս գնահատուեցաւ:

41 տարեկանին վարդապետ ձեռնադրուեցաւ և անմիջապէս 40 աշակերտներու խումբով մը սկսաւ Ս. Աւետարանի քարոզութեան: Իր աշակերտները՝ վերծանող և թարգմանիչ, իսկ ինքը ուսուցիչ և քարոզիչ մասնաւորաբար աշխատեցան Գողթն գաւառի մէջ որ տակաւին կը տիրէր հեթանոսական կրօնը:

Ան իր սոյն պաշտօնին մէջ տեսաւ Հայ գրական լեզուի չգոյութեան դժուարութիւնը:

Հայոց Գրի Գիւտին հեղինակը՝ Սահակ Պարթեւ Հայրապետին հետ հոգեկան և մտաւորական այնպիսի միութիւն մը կազմեց՝ որ անկարելի է զայն չվերագրել Նախախնամական Տնօրինութեան: Որովհետեւ եթէ այս զոյգը Հայոց ծոցէն ծնունդ առած չլինէր,

թերեւս Հայ անունն իսկ պատմութեանց մէջ արձանագրուած չպիտի ըլլար:

Սահակ և Մեսրոպ իրենց հարիւր հոգիէ բաղկացեալ աշակերտութեան հետ կատարելապէս տիրանալէ վերջ Հայ ոսկեղնիկ լեզուին, կազմեցին ժամագիրք, Պատարագամատոյցը և Մաշտոց անունով ծանօթ ծիսաւ կատարութեանց գիրքերը:

Առանձնաբար Ապաշխարութեան շարականները Ս. Մեսրոպին, իսկ Աւագ Ծաբաթու Տօնակարգը Ս. Սահակին կ'ընծայուին:

Իրենց ամենամեծ գործը՝ որով անմահացաւ այս զոյգը՝ Աստուածաշունչին թարգմանութիւնն է:

Մեսրոպ առանձինն թարգմանած էր Ա. Թագաւորացն ու Առակացը իբր փորձ Ասորերէնի վրայէն: Իսկ Աստուածաշունչը ամբողջութեամբ Ս. Սահակին հետ թարգմանեցին Յունարէնի վրայէն:

Մաքսիմիանոս Պոլսո՝ Յոյն Պատրիարքը Եփեսոսի ժողովին կանոններուն հետ մաքուր գրուած օրինակ մը Աստուածաշունչ զրկած էր: Երկու ծերունիներ իրենց ութսուն տարիքէն վերջ անգամ մըն ալ բաղդատելով աչքէ անցուցին իրենց նախորդ թարգմանութիւնը:

Պէտք է որոշապէս ըսել թէ՛ այս թարգմանութեանց բոլորին ալ մասնակցեցան բարգմանիչ աշակերտներ:

Բաց աստի անոնք թարգմանեցին օտար՝ մանաւանդ Յոյն Մատենագրութեան գլուխ գործոցները:

Սահակ և Մեսրոպ իրենց ձեռնաստուններով Հայաստանի ամէն կողմերը վարժարաններ հիմնեցին: Ծողովմքի մէջ էր Կեդրոնական Վարժարանը, ուղղակի Մեսրոպի հսկողութեան տակ:

Ս. Մեսրոպ գործ ունեցաւ Բորիորիսոն կամ Մը-  
ծըղնեայ կոչուած գարշելի աղանդաւորներու հետ, ու-  
րոնք վերջ ի վերջոյ իր հուժկու քարոզութեանց առ-  
ջեւ խոնարհեցան և ցրուեցան:

Ս. Մեսրոպի գործունէութիւնը չպարփակուեցաւ  
միայն Հայոց մէջ: Ան Հայաստանի դրացի՝ Վրաց և  
Աղուանից երկիրներն ալ երթալով անոնց համար ալ  
գրել: հնարեց և Առաքելական պաշտօնով լուսաւորեց  
երկու ազգերն ալ:

Իր կեանքի վերջի օրերուն վարեց կաթողիկոսա-  
կան Տեղապահութիւնը հազիւ վեց ամիս: Մեռաւ 85  
տարեկանին:

Ի Գ. Գ Ա Ս

## ՀԱՅԱՍՏԱՆԵԱՅՑ ԵԿԵՂԵՑԻ

Վ. ՄԱՆԱՍԻՐԳՈՒԹԻՒՆ ԵՒ ԵԿԵՂԵՑԱԿԱՆ  
ՆՇԱՆԱՌՈՐ ԴԷՄՔԵՐ

Ս. ՂԵՒՈՆԴ ԵՐԷՑ ՎԱՆԱՆԴԵՑԻ

380 — 452

Հայ եկեղեցականութեան ամենէն փառաւոր դէմ-  
քերէն մին է Ս. Ղեւոնդ Երէցը: Սահակ-Մեսրոպեան  
աշակերտութեան ամենէն երիցագոյնը: Ժամանակի  
գիտութեանց քաջահմուտ, հետտրական կարողու-  
թեամբ օժտուած, և հոգեկան բարձր արժանիքներով  
բոլոր Հայ ժողովրդէն ճանչցուած՝ սիրուած անձնա-  
ւորութիւն մը:

Վարդանանց պատերազմի հոգին էր. հայրապե-  
տանոցի մէջ անվրճելի հեղինակութիւն կը վայելէր:

Հակառակ անոր որ ան քահանայ մըն էր միայն՝  
իւր ընկերներէն մին կաթողիկոս և երկուքը եպիսկո-  
պոսներ էին, և սակայն Հայ ժողովուրդը ճանչցաւ  
զայն իբր խումբին պարագլուխը և իր անունով կո-  
չեց — Ղեւոնդեան Քահանայք — Վարդանանց պատե-  
րազմի նահատակ եկեղեցականները:

Հայ ազգին Քրիստոնէութեան՝ անջնջելիօրէն կապ-  
ուած անուն մըն է Ս. Ղեւոնդ Երէցին անունը:

Ս. ՅՈՎՍԷՓ ՀՈՂՈՅՄԵՑԻ

437 — 452

Ս. Յովսէփի կաթողիկոսութեան տասնհինգ տար-  
ւոյ ժամանակամիջոցը Հայ-Քրիստոնէութեան համար

ճակատագրական շրջան մը եղաւ : Բորբորիսոն կամ Մծղնեայ կոչուած աղանդաւորներ, թեւեւ մեր ժամանակի գրգռլպաւներ՝ վատթարագոյն տեսակէն անբարոյական մարդիկ էին : Գաղտնի հաւաքոյթներ, մութին մէջ սարքուած խէնէշուծիւններ, կռապաշտութենէ մնացած տեսակ մը Վեստեան կոյսերու և կամ Անահիտի տաճարին մէջ սրբացող աղջիկներու կենցաղին շարունակութիւններն էին :

Գժբաղդաբար ասոնց հետեւեցան կարգ մը եկեղեցականներ ալ : Որով Շահապիվանի մէջ Յովսէփ Կաթողիկոսին նախագահութեամբ, նախարարներէ և եկեղեցականներէ բաղկացած խառն ժողովով մը խիստ կանոններ սահմանուեցան մձղնէից, անբարոյ եկեղեցականաց, երկրորդ կամ երրորդ աստիճանի ամուսնութեանց, ընտանեկան պղծութեանց եւնի համար :

Աւելորդ է ըսել թէ՛ Ս. Յովսէփ Կաթողիկոս իբր պետ Հայաստանեայց եկեղեցւոյ, իր մարտիրոսացմամբ սրբացած, անմոռանալի անուն մը թողած է մեր պատմութեան մէջ :

Տ. ԳԻՒՏ ԱՐԱՀԵԶԱՅԻ

461 — 478

Տ. Գիւտ Հայրապետ բաղդը ունեցաւ հանդիսաւորապէս ընդունելու Վարդանանց պատերազմին առթիւ նախ Պարսկաստանի մէջ բանտարկուած և ապա աքսորուած Հայ նախարարները, որոնք Արքայից Արքային հրամանով արտօնուած էին վերագաւանալու իրենց երկիրը : Հիացումով պէտք է յիշատակել այն կամաւոր մարտիրոսութիւնը աքսորեալ նախարարներու կիներուն և զաւակացը որոնք ըստ եղիշէի «Տիկնայք փափկասունք Հայոց աշխարհին» էին որ իրենց ամուսիններուն բացակայութեան միջոցին հեռու ընտանեկան վայելքներէն, լերանց ծերպերու և քարան-

ձաւներու մէջ խստակրօն ճգնողութեամբ ապրեցան : Իր օրով Հայաստան խաղաղած էր, նախարարներու վերագարձէն վերջ՝ վերաշինութեան ձեռնարկուած էր : Գիւտ Կաթողիկոս իր կարգին առիթէն օգտուեցաւ և վերջնական կարգ ու կանոն սահմանեց եկեղեցական արարողութեանց և աղօթքներուն : Ներկայիս գործածական ժամագիրքին առաջին հեղինակը ինքն է :

Ան ընդերկար չի վայելեց իր կազմակերպութեան արդիւնքը : Պարսկաստանի Պերոզ թագաւորին հրամանով պաշտօնազուրկ եղաւ : Եւ հակառակ անոր բռնութեանց արիաբար դիմադրեց իր քրիստոնէական հաւատքին համար, և իր կեանքը կնքեց խաղաղութեամբ :

ԹԱՐԳՄԱՆԻԶ ՄԱՏԵՆԱԳԻՐՆԵՐ

Սահակ-Մեսրոպեան դպրոցին կրտսեր աշակերտութեան կը պատկանին հետեւեալները .

Եղիեհ՝ հեղինակ համանուն զիրքին, Պատմութիւն Վարդանանց Պատերազմին : Մաքուր հայերէնով գրուած գիրք մը որ իբր նմոյշ կը ծառայէ Ոսկեդարու դասական լեզուին :

Եզնիկ Կողբացի՝ հեղինակ իր անունով ծանօթ դասական գիրքին, որով կը պայքարի եղծ աղանդոց, մանաւանդ պարսկական գենին դէմ :

Մովսէս Խորենացի՝ կամ քերթող, պատմահայր : Հեղինակ իր անունով ծանօթ Հայոց Պատմութեան : Խորենացիին կը վերագրուին կարգ մը գիրքեր, շարականներ և տաղեր :

Դաւիթ Անյաղբ Փիլիսոփայ՝ քաջ յունագէտ, Գիւտ Կաթողիկոսին յանձնարարութեամբ գրած է Սաչի տօնին Բարձրացուցեք ճառը :

Ղազար Պարփեցի՝ արժանահաւատ պատմագիր մը :

Ասոնց ամէնն ալ բարձրատիճան եկեղեցականներ եղած են : Արդեամբ և գրականութեամբ մեծամեծ ծառայութիւններ մատուցած Հայաստանեայց եկեղեցիին :

### Ս. ՅՈՎՀԱՆ ՄԱՆԴԱԿՈՒՆԻ

478 — 490

Ս. Սահակէն վերջ Հայաստանեայց եկեղեցւոյ նշանաւոր հայրապետներէն մին է Ս. Յովհան Մանդակունին : Իբրեւ բարեկարգիչ եկեղեցական արարողութեանց, հեղինակ բազմաթիւ շաբախաններու, եկեղեցական կանոններու, Տօնացոյցի, Մաշտոցի վերանորոգութեան, աղօթքներու և մանաւանդ Մեծ Պահոց Ճաշուի աղօթքներուն, եւլն. եւլն. : Այնպէս որ Օձնեցին եղածը հաստատեց, իսկ Շնորհալին շարականներով զարդարեց :

Մանդակունին եղած է միանգամայն մատենագիր, թարգմանիչ, քաջ ատենաբան :

Մեր ազգային պատմութեան մէջ Մանդակունին նշանաւոր է իբրեւ խորհրդատու և քաջալերիչ Վահանեանց շարժման : Եւ իրօք ալ Վարդանանց Պատերազմէն քառօրդ դար վերջ՝ Վահան Մամիկոնեանին յաջողութիւնները և մինչեւ Մարզպանութիւն բարձրանալը՝ Հայոց Պատմութեան պանծալի թուականներէն մին կը կազմէ :

### Տ. ԲԱԲԳԷՆ ՈԹՄՍԵՅԻ

490 — 516

Հայաստանեայց եկեղեցւոյ կարողագոյն դէմքերէն մէկն է Ոթմսեցի Հայրապետը : Իր օրով յուզուեցան Նեստորական և Քաղկեդոնական խնդիրներ :

Հայերը անտեղեակ չէին Պոլսոյ մէջ անցած դարձած կրօնա-դաւանաբանական խնդիրներէն : Սակայն Հայաստանի քաղաքական խառնակ վիճակը երբէք թոյլատու չէր եղած զբաղելու կրօնական հարցերով և առիթներ ալ ներկայացած չէին :

Բարգէնի օրով Նեստորականներ վերջնականապէս լքեցին իրենց կեդրոնը՝ Եգեսիան, և ապաստանեցան Պարսկաստան, ուր գտան արգաւանդ հող մը իրենց պառակտիչ քարոզութեանց համար : Եւ բնիկ քրիստոնեայ ժողովուրդը յունամիտ ներկայացնելով պարսկական կառավարութեան առջև, անոր կասկածը հրաւիրեցին հանգարտաբարոյ բնակչութեան վրայ :

Պարս-Ասորական եկեղեցին պահ մը ցնցուեցաւ և իբրեւ փրկութեան միակ ելք Սամուէլ և Բեթերշամայ երէցներէ կազմուած պատգամաւորութիւն մը ներկայացաւ Հայոց Կաթողիկոսին :

Ոթմսեցի Հայրապետը ըստ աւանդական սովորութեան Հայաստանեայց եկեղեցւոյ, հարցը տարաւ եպիսկոպոսներէ և տանուտէրներէ բաղկացած ժողովին, որ գումարուեցաւ ի Գուին 506-ին : Եւ ամենուն հաւանութեամբ իբրեւ վճռագիր դաւանական թուղթ մը տրուեցաւ պատգամաւորներուն, որուն մէջ Հայ եկեղեցին իսպառ կը մերժէր Նեստորի քարոզած երկու բնութիւն դաւանութիւնը և կը նզովէր զայն :

Պատգամաւորներ թէեւ ուրախութեամբ դարձան, սակայն փորձը ցոյց տուաւ որ թուղթին պարունակութիւնը անբաւական էր, որով ստիպուեցան անգամ մը եւս գալ Հայաստան :

Այս անգամ Քաղկեդոնի խնդիրն էր բերուած : Հայեր ըստ առաջնոյն կրկին ժողովուրդեցան և երկրորդ թուղթով մը նզովեցին Եւտիքէսն ու Տոմարն Լեւոնի,

և հաստատեցին Ձենոնի Հենետիկոնը : (Իաւանաբանական թուղթ Ձենոն կայսեր) :

Պաշտօնական սոյն գիրերը Պարսիկ արքունիքն ալ վաւերացուց , որով կացութիւնը փրկուեցաւ :

Սոյն երկու ժողովներու գումարման և թուղթերու խմբագրութեան մէջ ի յայտ կուգայ Բաբգէնի գրական և վարչական կարողութիւնը և դաւանաբանական հմտութիւնը :

Ի Գ. Դ Ա Ս

## ՀԱՅԱՍՏԱՆԵԱՅՑ ԵԿԵՂԵՑԻ

ՎԱՄԱԿԱՐԳՈՒԹԻՒՆՔ ԵՒ ԵԿԵՂԵՑԱԿԱՆ  
ՆՇԱՆՍԱՒՈՐ ԴԷՄՔԵՐ

Տ. ԿՈՄԻՏԱՍ Ա. ԱՂՅԵՑԻ

615 — 628

Հայ եկեղեցականութեան փայլուն զէմքերէն մէկն ալ Կոմիտաս կաթողիկոսն է : Հռիփսիմեանց տաճարին նորոգողը և սրբուհւոյն նշխարները իւրայատուկ նորակերտ դամբարանին մէջ զետեղողը :

Կոմիտասի գրական և կրօնա-բանաստեղծական ինչպէս նաև երաժշտական կարողութեան ապացոյցը կը կազմէ ԱՅՃԻՃԲ Նուիրեայլ շարականը , որ մեր շարակնոցի ամենէն ընտրելագոյն կտորն է :

Ինք իբրեւ զարգացած մարդ՝ սատար և զօրավիգ հանդիտացած է Սիւնեաց և Արշարունեաց ուսումնարաններուն :

Գնահատած է Սիւնեաց Վարդապետին , Մաթուսաղա քերթողահօր անվիճելի կարողութիւնը իր եղբորորդին՝ Թէոդորոս Բաթենաւորը անոր աշակերտացնելով , որ իր կարգին Սահակ Չորափորեցիի և Յովհանն իմաստասէր կաթողիկոսներու ուսուցիչը ըլլալու պատիւը կը վայելէ :

Տ. ՆԵՐՍԷՍ Գ. ԻՇԽԱՆՑԻ

641 — 661

Կարգ ու կանոն սիրող և մանաւանդ եկեղեցական երգեցողութեան և ժամակարգութեան նախանձախընդիր անձ մը եղած է Ներսէս Կաթողիկոսը :

Իրեն հրամանովն էր որ Շիրակայ գաղբեկանքին Առաջնորդը՝ գիտնական Բարսեղ Ճոն վարդապետը ընտրեց ու դասաւորեց շարակնոցը, որ կոչուեցաւ Ճոնընթիւր: Իր օրովն էր որ սկսաւ Հայաստանեայց եկեղեցւոյ մէջ կատարուիլ ամենօրեայ նոյնօրինակ պաշտամունք:

Ներսէս Գ. Կաթողիկոս դժբաղդութիւնը ունեցաւ տեսնելու և դուշակելու Արաբական արշաւանքին բահաւորութիւնը:

Ան ծանօթ է Ներսէս Շինող պատուանունով: Իր ժրջանութեամբ կառուցուած շատ մը եկեղեցիներու մէջ առաջնութիւնը կը վայելէ Զուարթնոց եկեղեցին, որ ներկայիս հնաբաններու լուրջ հետաքրքրութեան առարկան է: Իր օրովն է որ երկու հայ ճգնաւորներ՝ Յովէլ և Թողիկ, տեսիլքով կը տեսնեն Խաչափայտին այն մասը զոր Ս. Հռիփսիմէ կոյսը իր փախուստի միջոցին պահած էր Վանայ հանդիպակաց Վարազ լեռան ժայռերէն միոյն տակ: Ներսէս Աստուածահրաշ այս գիւտին վրայ մեծահանդէս և աշխարհախումբ տօնակատարութեամբ հաստատեց Վարագայ Խաչի տօնը՝ որ զուտ Հայկական տօն մըն է:

**Տ. ՍԱՀԱԿ Գ. ԶՈՐԱՓՈՐԵՑԻ**

677 — 703

Պատկառելի և քաղաքագէտ անձնաւորութիւն մըն էր Սահակ Զորափորեցի Կաթողիկոսը: Իր օրով Հայաստան կռուախնձոր մըն էր Յունաց և Արաբացւոց միջեւ. և Հայեր զոհն էին իրենց միջի Յունա-Արաբական կռուակցութեանց ձգտումներուն, որոնք երբեմն ծայրայեղութեան տարուելով ահաւոր դժբաղդութեանց դուռ կը բանային:

Արաբացիք որոշեցին Վարդանակերտի պարտութեան արտօր մաքրել, որով ահաւոր բանակով մը սկսան յառաջանալ դէպի Հայաստան:

Մեծանուն Սահակ Կաթողիկոս հակառակ իր յառաջացեալ տարիքին անձամբ վտանգը դիմաւորեց:

Եւ երբ Խառան քաղաքը հասած էր, զգաց թէ մահը մօտ է և իրեն համար անհնար Արաբական բանակի հրամանատար Ոկբային ներկայանալ: Ուստի նամակ մը պատրաստեց և յանձնարարեց մօտը եղող ներուն որ երբ մեռնի, գերը իր ձեռքին մէջ դնեն:

Ոկբան՝ որ արդէն իմացած էր Հայ կաթողիկոսին իր շքախումբով դէպի իրեն ընդառաջելը, և վերահաս մահը, նուիրական պարտականութիւն համարեց այցելել հանգուցեալին և արաբական ողջոյնով մը բարեկց վախճանեալը:

Պատմագիրներ կ'ըսեն թէ՛ երբ Ոկբան հիացած կը դիտէր պատկառազգու ննջեցեալը՝ ձեռքի շարժում մը նշմարեց և ծռելով առաւ յիշեալ նամակը:

Գիրը օրհնութիւն մըն էր Ոկբային համար՝ երբ սա ներէր Հայ ժողովուրդին և թող տար որ Հայեր կրօնական ազատութիւն ունենային, իսկ ի հակառակէն՝ նզովք մըն էր:

Ոկբան տեղի տուաւ և Հայ ժողովուրդը ստոյգ բնաջնջումէ մը վերապրեցաւ:

Զորափորեցիին կը վերագրուին Խաչի և Եկեղեցւոյ գոհար շարականներ ինչպէս նաև եկեղեցական կանոններ:

Այսպիսի դժնդակ ժամանակներու մէջ գրական և կազմակերպչական արդիւնքներ ցոյց տալ, քաջածանօթ ըլլալ արաբական լեզուին, արդիւնք է բացառիկ մտաւոր կարողութեան:

Ս. ՅՈՎՀԱՆՆԷՍ Կ. ՕՁՆԵՑԻ

717 — 728

Հայ եկեղեցականութեան փառքերէն մէկն է Օձնեցի՝ Իմաստասէր հայրապետը: Մեզի ծանօթ Քոթեանաւորի աշակերտը. տէր բարձր զարգացումի և կատարելապէս հմուտ յունարէնի և արաբերէնի:

Օձնեցին, Զորափորեցիին սկսած արաբական քաղաքակնութեան իբրեւ ջերմ հաւատացող, և ապա ձեռնհասօրէն ալ վարողը եղաւ զայն:

Իր զարգարուն հանդերձանքը, մազ ու մօրուքի ոսկեփոշիով յարգարանքը, միացած իր բնատուր առնական գեղեցկութեան. պարթեւ հասակին, կենցաղագէտ և քաղաքագէտ վարուողութեան, ակնածանքի և հիացումի մթնոլորտ մը ստեղծեցին իր շուրջ, այն աստիճան որ էօմէր ամիրապետ փափաքը ունեցաւ առ ի տեսութիւն իր մօտ հրաւիրել Հայոց Հայրապետը:

Օձնեցին չքախումբով մը Դամասկոս հասաւ և հայրապետական փառաւոր հանդերձանքով ներկայացաւ էօմէր ամիրապետին: Պատմիչներ կ'ըսեն թէ՛ էօմէր ինքն ալ հիացաւ Հայոց փառաւոր կաթողիկոսին և իսկոյն հրամայեց որ նստի:

Ամիրապետը որ ծանօթ էր Քրիստոնէական կրօնի պարզութեան՝ ուզեց գիտնալ թէ՛ ինչո՞ւ այդքան շքեղ և փայլուն էր հագուած: Օձնեցին բացատրելէ վերջ թէ՛ Տէրն Մեր Յիսուս Քրիստոս և իր Առաքեալները հրաշագործելու կարողութեամբ օժտուած էին իսկ ինք՝ ո՛չ, թէ յաչս ժողովրդեան պատկառազուրկալու համար հագուստն ու արգուզարգը անհրաժեշտութիւն մըն է, մանաւանդ որ ինք քաղաքական և զինուորական ո և է ոյժ մըն ալ չունէր. հետեւա-

բար հարկադրուած է երեւնալ այսպէս. և սակայն եթէ ինքը (ամիրապետը) կ'ուզէ ներքնապէս ալ իրեն ծանօթանալ կը խնդրէ որ շուրջինները դուրս ելնեն: Տրուած հրամանին վրայ դահլիճին մէջ ինքն ու ամիրապետը մնացին: Եւ անա Օձնեցին սկսաւ մէկիկ մէկիկ քակել ու հանել վրայի ոսկեճամուկ զգեստները, և տակէն երեւաց քուրձերն ու ցփսիները՝ զոր մորթին վրայէն հագած էր երանելի հայրապետը: Ամիրապետը իր հիացմունքը գրեթէ պաշտամունքի հասցուց: Իր ձեռքերով շօշափեց խարանազգեստը և բացազանչեց «միթէ մարդկօրէն կարելի՞ է հագնիլ ասիկա»: Եւ արեւելեան վեհապետներու յատուկ սովորական բանաձեւով մը ըսաւ. «խնդրեա՛ զինչ եւ կամիս. զի արարից քեզ». ուզէ՛ ինչ որ կը փափաքիս որպէսզի քեզի ընեմ:

Օձնեցին խնդրեց Ա. որ Հայ քրիստոնեաները չբռնադատեն իսլամանալու. Բ. Եկեղեցականներէն հարկ չպահանջուի. Գ. Քրիստոնէական պաշտամունքին ազատութիւն շնորհուի:

Էօմէր անմիջապէս հրովարտակով շնորհեց խընդրանքները և տեսնելով որ կաթողիկոսը իր անձին համար բան մը չուզեր, զայն ալ եօթն անգամ խիւսյեց, այսինքն եօթը ձեռք հագուստ և դրամական պարգեւներ տուաւ:

Օձնեցիին դիմումին վրայ, Դամասկոս գտնուող Հայ գերի նախարարներ ու մեծամեծներ գերութենէ ազատեցան և Հայաստան վերադառնալու արտօնուեցան:

Օձնեցիին եկեղեցական առաջին գործը եղաւ Քաղկեդոնիկ մտայնութեան իսպառ մաքրագործումը, որուն հետ ի հարկէ յունական քաղաքականութեան վտարումը Հայաստանի սահմաններէն:

Իմաստասէր հայրապետը իր անձնական հսկողութեամբ հաւաքեց իր նախորդներուն օրով ընդունուած եկեղեցական կանոնները, իսկ իր նախագահութեամբ Գուլիսի մէջ դումարուած եկեղեցական ժողովով մըն ալ պակասածները լրացնելէ վերջ, յատուկ հոգածութեամբ մը ամէնն ալ գրել տալէ վերջ պահեց շայրապետանոցին մէջ:

Իր մասնաւոր ուշադրութեան առարկան դարձուց ժամակարգութիւնը: Այնպէս որ իր նախորդներուն օրով եղածները բարեկարգեց և իր կողմէ ալ անհրաժեշտը աւելցնելով ճոխացուց և գեղեցկացուց, որով վերջնական ձեւ մը տուած եղաւ ժամագիրքին:

Օձնեցիին նշանաւոր գործերէն մին ալ Մանաղկերտի Հայ-Ասորական ժողովը եղաւ, ուր երկու ազգերու միջեւ թիւրիմացութեան հետեւանօք առաջ եկած կասկածները փարատեցան և երկու եկեղեցիներու միադաւանութիւնը վաւերացուեցաւ:

Ահաւասիկ իրապէս Մեծ Մարդ մը, որ իր քաղաքակա՛ն: ուղիղ դատողութեամբ և քրիստոնէական պայծառ իմացականութեամբ ամենամեծ ծառայութիւնը մատուց Հայ ազգին և իւր եկեղեցւոյն:

Ի Ե. Գ Ա Ս

ՀԱՅԱՍՏԱՆԵԱՅՑ ԵԿԵՂԵՑԻ

ՃԱՄԱԿԱՐԳՈՒԹԻՒՆԵՔ ԵՒ ԵԿԵՂԵՑԱԿԱՆ  
ՆՇԱՆՍԻՈՐ ԳԷՄԲԵՐ

Ս. ԳՐԻԳՈՐ ՆԱՐԵԿԱՅԻ

Հայ եկեղեցականութեան մէջ աննման դէմք մըն է Ս. Գրիգոր Նարեկացին: Թէև անիկա հայրապետական աթոռ մը չէ գրաւած և ազգին ճակատագրին հետ առնչութիւն ունեցող քաղաքական դեր մը չէ ունեցած, այլ վանքի մը չորս նատերէն ներս միայն ապրած, աւելի ճիշդը ճգնած ու տքնած. և սակայն ապրուած այդ կեանքը՝ Յաւիտեանականապէս դրոշմուած է Հայ ժողովուրդի մեծին ու փոքրին հոգւոյն մէջ:

Նարեկացին ծնած էր առաքինազարդ ընտանիքէ մը 950-ին: «Մարմնաւոր հրեշտակին և զուարթուն հսկողին» ծնունդը՝ ինքնին բացատրելի է ընտանեկան այն մաքուր մթնոլորտով, որմէ կեանք առաւան, և որուն մէջ սնաւ ու զարգացաւ:

Նարեկացիին հայրն է Տ. Խոսրով Եպիսկոպոս Անձեւացեաց (Վասպուրական): Մայրը՝ քոյրն է Անանիա Վարդապետ Նարեկացիին, կանուխէն մեկնած աստեանականէն, թողլով երեք որբուկներ և երիտասարդ ամուսին մը:

Խոսրով իր կնոջ մահէն վերջ եկեղեցականութեան մէջ յառաջացաւ և Առաջնորդ եղաւ Անձեւացեաց գաւառին: Ան ճանչցուած է մտքի և գրչի մարդ: Ըն-

տիր և հոգեւից գրուածքներ են իր Պատարագի և Ժամագիրքի մեկնութիւնները :

Նարեկացին մեծցաւ ու դաստիարակուեցաւ իր մօրեղբօր շունչին ներքեւ անոր հիմնած Ս. Սանգուլատի վանքին մէջ որ ապա իր անունով Նարեկայ վանք կոչուեցաւ :

Ահա ընտանիք մը , որուն Հայրը իր գարուն զարգացած եպիսկոպոսներէն և քաջարթուն հովիւներէն մին է . իսկ Մայրը Անանիա Վարդապետի նման բազմահմուտ և աստուածակիր մէկու մը քոյրը :

Սուրբը երկարակեաց չեղաւ , յիսունը անց արդէն Նարեկայ վանքին ցուրտ հողը գրկած էր : Կանուխէն վարդապետական ձեռնագրութիւն ստացաւ և ինքզինքը նուիրեց գրականութեան և ուսուցչութեան : Ինքզինքը կը կոչէ , «յետին վարժապետաց և կրտսեր բանասիրաց» : Իր երկասիրութեանց մէջ ամենէն բարձր տեղը կը գրաւէ Նարեկ աղօթամատեանը :

Մեր կողմէն Նարեկի մասին աւելցնելիք բառ մը իսկ չունինք : Ջերմօրէն կը յանձնարարենք միայն Ամեն . Տ . Թորգոմ Ս . Պատրիարքի (Եգիպտոսի Հայոց նախկին Առաջնորդ) Նարեկի աշխարհաբար թարգմանութիւնը : Ոչ միայն պատմական և գրական ուսումնասիրութեան համար , այլ առատօրէն ըմբռնելու այդ հոգեկան վսեմ վայելքը որ Նարեկացիին է միայն : Որովհետեւ ոչ ոք կրցած է անոր պէս ապրիլ աղօթքի կեանքը :

Իր կենդանութեան արդէն Հայոց սուրբը ճանչցուած էր . և երբ իր վախճանումէն քանի մը տարի վերջ Արծրունեաց Սենեքերիմ թագաւորը իր հայրենիքը լքած իր ժողովուրդով Սեբաստիա կ'երթար , սուրբին մատուցէն մաս մը առած իր հետ միասին կը տանէր , հոն նոր ուխտատեղի մը հիմնելու նպատակաւ :

\* \* \*

Մեր վերջին դասը (Ներսէս Շնորհալի) չխօսած աւելորդ չեմ տեսներ հոս ամփոփ մէջբերումով մը պատկերացնել հայրապետական աթոռին ըրած տեղափոխութիւնները . մասամբ ուրուագծած ըլլալու համար Կենդանի Գահասակուրիւնը Հայաստանեայց Եկեղեցւոյ հայրապետութեան :

Ա . Սահակ Պարթև Հայրապետ , Պարսկաստանի իր աքսորանքէն դարձէն վերջ աթոռը առժամաբար Բագրեւանդ (Պայազիտ իւչ Գիլիսէ) փոխադրած էր 432-ին : Հայրապետանոցին էջմիածինէն վերջնակաՆապէս Դուին փոխադրութիւնը կատարուեցաւ 485-ին Յովհան Մանգակունի Կաթողիկոսին ձեռամբ , երբ Վահան Մամիկոնեան Հայաստանի մարզպան կարգուած էր :

Բ . Դուինի մեծ երկրաշարժը պատահեցաւ 893-ին , Գէորգ Գառնեցի Կաթողիկոսին օրով , ի մէջ այլոց կործանեցաւ հայրապետանոցն ու կաթողիկէն ալ և կաթողիկոսը մազապուր ազատեցաւ աղէտէն :

Եւ վերջապէս , երկրաշարժէն 34 տարի վերջ , 927-ին Յովհաննէս Դրասխանակերտացի Կաթողիկոսին օրով աթոռը հաստատուեցաւ Աղթամար կղզին , Գազիկ Արծրունի թագաւորին հրաւերով :

Գ . Անանիա Մոկացի Կաթողիկոսը ապաստանեցաւ Կարս , Աբաս թագաւորին մօտ , 946-968 :

Դ . Սաչիկ Արշարունի Կաթողիկոսը Արգենայի մէջ , Անիի մօտ 973-992 :

Ե . Պետրոս Գետադարձ Կաթողիկոսը Անիի մէջ 1019-1058 :

Զ . Գրիգոր Վկայասէր Կաթողիկոսին օրով բազմաթիւ հակաթոռ կաթողիկոսներ ունեցաւ Հայ եկեղեցին : Հայաստանէն դուրս Մարաշի շրջանին մէջ Հոնի , քիչ մը անդին Շուղրի լեռներուն՝ Քէսունի Կարմիր վանքը հայրապետանոցներ եղած էին :

Վկայասէր վախճանեցաւ Շուղրի վանքին մէջ, ուր արգէն իր աթոռակիցն էր Բարսեղ Ա. Անեցիին 1105-1113:

Է. Քէսուռնի (Պեհեսնի) Գող Վասիլ Հայ իշխանին մահէն վերջ, Գրիգոր Պահլաւունի կաթողիկոսը աթոռը փոխադրեց իր հօրենական կալուածը, Ծովք կամ Տլուք բերդը, 1116-ին:

Ը. Միեւնոյն կաթողիկոսը 1149-ին Հռոմկլայ հաստատուեցաւ:

Թ. Հռոմկլան գրաւուեցաւ եգիպտացիներէն և կործանեցաւ 1292-ին և կաթողիկոսը՝ Ստեփաննոս Հռոմկլայեցիին Գահիրէ գերի տարուելով հոն վախճանեցաւ: Իսկ նոր կաթողիկոսը, Գրիգոր Անարզաբացիին (Անաւարզա) օծուեցաւ Կիլիկիոյ օստանին՝ Սոոյ մէջ և աթոռն ալ հաստատեց հոն:

Ժ. 1432-ին, Ամենայն Հայոց կաթողիկոսութիւնը վերադարձաւ և հաստատուեցաւ Էջմիածին. ազգային ընտրութեամբ կաթողիկոս օծուեցաւ Կիրակոս Վարդապետ Վիրապեցիին, իսկ Աղթամարայ և Սոոյ կաթողիկոսութիւններն ալ շարունակուեցան, ի հարկէ ոչ իբրեւ հակաթոռ: Աղթամարայ կաթողիկոսութիւնը վերջացած էր... , իսկ Կիլիկիոյ Հայրապետութիւնը փոխադրուած է Անթիլիաս, ինչպէս յիշեցինք մեր անցեալ գասերէն միոյն մէջ:

ԻԶ. Գ Ա Ս

ՀԱՅԱՍՏԱՆԵԱՅՑ ԵԿԵՂԵՑԻ

ՃԱՄԱԿԱՐԳՈՒԹԻՒՆՔ ԵՒ ԵԿԵՂԵՑԱԿԱՆ ՆՇԱՆԱՒՈՐ ԳԷՄՔԵՐ

Ս. ՆԵՐՍԷՍ ՇՆՈՐՀԱԼԻ (ԿԱՅԵՑԻ)

1166 — 1173

Կլայ, Հռոմկլան՝ եգեսիոյ, Քէսուռնի, Թլպաշարի (Այնթապ) մէջտեղ, Եփրատի և իրեն հարկատու ճիւղերէն Մէրզէն գետակով շրջապատուած, անմատչելի ժայռաբլուրի վրայ Հռովմէական տիրապետութեան շրջանին շինուած անառիկ բերդ մըն է: Այսօր աւերակոյտ մըն է ան. և սակայն մեծ պատերազմէն առաջ, իբրեւ սրբավայր Հայ ժողովուրդին սիրական վայրն էր, ուր կը գիմէին հարիւրաւորներ մօտակայ գիւղերէն ու քաղաքներէն, օրերով կը մնային Էննեո հայ գիւղին մէջ, և Աստուածածնայ Կիրակիին Տ. Ներսէսի ճգնարանին մէջ Ս. անմահ Պատարագ մատուցանել տալէ և ուխտերնին ալ կատարելէ, ուրախանալէ և զուարճանալէ վերջ՝ կը վերադառնային իրենց տեղերը:

Դուք լաւ գիտէք որ Հայոց Լուսաւորիչ Ս. Գրիգոր իր աթոռը հաստատեց Էջմիածնի մէջ, Հայաստանի Վաղարշապատ քաղաքին մօտ: Դժբաղդաբար ինչպէս անցեալ գասին մէջ տեսանք, ինը դար վերջ մեր կաթողիկոսութիւնը Հռոմկլայի մէջ հաստատուած էր. քաղաքներէ և բնակութիւններէ հեռու, ժայռերու և քարանձաւներու բլրակի մը վրան: Պարզ այն

պատճառաւ որ Հայոց Հայրապետութիւնն ալ Հայ ժողովուրդին նման տարագիր ու հալածական աստանդական կը դեգերէր :

Շնորհալին կը սերէր Պահլաւունեաց ազնուական ցեղէն : Ծնաւ Ծովքի զղեակին մէջ 1100-ին : Կ'արժէ ձանձնալ իրմէ առաջ իր ցեղն ու իր նախնիքը :

Ինչպէս գիտենք, Լուսաւորչայ արու սերունդը Սահակ Պարթեւով կը վերջանայ : Մամիկոնեան Վարդանի աղջիկներէն մին՝ Սահակի աղջկան թոռնուհին, ամուսնացաւ Արշարունեաց Արշաւիր Կամսարականին հետ, որ ցեղով Պահլաւունի էր : Ահա այս միութենէն պիտի սերէին հոյլը նշանաւոր զէմքերու . որոնք իրենց բացառիկ առաւելութիւններով միջին դարու Հայաստանեայց եկեղեցւոյ երկնակամարին վրայ մըշտափայլ համաստեղութիւն մը կազմեցին :

Ա. Գրիգոր Մագիստրոս Պահլաւունի, (աշխարհական) ներհուն փիլիսոփայ, լեզուագէտ, գրագէտ, Աստուածաբան, այլ մանաւանդ քաղաքագէտ և իր մայրենի եկեղեցւոյ սիրով վառուած Մեծ Հայք, Պոլսոյ Մոնոմախոս կայսեր կողմէ կուսակալ կարգուեցաւ Հայաստանի Յունական բաժնին և Միջագետքին : Իր օրով, իր հրամանին ենթակայ երկիրներ խաղաղութիւն վայելեցին : Ջերմ պաշտպան հանդիսացաւ ուղղափառ եկեղեցիին և հալածեց ու ցրուեց թոնդրակեցիները որ Մծղնէից աղանդը շարունակողներն էին :

Մագիստրոս ունեցաւ ութ զաւակներ, չորս մանչ, չորս աղջիկ : Մանչերէն Վահրամ որ անորդի մնացած և այրիացած էր, հօրը մահէն վերջ եկեղեցական ասպարէզը մտաւ և ընդհանուրին փափաքով կաթողիկոս ընտրուեցաւ :

Բ. Վահրամ — Գրիգոր Վկայասէր Կաթողիկոսն է ասիկա : Գրական ձիրքերով ծանօթ, մարտիրոսական

վկայութիւններ հաւաքելու հետամուտ, վարժ և կենցաղագէտ անձ մը, որ իր երկարատե ճամբորդութեան ընթացքին Եգիպտոս ալ այցելելով այս տեղի Հայոց համար Եպիսկոպոս, ըստ ոմանց Կաթողիկոս ձեռնադրեց իր քրոջ տղան՝ Գրիգորիսը :

Գ. Մագիստրոսի աղջիկներէն մին ամուսնացած էր Ծովք կամ Տլուքի իշխանին հետ, որուն Ապիրատ անուն զաւակին զաւակներն են, Վասիլ, Շահան, Գրիգոր և Ներսէս :

Դ. և Ե. Գրիգոր և Ներսէս Շնորհալի Կաթողիկոսներն են, որոնց մասին պիտի խօսինք :

Զ. Գրիգոր Տղայ Կաթողիկոս, Վասիլի որդին :

Է. Գրիգոր Ապիրատ Կաթողիկոս, Շահանի որդին :

Ը. Ներսէս Լամբրոնացի Արք Եպիսկոպոս, Ապիրատ Գրիգոր Կաթողիկոսին քրոջը՝ Շահանգուլստի որդին :

\*\*\*

Գրիգոր և Ներսէս Ծովքի Ապիրատ իշխանին զաւակները կանուխէն՝ իրենց հօր սպանութենէն վերջ, Քէսուն՝ Շուղրի Կար Ռիր վանքը տարուած և յանձնուած էին Բարսեղ Կաթողիկոսին խնամոց :

Երբ իրենց մեծ մօրեղբայրը՝ Վկայասէր Կաթողիկոսը կը մեռնէր, Գրիգոր 12 իսկ Ներսէս 7 տարեկան փոքրիկներ էին :

Վկայասէր կանխահոգութիւնը ունեցած էր Գրիգոր պատանեակը իր հիւանդութեան անկողինն քով բերել տալու, յանձնարարելու և կտակելու իրեն քու վիններուն, մասնաւորաբար Բարսեղ Կաթողիկոսին, իբրեւ ապագայ կաթողիկոսուն :

Այնպէս որ այս երկու իշխանազունք մասնաւոր խնամք և կրթութիւն ստացան Ստեփաննոս Վարդա-

պետ՝ Մանուկ մականունանեալ ձեռնհաս ուսուցչէ մը որ Արծաթի Դարուն ամենէն կարկառուն դէմքերէն մէկն էր իր կազմակերպած ուսումնարանով, քարոզելու և դասախօսելու բնատուր ձիրքերով, որոնք լիառատօրէն պիտի արգասաւորէին Շնորհալիներու փառանքով:

Հազիւ թէ Գրիգոր արքունքի էր հասած, Բարսեղ Հայրապետ ծանօթօրէն հիւանդացաւ, և զգալով մահուան մօտաւորութիւնը Եպիսկոպոս ձեռնադրեց զայն:

Իսկ իր մահէն վերջ 1113-ին, Կաթողիկոսութեան յարմարագոյն ընտրելի ընդունուեցաւ բարձրահասակ և վայելչագեղ, այլ անմազ գիւմօք Եպիսկոպոսը, որ Գրիգոր Պահլաւունին էր, հազիւ 18 կամ 20 տարեկան:

Ինչպէս ըսինք, Գրիգոր Պահլաւունիին եղբայրն էր Ներսէս Շնորհալին, իրմէ հինգ տարու փոքր: Իր եղբօր հետ միասին Շուղրի Կարմիր վանքէն 1116-ին Ծովք, անկից ալ 1149-ին Հռոմկլայ փոխադրուեցաւ: Ահա այս է իր Կլայեցի կոչուելուն պատճառը:

Ներսէս շնորհիւ իր երկնապարգեւ ուշիմութեան, վայելած բացառիկ գիրքին, զարգացաւ և յառաջացաւ եկեղեցական ասպարէզին մէջ, այլ մանաւանդ քրիստոնէական հեղահամբոյր առաքինութեամբ օժտուած կը գործակցէր իր եղբօր և կը վարէր ազգին ու եկեղեցիին գործերը իմաստուն և շնորհալի նուիրումով մը, որ Շնորհալի անունը իրապէս կը յատկանշուէր իրմով:

Հետեւաբար անոր գործունէութիւնը պէտք չէ կապել իր Կաթողիկոսութեան եօթը տարիներուն. որ ատեն արդէն ծերութեամբ հիւժած ու խօթացած, եկեղեցական բարեկարգութեամբ և յարաբերական գործերով ծանրաբեռնուած՝ հազիւ տանելի կեանք մը ու-

նէր: Շնորհալին գործեց իր եղբօր կենդանութեան ժամանակ. անոր հետ միասին. միակամ և միախորհուրդ, այլ միշտ տիրական հեղինակութեամբ: Հետեւինք իրեն:

Կիլիկիոյ իշխանապետ Թորոսին և Լամբրոնի իշխան Օշինի միջեւ թշնամութիւնը եղբայրասպան պատերազմի հասած էր: Շնորհալին մինչեւ Լամբրոն գնաց և հաշտութեամբ կարգադրեց վէճը: Վերադարձին հանդիպեցաւ դաշտային Կիլիկիոյ բազմամարդ քաղաքներէն Մամեստիա — Միսիս — ուր տեսակցեցաւ Յունաց կայսեր փեսայ Ալեքս կոմսին հետ: Սօսակցութիւնը անցաւ Հայոց և Յունաց եկեղեցիներու բաժանման պատճառները բառնալու և եկեղեցական միութիւն հաստատելու շուրջ: Որով դուքսին խնդրանքով Շնորհալին գրեց Գիր հաւատոյ Iunusովանութեան Հայաստանեայց եկեղեցոյ գրուածը, և զայն յանձնեց Ալեքսին, ներկայացնելու համար Մանուէլ կայսեր: Սոյն գրութեան պատճէնը կը գտնուի Շնորհալիի առաջին հայրապետական կոնգակին մէջ որ ծանօթ է Ընդհանրական անունով: Ալեքս հազիւ երկու տարի վերջ կրցաւ ներկայացնել զայն կայսեր, որ իր կարգին խորհրդակցելէ վերջ Պոլսոյ Պատրիարքին և Սիւնհոդոսին հետ՝ յարգալիբ նամակով մը գիւմեց Գրիգոր Պահլաւունի Կաթողիկոսին խնդրելով որ արտօնէ Ներսէսը Պոլիս երթալու և անձամբ ներկայանալու Պատրիարքին և Սիւնհոդոսին և բերան առ բերան խօսելու միութենական խնդրոյ մասին:

Նամակաբեր Սմբատ պատգամաւոր, Հռոմկլայ հասնելէն տարի մը առաջ վախճանած էր Գրիգորը. ինչ որ Պոլսոյ մէջ լուր չէին ունեցած, այնպէս որ գիրը ընդունեց Շնորհալին և միեւնոյն ոճով ալ պատասխանեց Մանուէլ կայսեր, որ ինք գայ Կիլիկիա և

անձամբ տեսակցի. որովհետեւ իրեն համար կարելի է՛ անթուէն հեռանալ:

Սոյն նամակին վրայ երկու պատգամաւորներ նոր պատասխանով մը Հռոմիլայ զրկուեցան և աշխատեցան համոզել Շնորհալին որպէս զի իր վերջնական որոշումը տայ երկու եկեղեցիներու բաժանման պատճառ եղող դաւանաբանական հարցերու մասին:

Սակայն Ներսէս չէր կրնար առանձինն գոհացնում տալ սոյն առաջարկին, որովհետեւ ոչ ժողով կրնար գումարել և ոչ ալ անձամբ կրնար ստանձնել այս կարգի կենսական խնդրոյ մը պատասխանատուութիւնը, հետեւաբար իր հին գրածներուն ձեւով պատասխան մը եւս գրելով ճամբեց պատգամաւորները:

Յունական կայսրութեան ներքին տագնապներուն առթիւ մօտ երկու տարի ժամանակ անցաւ որպէսզի Մանուէլ կայսրը պատասխանէ Ներսէսին: Այս անգամուան գիրը Կայսեր և Միքայէլ Պատրիարքին կողմէ գրուած ինը հարցումներ էին որոնց ընդունուիլը կը պահանջէր Յօն եկեղեցին: Եւ ահա հին պատգամաւորութեան անդամները խմբովին Հռոմիլայ եկան վերջնական պատասխան մը ստանալու համար:

Ներսէս սիրով ընդունելէ վերջ պատգամաւորները, յայտարարեց թէ՛ Եպիսկոպոսական ժողովով կըրնար վերջնական պատասխան տալ: Որով ժողով ընելու ձեռնարկ մըն ալ ըրաւ և սակայն եկողներն ալ պատասխանագրով մը ճամբելու ձեւը գտաւ: Նոյն ամբան մէջ (1173) Ներսէս վախճանեցաւ և յուզուած միութեան խնդիրն ալ անհետեւանք մնաց:

Կարժէ յիշատակել Շնորհալիի օրով Արեւորդիններուն (եզիտի) դարձը քրիստոնէութեան: Այսօր ալ Եզեսիոյ, Հիւանիւմանսուրի (Ատրեաման) և Մալաթիոյ կողմերը բազմաթիւ եզիտիներ կը բնակին: Ասոնք,

Արեւուն, Սատանային, Բարտիին և դարաւոր հսկայ ծառերուն պաշտամունք և երկրպագութիւն կը մատուցանեն: Արտաքնապէս իրենք զիրենք իսլամ կը ձեւացնեն, իսլամական անուններ կը կրեն, նոյնիսկ քաղաքներու մէջ մզկիթ կը յաճախեն և նամազ ալ կ'ընեն:

Պէտք է ըսել թէ՛ առ ահի կեղծաւորութիւն մըն է ըրածնին, ինչ որ չեն քաշուիլ յայտարարելու իրենց Հայ քրիստոնեայ բարեկամներուն:

Պարծանօք կը յայտարարենք թէ՛ Շնորհալին է հեղինակը մեր Ժամագիրքին և Տաղարանի քաղմաթիւ երգերուն, մեղեդիներուն, ինչպէս նաեւ ըստ Շարակնոցի՝ Մաղկազարդի, Հոգեգալստեան, Վարդավառի, Վարդանանց և այլ շարականներուն:

Ժամագիրքի առաջին էջէն սկսեալ, Առաւօտեան ժամերգութեան, Յիւսուք, Զարթիք, Առաւօս Լուսոյ, Աւխարհ Ամենայն, Այսօք Անհաւ, Արարչական, Նորասեղծեալ, Երեկոյեանին՝ Շնորհեա մեզ, Նայեաց սիրով, Ի քեզ հայցեմք շարականներն ու երգերը Շնորհալիի գրչէն ելած, իրմէն եղանակաւորուած և եկեղեցոյ մէջ ալ գործածութիւնը հրամայուած է: Շընորհալիի հեղինակութիւնը եղող սոյն շարականներէն ու երգերէն մեծ մասը Կոմիտաս Կաթողիկոսի Անձիմիին հետեւողութեամբ, այսինքն մէն մի համար Այք ու Բեհի կարգով և կամ իր անուան սկզբնատառերով կ'սկսին: Ո՞ր Հայ քրիստոնեան չի գիտեր Հաւասով խոսովանիմի քսանչորս համարները:

Դիւրին է հետեւցնել թէ՛ Շնորհալին եղած է Ասուլազգեաց բանաստեղծ, կարող երաժիշտ, ջերմեռանդ աղօթող, աստուածաբան մեկնիչ, և ին. և ին. գործածելով ըստ կամս՝ ռամկականէն սկսեալ ամենաբարձր գրական լեզու մը, արձակ թէ չափաւ:

Վերջացնելէ առաջ ըսենք թէ՛ Շնորհալին աղօթեց ու երգեց այնքան յստակ ու հոգեթով, դասաւորեց ու հաստատեց զմայլելի պատշաճութեամբ, ծաղկեցուց ու զարդարեց եկեղեցին՝ որպէս հարսն անբիծ ու անարատ, սիրեց ու ծառայեց Հայ ժողովուրդին իբրեւ գործալիւր հայր, և իբրեւ կենդանի բարբառ՝ աղբիւր մը յորդահոս, վճիտ ու քաղցրահամ, անըսպառ կենսունակութիւն մը ներարկեց Հայաստանեայց եկեղեցիին և Հայ ժողովուրդի հոգիէն ներս, որ ինն դարեր վերջն ալ իր հմայքն ու արժանիքը կը մնայ անվթար ու անաղարտ:

Վ Ե Ր Ջ



ԲՈՎԱՆԴԱԿՈՒԹԻՒՆ

**Ա. ԴԱՍ. — Կրօնական եւ եկեղեցական բաժանումներ**

	<b>Էջ</b>
Հաւաքավայրեր . . . . .	11
Այլազգէր: Միասուածեան եւ Բազմասուածեան կրօններ . . . . .	12
Մովսիսականութիւն: Քրիստոնէութիւն: Քրիստոնէութեան բաժանումները: Կաթոլիկ եկեղեցին եւ Բողոքականութիւն . . . . .	13
Բողոքական եկեղեցի: Օրթոսոքս եկեղեցի . . . . .	14

**Բ. ԴԱՍ. — Եկեղեցի**

Կրօնք եւ Քաղաքակրթութիւն: Աղօթել . . . . .	15
Առանձնական եւ հաւաքական: Հայաստանեայց եկեղեցի եւ իր Աւարտութիւնները . . . . .	16

**Գ. ԴԱՍ. — Եկեղեցական Միութիւն**

Հայ-Յոյն յարաբերութիւններ . . . . .	19
Քրիստոնէական Միութիւն: Առաջին եկեղեցին . . . . .	20
Հաղորդութեան Խորհուրդը: Յիսուս Նազովրեցիին եւ իր հանրային գործին պատրաստութիւնն ու գործունէութիւնը . . . . .	21

**Դ. ԴԱՍ. — Առաքեալներ**

Յիսուս եւ Առաքեալներ . . . . .	25
Հոգւոյն Սրբոյ Գալուստը . . . . .	27
Ազգեցութիւնը . . . . .	28

Ե. ԴԱՍ. — Առաքելներ

Առաքելոց անունները . . . . .	29
Զբաղումները: Պետրոս . . . . .	30

Զ. ԴԱՍ. — Առաքելներ

Նորակազմ եկեղեցին . . . . .	34
Եւ Սարկաւագներու պատօճը: Ս. Սեփաննոս . . . . .	35
Եւ իր նահատակութիւնը . . . . .	36
Սողոս եւ իր մանկութիւնն ու երիտասարդութիւնը . . . . .	37
Առաջին գործունեութիւնը . . . . .	38

Է. ԴԱՍ. — Առաքելներ

Սողոս Դամասկոսի նամբուն մեջ . . . . .	39
Սողոսի վերածնութիւնը եւ Քրիստոնէութիւնը ընդունիլը . . . . .	40
Պողոս կը փառոզէ . . . . .	41
Պողոսը կը փախցնեն . . . . .	42
Պողոս Նուսադէմի մեջ: Պողոս եւ Բառնաբաս . . . . .	43

Ը. ԴԱՍ. — Առաքելներ

Պողոս եւ Առաքելական գործ: Հերովդէս Անտիպաս քաղաւոր . . . . .	45
Առաքելական փառագութիւնք: Անտիոքի եկեղեցին: Ա. Շրջան Պողոսի . . . . .	46
Բ. Շրջան Պողոսի: Ք. Շրջան Պողոսի . . . . .	47
Եկեղեցիներու կազմութիւն . . . . .	48

Թ. ԴԱՍ. — Առաքելներ

Պողոս եւ Առաքելական գործ: Պողոս Նուսադէմի մեջ կը ձերբակալուի . . . . .	50
Պողոս եւ Հրեաներ: Պողոս եւ հրեական փառագութիւն . . . . .	51

Պողոս քաղաքիւրներու առջեւ . . . . .	52
Կայսեր կը բողոքէ: Պողոսի նամբորդութիւնը . . . . .	53
Պողոս Հռովմի մեջ . . . . .	54

Ժ. ԴԱՍ. — Առաքելներ

Եզրակացութիւն (Եօքն խորհուրդք): Առաքելական գործին նպատակը . . . . .	57
Հիւանդաց (օծում) աղօթք: Մկրտութիւն եւ Դրոս (Միւռոն) . . . . .	58
Հաղորդութիւն, Ապաշխարութիւն: Կարգ Քահանայութեան եւ . . . . .	59
Պսակ Ամուսնութեան . . . . .	60

ԺԱ. ԴԱՍ. — Հայաստանեայց եկեղեցի

Հեթանոսական քրջանի Հայոց հաւատքը . . . . .	61
--	----

ԺԲ. ԴԱՍ. — Հայաստանեայց եկեղեցի

Քաղեոս Առաքելի գործունեութիւնը . . . . .	65
Աբգարի աւանդութիւնը . . . . .	66
Ս. Դասառակ . . . . .	67
Բագրատունիք: Քաղեոս եւ Բարթողիմէոս առաքելներու գերեզմանները . . . . .	68

ԺԳ. ԴԱՍ. — Հայաստանեայց եկեղեցի

Քաղեոսի Քրիստոնէութիւն . . . . .	70
Մեհրու խան Հայրապետ . . . . .	73
Անակի ոճիրը . . . . .	74
Գրիգոր եւ Տրդատ . . . . .	75
Գրիգոր՝ Լուսաւորիչ Հայոց . . . . .	76
Լուսաւորիչ եւ Էջմիածին . . . . .	77

ԺԴ. ԴԱՍ. — Անգիր քղան Էջ

Լեզուի դժուարություններ . . . . .	79
Լուսաւորչի զուակները . . . . .	81
Ս. Յուսիկի նահասակությունը . . . . .	82

ԺԵ. ԴԱՍ — Գրոց Գիւսը

Մեարոպի խորհուրդները . . . . .	83
Մեարոպի ազգաբանությունը: Մեարոպ պատճօնեայ .	84
Մեարոպ Վարդապետ Գողթնի մեջ . . . . .	85
Գրոց Գիւսը . . . . .	86

ԺԶ. ԴԱՍ — Տիեզերական ժողովներ

Տիեզերական ժողովներու գումարման պատճառները . . . . .	87
Քրիստոնէական եկեղեցւոյ Միութեան դեմ հերձուածողներու նզովուիլը . . . . .	89
Տիեզերական ժողովներ եւ Հայեր . . . . .	90
Միութեան պառակտումը . . . . .	91

ԺԷ. ԴԱՍ — Հայ Մարտիրոսագրություն

Մարտիրոսութեանց պատճառները . . . . .	93
Ա. եւ Բ. Մարտիրոսաց խումբեր: Արարատեան վկաներ .	95
Հռիփսիմեանց Նահասակությունը . . . . .	96

ԴԸ. ԴԱՍ — Հայ Մարտիրոսագրություն

Վարդանանց Պատերազմը եւ Ղեւոնդ Երեց . . . . .	98
Պատերազմէն վերջ . . . . .	101
Վասակ Մարզպանի դատաստանը: Եկեղեցականաց մահավճիռը . . . . .	102
Վնդին գործադրությունը . . . . .	103
Խուժիկը . . . . .	105
Եզրակացություն . . . . .	106

ԺԹ. ԴԱՍ — Հայ Մարտիրոսագրություն Էջ

Մահմետականութեան ծագումն ու արածումը . . . . .	107
Ոստիկաններ . . . . .	108
Վահան Գողթնացին եւ իր նահասակությունը . . . . .	109
Պաղտաւս Բաղաթ . . . . .	110
Ապուսէյն ոստիկան . . . . .	111
Բուղա ոստիկան . . . . .	112
Սմբատ Խոսովանոյ եւ այլ մարտիրոսներ . . . . .	113

Ի. ԴԱՍ — Նուիրապետութ. եւ Անկախություն

Հայոց եկեղեցւոյ անկախությունն ու վարչական կազմը . . . . .	115
Ազգ. Սահմանադրություն: Եկեղեցական Գիրքեր Հայրապետական իշխանություն . . . . .	116
Կրիկիոյ Կարողիկոսությունը . . . . .	117
Երուսաղէմի Հայ Պատրիարքությունը: Կ. Պոլսոյ Պատրիարքությունը . . . . .	118
Առաջնորդներու պատճօնը: Քահանաներու պատճօնը .	119
Կուսակրօն եկեղեցականություն . . . . .	120

ԻԱ. ԴԱՍ — Ժամակարգություն և Եկեղեցական նշանաւոր դիմեր

Առաւօտեան եւ Երեկոյեան ժամերգություն: Միօրինակություն . . . . .	121
Օրերու բաժանումներ: Տօնական օրեր . . . . .	122
Մբոց տօներ: Պահոց օրեր: Ս. Քրիզոստ Լուսաւորիչ Մեծն Ներսէս . . . . .	123
Մեծն Ներսէս . . . . .	124

ԻԲ. ԴԱՍ — Ոսկեդար

Ս. Սահակ . . . . .	125
Ս. Մեարոպ . . . . .	126
Աստուածաբանչի բարգմանությունը . . . . .	127
Աղանդաւորներ . . . . .	128

**ԻԳ. ԴԱՍ — Ոսկեդար** 122

Ս. Ղեկունդ Երեց Վանանդեցի: Ս. Յովսէփ Հողոցմեցի 129  
 Տ. Գիւս Արանեզացի . . . . . 130  
 Քարգմանիչ մասենագիրներ՝ Եղիշեհ, Եզնիկ Կողբացի, Մովսէս Խորենացի, Դաւիթ Անյաղբ Փիլիսոփայ, Ղաղար Պարփեցի . . . . . 131  
 Ս. Յովհան Մանդակունով: Տ. Բաբգեն Ռբմսեցի . 132  
 Դուինի Ժողովը . . . . . 133

**ԻԴ. ԴԱՍ — Եկեղեցական նշանաւոր դէմքեր**


Տ. Կովիսաս Ա. Աղցեցի: Տ. Ներսէս Գ. Իսխանցի 135  
 Տ. Սահակ Գ. Զորափորեցի . . . . . 136  
 Ոկբան կը դիմաւորէ: Ս. Յովհաննէս Գ. Օձնեցին 137  
 Էօմէր Ամիրապետին կը ներկայանայ: Բանտարկելոց եւ գերիներու ազատութիւն . . . . . 139

**ԻԵ. ԴԱՍ — Եկեղեցական նշանաւոր դէմքեր**

Ս. Գրիգոր Նարեկացի . . . . . 141  
 Տեղափոխութիւնք Հայրապետական Աթոռոյ . . 143

**ԻԶ. ԴԱՍ — Եկեղեցական նշանաւոր դէմքեր (Ս. ՆԵՐՍԷՍ ՇՆՈՐՀԱԼԻ)**

Հոռովկայ . . . . . 145  
 Շնորհալիին նախնիք . . . . . 146  
 Շնորհալի Եղբայրներու դաստիարակութիւնք . . 147  
 Գրիգոր Պահլաւունին կաթողիկոս . . . . . 148  
 Ներսէս հաւատար: Ներսէս եւ Ալեքս կոմս . . 149  
 Յոյն-Հայ Եկեղեցական Միութեան խնդիրք . . 150  
 Արեւուդիներ: Շնորհալին եւ Հայաս. Եկեղեցին 151





7p

904

« Ազգային գրադարան »  
  
NL0160843

